

# ქართული მწიგნობები

სალიტერატურო ჟურნალი

დაარსებულია  
1926 წელს

აღდგენილია  
1990 წელს

განახლებულია  
2008 წელს

**1**

იანვარი  
**2010**

## **რედაქტორი**

ლევან ბრეგაძე

## **რედაქტორის მოადგილე**

ზვიად კვარაცხელია

## **სარედაქციო ჯგუფი**

მაია კუდავა  
ნინო მინიშვილი  
პაატა ნაცვლიშვილი  
მეგი ობოლაშვილი  
ნინო ყულოშვილი  
გვანცა ჯობავა

კონცეფცია და დიზაინი:  
© პაატა ნაცვლიშვილი, 2008.

ISSN 1512 - 4444

© გამომცემლობა „ინტელექტი“, 2008.

## **პოეზია**

**პაატა ნაცვლიშვილი.** 44 პოსტმოდერნისტული  
4-თანხმოვ(ა)ნება ახალი (ძველი) კოლექციიდან **5**

## **მწერლის არქივივიდან**

**ოთარ ჭილაძე.** ჩანანერები **17**

## **მსატვრული პროზა**

**ოლესია თავაძე.** გადამცდარნი **32**

## **დეპიუტი**

**თამარ თოლორაია.** კაპელა **40**

## **ესეისტიკა / დოკუმენტური პროზა**

**ზურაბ ცხონდია.** რაც უნდა დუმილით მეტევა **43**

## **ამონეული ფურცლები**

- 49** ნიკო ნიკოლაძე. რუსეთის დამხობა და საქართველოს ბედი (ზაზა აბზიანიძის პუბლიკაცია)

## **ახალი თარგმანები**

- 59** ბერნჰარდ შლინკი. შაქრის მუხუდო (თარგმანი ბელა სურგულაძისა)

## **შტრიხები პორტრეტისათვის**

- 71** რენე კალანდია. ღვინისფერი პოეტის სევდა

## **უკვდავი სახელები**

- 75** წმიდა ალექსი შუშანია. საზომი სულიერი თავისუფლებისა (წერილი იონა მეუნარგიასადმი)

## **წიგნის პრეზენტაციები**

- 77** ლიტერატურული ალილობა არტ-კაფე „ქარავანში“ პასტერნაკის ლექსები ქართულად

## **წიგნები**

- 78** „ინტელექტი“ გთავაზობთ  
**79** „არტანუჯი“ გთავაზობთ

პოეზია

პაატა ნაცვლიშვილი

44 პოსტმოდერნისტული 4-თანხმოვ(ა)ნება  
ახალი (ქველი) კოლექციიდან

02. 02. 11. 13.

ეგვიპტე<sup>1</sup> და შუმერი<sup>2</sup> და აქადი<sup>3</sup> და ბაბილონი<sup>4</sup>,  
სამი ათასწლეულია ზღაპარს ყვება ბაბილინა<sup>5</sup>,  
ამა ქვეყნის ძლიერ სთნავენ იმა ქვეყნის ბობოლანი,  
ვიცდლო ხახვში არ ჩახრაკონ მაგ ყურების ბიბილონი<sup>6</sup>.

1, 2, 3, 4. ეგვიპტე, შუმერი, აქადი, ბაბილონი – ძველი მსოფლიოს ქვეყნები. ეგვიპტეში მოგზაურობა დღესაც შეიძლება (მიაკითხეთ თუნდაც „მოგზაურთა კლუბს“ და „ენ-ტურს“. შუმერთან დაკავშირებით იხილეთ პარლამენტის ყოფილი წევრის ზურაბ ქაფიანიძის უნიკალური შრომები პროფ. თეიმურაზ მიბჩუანის წინასიტყვაობებით).

5. ბაბილინა ზღაპრების მთხრობელია საქართველოს ტელევიზიის პირველ არხზე; იხ. აგრეთვე ამავე სახელწოდების მშვენიერი ქართული მულტფილმი (1986, რეჟისორი დათო თაყაიშვილი).

6. იგულისხმება ცნობილი ხატოვანი გამოთქმა ყურებზე ხახვის დაჭრის თაობაზე.

02. 07. 11. 10.

ქალაქებში გაერივნენ ტამბოვი და ბუზულუკი<sup>1</sup>,  
მარსელი და მონაკო და ტურინი და ბაზელი კი  
რკინის ფარდის მიღმა გარჩნენ, როგორც ტყეში ბაზილიკა...  
ვერ დამიჭერთ უსამხილოდ, ვერ დამიჭერთ ბეზ ულიკი<sup>2</sup>!

1. ბუზულუკი – გადაკარგული რუსული ქალაქი ორიოლის ოლქში; დიდი ბეზლიკი<sup>2</sup> რამე იყო ეს ბუზულუკი, სანამ მამაჩემი – თემო ნაცვლიშვილი (1925-2009) ლევ ტოლსტოის ძეგლს დადგამდა იქ 1974-ში.

2. ბეზ ულიკი (რუს. без улыки) – უსამხილოდ (ლექსი იმ დროს არის დაწერილი, როცა ასეთი ლექსები არ იწერებოდა, ხოლო მეოთხე სტრიქონში ავტორი იმ ხალხს მიმართავს, ვისაც ასეთ ლექსებზე, თუ ვინმე მათ დაწერას მაინც გაბედავდა, დროული რეაგირება ევალებოდა).

3. ბეზლიკი (რუს. безликий) – უსახური.

02. 11. 06. 17.


შენ უნდა თქო, კლინტონი<sup>1</sup> ვარ, შენ უნდა თქო, ბილი ვარო!  
მონიკაზე<sup>2</sup> გადამჯდარხარ, როგორც ცხენზე ბოლივარი<sup>3</sup>,  
მაგ ქვეყანას ვერაფერმა ვერ მოულო ბოლო, ვერა!  
ვერც მაგ ამბით<sup>4</sup> შეირყევა ამერიკის ბალავარი!

1. უილიამ ჯეფერსონ (იგივე ბილ) კლინტონი (დ. 1946) – აშშ 42-ე პრეზიდენტი (1993-2001).

2. მონიკა – მონიკა ლეინსკი (დ. 1973) – თეთრი სახლის სტაჟიორი, რომელთანაც პრეზიდენტ კლინტონს ორალურ-სექსუალური თავგადასავლები გადახდა. ზოგიერთი ექსპერტის აზრით, ნატოს ოპერაცია იუგოსლავიაში კლინტონმა ლეინსკის გარშემო ატეხილი სკანდალის გადაფარვის მიზნით განახორციელა.

3. სიმონ ბოლივარი (1783-1830) – სამხრეთ ამერიკის ესპანური კოლონიების დამოუკიდებლობისათვის მებრძოლი, ვენესუელის ეროვნული გმირი, გენერალი, დიდი კოლუმბიის პრეზიდენტი. მის პატივსაცემად მის მიერ გათავისუფლებული პერუს ტერიტორიას ბოლივია ეწოდა. სამხრეთ ამერიკის ყველა ესპანურენოვან ქვეყანაში მისი ცხენოსანი ქანდაკება დგას.

4. თვითცნაზურაა: პირველ ავტორისეულ ვარიანტში იკითხება „მაგ თესლით“.




ამ პუბლიკაციის ავტორი მეოთხედი საუკუნეა მისდგომა „თანხმოვ(ა)ნებების“ ვეება ორმოს და ეს პოსტმოდერნისტული ლექსები ამოაქვს და ამოაქვს. გამოქვეყნებით კი ერთადერთხელ გამოაქვეყნა – ჟურნალ „ჩვენი მწერლობის“ 2008 წლის 25 აპრილის ნომერში.

ავტორი „თანხმოვ(ა)ნებებს“ სერიებად ჰყოფს: ორთანხმოვ(ა)ნებანი, სამთანხმოვ(ა)ნებანი, ოთხთანხმოვ(ა)ნებანი და ხუთთანხმოვ(ა)ნებანი, ანუ ყველასთვის გასაგებად – დითანხმოვ(ა)ნებანი, ტრითანხმოვ(ა)ნებანი, ტეტრათანხმოვ(ა)ნებანი და პენტათანხმოვ(ა)ნებანი.

„ჩვენს მწერლობაში“ ტრითანხმოვ(ა)ნებანი დაიბეჭდა, საამჟურნალოდ კი ავტორმა 44 ძველი თუ ახალი ტეტრათანხმოვ(ა)ნება შეარჩია.

ლექსების სათაურებში ყოველი რიცხვი ქართული ასოების ადგილს შეესაბამება 33-ასოიანი ქართული ანბანის რიგში.

ავტორი ხაზგასმით აღნიშნავს, რომ სქოლიო ლექსის განუყოფელი ნაწილია, თუმცა მისი წაკითხვა, ისევე როგორც თავად ლექსისა, სულაც არ არის სავალდებულო.

**02.11.17.11.**

ბალ-მასკარადს – ბალ-მუსიკა სჭირდება და ბალ-არენა, ტანგოები, ფოქსტროტები, ვალსები და ბოლერონი<sup>1</sup>, თავს ვერაფრით მანონებენ ბალეტი და ბალერინა, ისე როგორც ბოლოსწინა „ბემემვე“ და ბოლო „რენო“.<sup>2</sup>

1. ტანგო, ფოქსტროტი, ვალსი, ბოლერო – წყვილთა ცეკვები.
2. „ბემემვე“ (BMW) და „რენო“ – გერმანული და ფრანგული საავტომობილო მარკები.

**02. 17. 02. 13.**

იქით არის ერთი ქრისტე, აქეთ – ბლომად ბარაბანი<sup>1</sup>, თუნდაც გულში ვიმღეროდე, უნდა მომცე ბერო, ბანი. ყარაბასი<sup>2</sup>, ბარაბასი<sup>3</sup>, ქრისტე სი<sup>4</sup>! და ბარაბა ნო<sup>5</sup>! ბარაბანი არ გაგისკდეს, მაგ ყურების ბარაბანი.

1. ბარაბა – სახარებისეული ავაზაკი (იხ. მათე, მარკოზ, ლუკა ან იოანე)
- 2, 3. ყარაბასი და ბარაბასი – ორად გაყოფილი ყარაბას-ბარაბასი – ცნობილი პერსონაჟი „ბურატინოს თავგადასავლიდან“.
- 4, 5. სი (ესპ. იტალ.) – კი, დიახ; ნო (ესპ. იტალ.) – არა.

**03. 04. 27. 12.**

აბსურდია მა რა არი: ბატიც უმი, გედიც – უმი, იონესკომ<sup>1</sup> მარტორქები<sup>2</sup> და ბეკეტმა<sup>3</sup> გოდო<sup>4</sup> ცემა, ახლა თუშეთს რა სჯობია – ყველიც ამო, გუდაც ამო, ქვემოთ რჩება აბსურდი და გრიგოლიას<sup>5</sup> გადაცემა!

1. ეჟენ იონესკო (1909-1994) – რუმინული წარმოშობის ფრანგი მწერალი, აბსურდის თეატრის ერთ-ერთი ფუძემდებელი, საფრანგეთის აკადემიის წევრი (1970).
2. „მარტორქა“ – იონესკოს ერთ-ერთი ყველაზე ცნობილი პიესა (1959).
3. სემუელ ბეკეტი (1906-1989) – ირლანდიელი მწერალი, აბსურდის თეატრის ერთ-ერთი ფუძემდებელი, ნობელის პრემიის ლაურეატი (1969).
4. გოდო – ბეკეტის ყველაზე ცნობილი პიესის (1952) ვირტუალური პერსონაჟი.
5. გრიგოლიას გადაცემა – იგულისხმება ინგა გრიგოლიას ტელეგადაცემა; რომელი ერთი, აღარ მახსოვს.

**03. 11. 04. 13.**

პაატა ვარ ბურჭულაძე<sup>1</sup> თუ აჩიკო გულედანი<sup>2</sup>, ამ სიმღერას როცა ვმღერი, სისხლი დამდის გულიდანო, რა ვქნა, რუსო, არ გნებდები, დიდხანს უნდა გალოდინო, ვერ გამაგდებ, არ მოვიცვლი ფეხს ამ ჩემი გალიდანო<sup>3</sup>!

1. პაატა ბურჭულაძე (დ. 1955) – სახელოვანი ქართველი მომღერალი, თანამედროვე მსოფლიოს უპირველესი ბანი.
2. აჩიკო გულედანი (დ. 1973) – ქართველი მუსიკოსი.
3. სამწუხაროდ, ეს ლექსი ვერ გამოდგა მთლად წინასწარმეტყველური – რუსი ვერც დიდხანს ვალოდინეთ და გალიდანაც ერთბაშად ამოვიკვეთეთ ფეხი.

**03. 13. 19. 10.**

ვტოკამ ვირი კუდივითა, კუდი გავხდი განატოკი, ღვინით სავსე კასრი გთხოვე, ქვევრი გთხოვე, გინა ტიკი,


ვერაფერი მოვუხერხე, თავისას მთხოვს გენეტიკა, ნუ მიჰყიდით თელასს რუსებს – დენი მინდა განა ტოკი<sup>1</sup>.

1. ტოკი (რუს. ток) – დენი.

**03. 13. 27. 04.**

სადაც შენი იდო გენი, იქავ იმათ გენიც იდო, სად დედ-მამას განცდა შეხვდა, იქავ შვილმაც განიცადა, თუ წინაპრებს არ სცემ პატივს, ქვესკნელს ნახვალ, განა ცადა, არ აცდებდა, დაიხსომე, სულიერი გენოციდი<sup>1</sup>.

1. გენოციდი – (აქ) განადგურება, (იქ) მოსახლეობის ცალკეული ჯგუფების გაუღება რასობრივი, ეროვნული თუ რელიგიური მოტივებით; ითვლება ერთ-ერთ უდიდეს დანაშაულად კაცობრიობის წინაშე.



**04. 02. 04. 02.**

დავალ-დავალ დაბალ-დაბალ სოფელ-სოფელ, დაბა-დაბა, ბუმ დაბადა ბუკნაჭოტი, ბუკნაჭოტმა დაბადა ბუ, აბუ-დაბი<sup>1</sup> ამ უდაბნოს დამაბნედელ დიბად<sup>2</sup> ება, მე სიკვდილი რომ მეგონა, ის ყოფილა დაბადება!

1. აბუ-დაბი – არაბთა გაერთიანებული საემიროების ამავე სახელწოდების საემიროს დედაქალაქი, „ახლო აღმოსავლეთის მანჰეტენად“ წოდებული.  
2. დიბა – სხვათა ენაა, ქართულად ოქრომკედი ჰქვია.

**04. 02. 21. 11.**


დაბალ მოდას სულ არ უნდა, მაღალს<sup>1</sup> უნდა დიდი ფული, უცხო სიტყვათ წვიმა მოდის, კუტურიე<sup>2</sup> და დეფილე<sup>3</sup>... ყური უგდე ნაცნობ ბგერებს: დო-ფა-დო-ლა, დო-დო-ფა-ლა, ამოდენა დედოფლებში შენ ხარ ერთი დედოფალი.

1. მაღალი მოდა (ფრ. haute couture) – უმაღლესი ხარისხის სამკერვალო დიზაინი, უნიკალური მოდელების წარმოება.  
2. კუტურიე (ფრ. couturier) – მოდელიორი, მაღალი მოდის (იხ. ზემოთ) დიზაინერი.  
3. დეფილე – (ფრ. defile) – ვინრო გასასვლელი ხეობაში. ჩვეულებრივ, სამხედრო-ტაქტიკური ტერმინია. 1913 წელს პირველად იხმარეს მოდასთან კავშირში – ვინრო, ელიტურ წრეში მოდების ჩვენებისას პოდიუმზე მოდელის გრაციოზული რონინის აღსანიშნავად. მას მერე მოდების ჩვენების მნიშვნელობით უფრო ხშირად იხმარება, ვიდრე სამხედრო მნიშვნელობით.

**04. 10. 04. 17.**

არ ივარგე დაკად<sup>1</sup>, არა, – თავი შენი დაკოდე რა, მიაკარგე სამაჩაბლო, აფხაზეთი და კოდორი. მინდია<sup>2</sup> თქვა, როცა მოვალ, ღვიად<sup>3</sup> მოვალ, დეკად<sup>4</sup> არა. შენ ამ სიტყვებს ვერ გაიგებ, თუ არა გაქვს დეკოდერი<sup>5</sup>.

1. დაკი, დაკები – რომის იმპერიაში შემავალი თრაკიელთა მეომარი ტომი. სახლობდნენ თანამედროვე რუმინეთის, სერბიის, უნგრეთის, უკრაინისა და მოლდოვის ტერიტორიებზე.  
2. მინდია – ვაჟა-ფშაველას (1861-1915) „გველისმჭამელის“ (1893) პერსონაჟი, გულთამხილავი.  
3, 4. ღვია და დეკა – ყველაზე პოპულარული მცენარეები (იასთან ერთად) ვაჟას პოეზიაში.  
5. დეკოდერი – მოწყობილობა ელექტროსიგნალის ერთი სისტემიდან მეორეში გადასაცვანად ან კოდირებული რამ ინფორმაციის წასაკითხად.



**08. 10. 04. 04.**

თავს როდესაც ჩამოიხრჩობ, გებრალემა თუკი დედა,  
თუ კიდე ძმა გებრალემა, გებრალემა თუ კიდე და,  
თავს როდესაც ჩამოიხრჩობ, თუგინდ იყო თუკიდიდე<sup>1</sup>,  
რომ ვერავინ ვერ გაიგოს, ისევ იქვე თოკი დადე.

1. თუკიდიდე (ძვ. წ.ა. V ს.) – უდიდესი ბერძენი ისტორიკოსი და სტრატეგოსი, თრაკიის მეფის ოლორის შთამომავალი, ავტორი თხზულებისა „პელოპონესის ომის ისტორია“. ცხოვრების ბოლო 20 წელიწადი დეენილობაში გაატარა. არის ცნობები, რომ მოკლეს ან თავი მოიკლა.

**08. 31. 17. 10.**

სმენად მხეცნი მოვიდიან<sup>1</sup>, ამოდ მღერის თიხა<sup>2</sup> რაკი...  
ქალს არ იჯენს ულამაზოს ჩემი ცხენი თოხარიკი,<sup>3</sup>  
ჩემს ცხენს უნდა შემოაჯდე, შენც ლამაზი თუ ხარ, ეკა,  
მაგრამ სხვამ რომ შემოგისვას, თავში უნდა თოხი რეკო.

1. იხ. შოთარუსთაველის (დ. 1166–გარდ. იერუსალიმში) „ვეფხისტყაოსანი“, დასურათებული ირაკლი თოიძის (1902-1985) მიერ.  
2. იხ. ქართული მხატვრული ფილმი „საბუდარელი ჭაბუკი“ (1958, რეჟისორი შოთა მანაგაძე), რომლის ერთ ეპიზოდში გაისმის სიტყვები: „თიხა მღერის!“  
3. ისმის ცნობილი „იმერული მგზავრული“ – ხალხური სიმღერა, რომელშიც არის ასეთი ფრაზა: „ჩემი ცხენი თოხარიკი ქალს არ იჯენს ულამაზოს“....

**10. 13 . 06. 17.**

აღისფერი, მენამული, წითელი და კინოვარი<sup>1</sup>:  
ჯინსი ვერა, კევი არა, ბიტლზი<sup>2</sup> არა, კინო ვერა,  
ერთადერთი სიხარული იყო ვილის კონოვერი<sup>3</sup>...  
ახლა კიდე ლამის სახლში შემომეჭრეს კანავარო<sup>4</sup>.

1. კინოვარი – მინერალი, ოდითგან საღებავად იყენებდნენ; აღისფერთან და მენამულთან ერთად წითლის სინონიმად იხმარება, თუმცა ფერთა კატალოგში კონკრეტულ ელფერს შეესაბამება.  
2. ბიტლზი – The Beatles – ლივერპულელთა ოთხეული (ჯონ ლენონი, პოლ მაკარტნი, ჯორჯ ჰარისონი და რინგო სტარი); ყველაზე სახელოვანი როკ-ჯგუფი მუსიკის ისტორიაში, რომელიც 60-იან წლებში მოდის კანონმდებელად იქცა მთელ მსოფლიოში სსრკ-ს გარდა, სადაც ფაქტობრივად აკრძალული იყო.  
3. ვილის კონოვერი (1920-1996) – ამერიკელი რადიოჟურნალისტი და მუსიკალური პროდიუსერი, 1955 წლიდან 40 წლის განმავლობაში ყოველდღე მიჰყავდა „ჯაზის საათი“ რადიოსადგურ „ამერიკის ხმაზე“.  
4. ფაბიო კანავარო (დ. 1973) – იტალიელი ფეხბურთელი („ნაპოლი“, „პარმა“, „ინტერი“, „იუვენტუსი“, მადრიდის „რეალი“), მსოფლიო ჩემპიონი (2006), მსოფლიოს საუკეთესო ფეხბურთელი (2006).

**10. 17. 11. 08.**

ვერ ვიტყუებ თავს მარკ ტვენით<sup>1</sup>, ველარც ლუის კეროლითა<sup>2</sup>,  
ვერც სასმელით ვერ ვიტყუებ, – გაიხურე კარი, ლოთო!  
მე კი გავცდი რუსთა ბლოკ-პოსტს „ტოიოტა-კოროლათი“<sup>3</sup>,  
მაგრამ რა ქნას, თავის თავს ხომ ვერ გაცდება კარალეთი<sup>4</sup>!?

1. მარკ ტვენი (1835-1910) – ამერიკელი მწერალი (ნამდვილი სახელი და გვარი – სემუელ კლემენსი), ტომ სოიერისა და ჰეკლბერი ფინის თავგადასავლების გარდა, უარესად თავშესაქცევი იუმორისტული ნაწარმოებების ავტორი.  
2. ლუის კეროლი (1832-1898) – ინგლისელი მწერალი, მათემატიკოსი და ფოტოგრაფი (ნამდვილი სახელი და გვარი – ჩარლზ დოჯსონი), ლიტერატურული ნონსენსის ჟანრის ფუძემდებელი, ავტორი საყოველთაოდ ცნობილი თხზულებებისა: „ელისი საოცრებათა ქვეყანაში“ და „ელისი სარკისმიღმეთში“.




3. „ტოიოტა-კოროლა“ – იაპონური მსუბუქი ავტომობილი.
4. კარალეთი – ქართული სოფელი 2008 წელს რუსეთის მიერ ოკუპირებული ტერიტორიის საზღვარზე.

**10. 17. 18. 11.**

შენს პრეზიდენტს გაზის ტრუბა<sup>1</sup>, ჩემს პრეზიდენტს – კარუსელი<sup>2</sup>,  
 მე ქართული, შენ თურქული, რუს გენერალს კი რუსული...  
 ასი ძროხა დააგრილა<sup>3</sup>, წაეკიდა კუროს ალი,  
 სამ კაროლში პაროლს ამბობ, სამ დამაში კარეს ელი<sup>4</sup>.

1. ტრუბა (რუს. труба) – მილი.
2. კარუსელი ორნაირია – ერთი საბავშვო, მეორე საარჩევნო.
3. დაგრილება – ზოოვეტერინარული ტერმინია, ცხოველთა განაყოფიერებას ნიშნავს.
4. ბოლო სტრიქონს პოკერის მოთამაშეთათვის განმარტება არ სჭირდება, სხვებისთვის ახსნას კი აზრი არა აქვს; სჯობია ჯერ პოკერის თამაში ისწავლონ.



**12. 03. 11. 08.**

მომილოცეთ მე გულითა, – მოვილოცე მე გელათი!<sup>1</sup>...  
 ვინაც მოგვცა ბრძოლისა და სინანულის მაგალითი,  
 დღეს გვაფრთხილებს, თუ მას ენდეთ, უარესი მოგელითო!  
 მეფეს გულზე ქვა არ ადევს და არც ლოდი, – მეგალითი.

1. გელათი – მონასტერი, ქართული ხუროთმოძღვრული ანსამბლი, შუა საუკუნეების საქართველოს უმნიშვნელოვანესი ცენტრი, ქუთაისიდან 11 კილომეტრზე. შეტანილია იუნესკოს (გაერთიანებული ერების ორგანიზაცია განათლების, მეცნიერებისა და კულტურის საკითხებში) მსოფლიო კულტურული მემკვიდრეობის ძეგლთა ნუსხაში. აგებულია დავით აღმაშენებლის (1073-1125) თაოსნობით 1106 წელს. აქ არის დაკრძალული დავით აღმაშენებელი, რომლის საფლავზე 2004 წელს ქვეყნის ერთგულების ფიცი დადო საქართველოს პრეზიდენტმა მიხეილ სააკაშვილმა.

**12. 04. 08. 06.**

ამ ყორანზე გადმოფრენას არ აპირებს მადათოვი<sup>1</sup>,  
 მადათოვმა<sup>2</sup> მშრალი ხიდის<sup>3</sup> მოაჯირზე მიდო თავი,  
 მადათოვი მოდის მაღალ მწვერვალებზე მოდით ავა,  
 მოდით, მოდით მონამლულებს ვუმკურნალოთ მოდითავე.

1. შდრ. გალაკტიონის (1891-1959) ცნობილ სტროფს: „გადმოფრენას ეს ყორანი მადათოვზე აპირებს, \ გაანათებს რესტორანი ტივებიან ნაპირებს“. სხვათა შორის, ქართული პოეზიის ერთი გამორჩეული რითმა – „ეს ყორანი“ – „რესტორანი“ ლექსის პირველ ვარიანტში არ ყოფილა: გალაკტიონის ხელნაწერში „გაანათებს რესტორანი“-ს ნაცვლად „გაანათებს ელექტრონი“ იკითხება.
2. მადათოვი – ვალერიან (რუსტამ) მადათოვ-ყარაბაღელი (1782-1829). სომეხი თავადი, გენერალ ლეიტენენტი, 1812 წლის სამამულო ომის, რუსეთ-სპარსეთის, რუსეთ-თურქეთის ორი და კავკასიის ომების მონაწილე. 1818 წელს კავკასიის მთავარმართებელმა ალექსეი ერმოლოვმა (1777-1861) მისი დახმარებით დაიმორჩილა ჩეჩნები, ხოლო 1826 წელს მთავარმართებელმა ივან პასკევიჩმა (1782-1856) მისი შემწეობით დაამარცხა აბას-მირზა და აიღო შუშა. მადათოვის სახელი ერქვა კუნძულს თბილისში, რომელიც აღარ არსებობს.
3. ხიდი, რომელიც ოდესღაც მადათოვის კუნძულს აკავშირებდა მტკვრის მარჯვენა ნაპირთან.

**12. 08. 12. 25.**

მინდა, მაგრამ ძაან მიჭირს, დავუჯერო მათ ამაში,  
 მართლმორწმუნე თომას არ ვცვლი ურწმუნოში მე თომამში<sup>1</sup>,  
 თქვენი არის მეტრეველი<sup>2</sup>, ჩვენი – ჟორა<sup>3</sup>, მათი – მიშა<sup>4</sup>...  
 თუ მაგარი იგროკი<sup>5</sup> ხარ, მაზიანზე<sup>6</sup> მეთამაშე!



1. ურნმუნო თომა – იხ. სახარება. უმჯობესია გიორგი ათონელისეული თარგმანი.
2. მეტრეველი – იგულისხმება სლავა მეტრეველი (1936-1998) – მოსკოვის „ტორპედოსა“ (1956-1962) და თბილისის „დინამოს“ ფეხბურთელი (1963-1971). 48 მატჩი და 11 გოლი სსრკ ნაკრებში (1958-1970).
3. ჟორა – იგულისხმება გიორგი (ჟორა) სიჭინავა (დ. 1944) – თბილისის „დინამოსა“ (1960-1969) და რუსთავის „მეტალურგის“ (1971-1972) ფეხბურთელი. 8 მატჩი სსრკ ნაკრებში (1964-1966).
4. მიშა – იგულისხმება მიხეილ (მიშა) მესხი (1937-1991) – თბილისის „დინამოსა“ (1954-1969) და „ლოკომოტივის“ (1970) ფეხბურთელი. 35 მატჩი და 4 გოლი სსრკ ნაკრებში (1959-1966).
5. იგროკი (რუს. игрок) – მოთამაშე (ამ თანხმომავანების მთავარი, მაგრამ მხოლოდ ნაგულისხმევი სიტყვა).
6. მაზიანი (ყარგ.) – სანაძლეო.
7. ეს თანხმომავანება პოლიტიკური ცენზურის კარგი მაგალითია. ბოლოსწინა სტრიქონი თავდაპირველ ვარიანტში ასე იკითხებოდა: „თქვენი არის ედუარდი, ჩვენი – მეფე, მათი – მიშა“. თუმცა სახელთა დამთხვევა აქ შემთხვევითია.

**12. 12. 18. 13.**

შენი იყოს ანიც<sup>1</sup>, ბანიც<sup>2</sup>, მე სანაცვლოდ მომე სანი<sup>3</sup>!  
 ვერ გაუფგეთ ჩვენ ერთმანეთს, შენ მასონი<sup>4</sup>, მე მისანი,  
 მამას ენა ესმის შვილის, შვილს არ ესმის მამის ენა,  
 ხურჯინივით დაუკიდავს კავკასიონს მამისონი<sup>5</sup>.

1. ანი – ქართული ანბანის პირველი ასო (აქ – ის, რაც ამ ასოზე იწყება).
2. ბანი – ქართული ანბანის მეორე ასო (აქ – ის, რაც ამ ასოზე იწყება).
3. სანი – ქართული ანბანის მე-18 ასო (აქ – ის, რაც ამ ასოზე იწყება).
4. მასონი – რომელიმე საიდუმლო საზოგადოების წევრი.
5. მამისონი – ულელტეხილი (სიმაღლე – 2911 მ) კავკასიონის მთავარ ქედზე, დღეს სადავო ტერიტორიაა საქართველოსა და ე.წ. „სამხრეთ ოსეთს“ შორის.

**12. 17. 10. 13.**

ადრე იყო, ბავშვობაში – ჯერ ჟურნალი, მერე – კინო,  
 ახლა სახლში დაგვიდიან ფელინი<sup>1</sup> და მორიკონე<sup>2</sup>,  
 სტადიონიც შინ გუგუნებს – უემბლი<sup>3</sup> და მარაკანა<sup>4</sup>,  
 და ქვეყნებიც შინ გვივიან: მალტანი თუ მაროკონი<sup>5</sup>.

1. ფედერიკო ფელინი (1920-1993) – დიდი იტალიელი კინორეჟისორი, იტალიური ნეორეალიზმის ერთ-ერთი თვალსაჩინო წარმომადგენელი, „ოსკარის“ ხუთგზის ლაურეატი; კანის (1960), მოსკოვისა (1963, 1987) და ვენეციის (1985) კინოფესტივალების მთავარი და საპატიო პრიზების მფლობელი.
2. ენო მორიკონე (დ. 1928) – გამოჩენილი იტალიელი კომპოზიტორი. დაწერილი აქვს მუსიკა 400-ზე მეტი კინოფილმისა და ტელესერიალისათვის; „ოსკარის“ ლაურეატი კინოში შეტანილი წვლილისათვის.
3. უემბლი – ლონდონის მთავარი სტადიონი. აშენდა 1923 წელს; მთლიანად განახლდა 2007 წელს.
4. მარაკანა – ბრაზილიის მთავარი საფეხბურთო სტადიონი. გაიხსნა 1950 წელს.
5. საინტერესოა ამ თანხმომავანების შედარება თანხმომავანებასთან 10.13.06.17.

**12. 18. 17. 25.**

ჰო ვთხოვე და არა მითხრა, ვენაცვალე მას არაში!  
 ჭიაურელს<sup>1</sup> დაენაფა თურმე მარტა მესაროში<sup>2</sup>.  
 შენ რეკვიემს<sup>3</sup> ვალსებში<sup>4</sup> ცვლი, მე გავცვალო მესა<sup>5</sup> რაში?!  
 შენ სოროსის<sup>6</sup> შუქში ცურავ, ბნელში ვზივარ მე სოროში.

1. მიხეილ ჭიაურელი (1894-1974) – დიდი ქართველი კინორეჟისორი; ავტორი ფილმებისა: „უკანასკნელი მასკარადი“ (1934), „არსენა“ (1937), „გიორგი სააკაძე“ (1943), „ფიცი“ (1946), „ბერლინის დაცემა“ (1949), „ოთარანთ ქვრივი“ (1956); სტალინური პრემიის ხუთგზის ლაურეატი.
2. მარტა მესაროში (დ. 1931) – უნგრელი კინორეჟისორი, მიხეილ ჭიაურელის მონაფე. დამატებითი ინფორმაციისათვის მიმართეთ გოგი გვახარაიას (დ. 1957); ტელ.: 95-04-05.
3. რეკვიემი – სამგლოვიარო მესა (იხ.).
4. ვალსი – წყვილთა სამეჯლისო ცეკვა.


5. მესა – კათოლიკური ლიტურგია, (აქ) მრავალნაწილიანი საგუნდო-საორკესტრო მუსიკალური ნაწარმოები კათოლიკური ლიტურგიის ტექსტზე.

6. ჯორჯ სოროსი (დ. 1936) – უნგრული წარმოშობის ამერიკელი ფინანსისტი, ინვესტორი და ფილანტროპი. მისი ფონდი „ღია საზოგადოება – საქართველო“ აქტიურად არის ჩართული საქართველოს პოლიტიკურ თუ საზოგადოებრივ ცხოვრებაში.

**12. 27. 02. 25.**

ჯერ ბუ მიცა კოდალაში, მერე ჩხიკვი მიცა ბუში,  
შენ უბეში ჩხართვი გეჯდა, ჩხართვი მეჯდა მეც უბეში,  
უნინ მამა ბუში<sup>1</sup> მეცა, მერე შვილი მეცა ბუში<sup>2</sup>,  
ჯერ „სუძუკი“<sup>3</sup> შევიყვარე, მერე კიდე – „მიცუბიში“<sup>4</sup>.

- 1. მამა ბუში – ჯორჯ ბუში-უფროსი (დ. 1924) – აშშ 41-ე პრეზიდენტი (1989-1993).
- 2. შვილი ბუში – ჯორჯ ბუში-უმცროსი (დ. 1946) – აშშ 43-ე პრეზიდენტი (2001-2009).
- 3, 4. „სუძუკი“ და „მიცუბიში“ – იაპონური მსუბუქი ავტომობილები.



**12. 31. 17. 25.**

მე ვერ ვიტყვი მახარიშაღ<sup>1</sup>, ვინც არ არის მახარიში<sup>2</sup>,  
თუნდა თავში ურო მირტყან, თუნდ ჩამაგდონ მე ხაროში,  
თუ ელვაში არ გავცვალე, მაშ გავცვალო მეხი რაში,  
მეხრე მწყემსში არ იცვლება და მეძროხე – მეხარეში.

1. მახარიში მახეშ იოგი (1917-2008) – ინდოელი გურუ<sup>3</sup>, რომელიც ბიტლებსა<sup>4</sup> და პირველ რიგში ჯორჯ ჰარისონს მედიტაციას ასწავლიდა. მაგრამ ბიტლები მის აშრამში<sup>5</sup> ცხოვრებისას დარწმუნდნენ, რომ ის შარლატანი იყო და ესენი თავისი სექტის სარეკლამოდ სჭირდებოდა. ბიტლებთან ერთად აშრამში იყო ჰარისონის მეგობარი მია ფეროუ (დ. 1945), რომელსაც მახარიში მიაწვა, მან კი ზრდილობიანად, მაგრამ კატეგორიულად მოიშორა. ამან საბოლოოდ აუხილა ბიტლებს თვალი. მია ფეროუს დედა მორინ ო'სალივანი ჯეინის როლს ასრულებდა ტარზანთან ფილმებში, მამა კი – ჯონ ფაროუ კინორეჟისორი იყო.

- 2. შდრ. კახაბერს, რომელიც არ არის კახაბერი.
- 3. გურუ (სანსკრ.) – სულიერი მოძღვარი.
- 4. იხ. მე-2 შენიშვნა ლექსისათვის 10.13.06.17.
- 5. აშრამი (სანსკრ.) – გურუთა, განდევილთა და მათ მიმდევართა სადგომი ინდოეთში.

**13. 10. 11. 07.**

როცა ცერი დოზე გიდევეს, უნდა დადო ნეკი ლაზე,  
ხოლო ტრაკი უნდა დადო გამათბობელ „ნიკალაზე“<sup>1</sup>,  
არ დახოცოთ ერთმანეთი ერთი ვედრა ნაკელიზა...  
ნიკორნმინდას<sup>2</sup> ესტუმრება დილით წმინდა ნიკოლოზი.<sup>3</sup>

1. „ნიკალა“ – თურქული ელექტროგამათბობელი. მას ბრალდება საქართველოს პრემიერ-მინისტრის ზურაბ ჟვანიას (1963-2005) საიდუმლოებით მოცული სიკვდილი. ნიკალა (უნიწკლებოდ) სხვა – ასე ეძახდნენ მოფერებით ნიკო ფიროსმანაშვილს (1862-1918), ანუ ასეთი იყო მისი ნიკი.

2. ნიკორნმინდა – ქართული ხუროთმოძღვრების ძეგლი, წმ. ნიკოლოზის სახელზე აგებული გუმბათოვანი ტაძარი. მდებარეობს რაჭაში, ამავე სახელწოდების სოფელში. აგებულია 1011-1014 წლებში. იხ. ვალაკტიონ ტაბიძის (1891-1958) „ქებათა ქება ნიკორნმინდას“.

3. წმინდა ნიკოლოზი (დაახ. 257-დაახლ. 351) – შირონ-ლუკიის მთავარეპისკოპოსი, სასწავლმოქმედი; ეთაყვანებთან როგორც მართლმადიდებლები, ისე კათოლიკენი; ევროპულ ფოლკლორში არის სანტა-კლავუსის პროტოტიპი.

**17. 04. 18. 13.**

ჯო დასენი რას მიქვია, რის დასენი, რა დასენი<sup>1</sup>,  
ატლანტიკურ ოქროს ვეშაპს კუდუსუნზე რად უსუნე,



როდის სესხი გამოგვიყვეს, როდის გრანტი<sup>2</sup>, როდის ენა, ორ ზღვას შუა ივერიას მათ დაარქვეს „რადისონი“<sup>3</sup>.

1. ჯო დასენი (1938-1980) – ფრანგულენოვანი ამერიკელი მომღერალი. ევროატლანტიკური ერთიანობის და გლობალიზმის ერთგვარი სიმბოლო. გარდაიცვალა და დასაფლავებულია კუნძულ ტაიტიზე.

2. გრანტი – მიზანმიმართული ფინანსური დოტაცია. არსებობს სხვადასხვაგვარი გრანტი. კაპიტანი გრანტი სხვაა.

3. „რადისონი“ („რედისონი“) – სასტუმროების საერთაშორისო ქსელი და ფირმა. „რედისონად“ გადაკეთდა „ივერია“ – პირველი მრავალსართულიანი სასტუმრო თბილისში.

### 18. 10. 08. 17.

რაც დღესა გვჭირს, ლენინით<sup>1</sup> და ძერჟინსკით<sup>2</sup> და სუკით<sup>3</sup> არი, შენ კი ამბობ, რომ მას აქეთ საქმე თითქოს უკეთ არი, მაგრამ კუდი დაიკბინა მორიელმა საკუთარი, შენ რას იზამ, ბოროტებად მოგიბრუნდეს სიკეთე რო?!

1. ვლადიმირ ლენინი (1870-1924) – ნამდვილი გვარია ულიანოვი. რუსეთის სოციალ-დემოკრატიის დიდი ბელადი, ოქტომბრის სოციალისტური რევოლუციისა და საბჭოთა კავშირის შემოქმედი და ხელმძღვანელი.

2. ფელიქს ძერჟინსკი (1877-1926) – პროფესიონალი რევოლუციონერი, წარმოშობით პოლონელი, ჩამოაყალიბა საბჭოთა კავშირის უშიშროებისა და შინაგან საქმეთა ორგანოები და სიკვდილამდე ხელმძღვანელობდა მათ.

3. სუკი (აბრ.) – სახელმწიფო უშიშროების კომიტეტი, რომელიც საბჭოთა კავშირში შიშის ზარს სცემდა ყველას – დამნაშავესაც და უდანაშაულოსაც.

### 18. 11. 10. 13.

რა განგებამ მოაქუჩა ეს ამდენი სულიკონი<sup>1</sup>, მათი ბროლის ძუძუ-გული, ნამდვილი თუ სილიკონი<sup>2</sup>, მათი თმების აბრეშუმი, სანანწავო, სალოკონო... რა კალამი აღწერს ამათ, თუნდაც მესხდენ სულ აკანი<sup>3</sup>!

1. სულიკო – (აქ) სასურველი ქალი. იხ. აკაკი წერეთლის (1840-1915) ლექსი „სულიკო“.

2. სილიკონი – ხელოვნური პოლიმერი; მისი წარმოება დაპატენტებულია 1958 წელს; გამოიყენება ქიმიურ და კვების მრეწველობაში. სილიკონი შედის ქალის სარძევე ჯირკვლების იმპლანტატის შემადგენლობაში.

3. აკანი – იგულისხმება მწერალი აკა მორჩილაძე, იგივე გიორგი ახვლედიანი (დ. 1966) მრავლობით რიცხვში.

### 18. 11. 12. 13.

მე შენ ლოცვებს წაგიკითხავ, შენ იძახე სულ ამინი, – კალიმერა!<sup>1</sup> – ესალმება პელოპონესს<sup>2</sup> სალამინი<sup>3</sup>, რომის ხალხს და რომის სენატს გამოუყო სულამ<sup>4</sup> ენა სოლომონის კუნძულებზე<sup>5</sup> ფიქრობს ბრძენი სოლომონი<sup>6</sup>.

1. კალიმერა (ბერძნ.) – დილა მშვიდობისა.

2. პელოპონესი – ბალკანეთის სამხრეთი ნახევარკუნძული, ისტორიულ აქველთა სამშობლო, თანამედროვე საბერძნეთის ადმინისტრაციული ერთეული.

3. სალამინი – უდიდესი სარონიკოსის კუნძულთა ჯგუფიდან. ერთი მხრივ ათენს გაჰყურებს, მეორე მხრივ – პელოპონესის ნახევარკუნძულს.

4. სულა (ძვ.წ.ა. 138-78) – რომის სახელმწიფო მოღვაწე, მხედართმთავარი, საკუთარი პარტიის დამაარსებელი და ლიდერი, მასობრივი პოლიტიკური ტერორის ორგანიზატორი, უვადო დიქტატორი.

5. სოლომონის კუნძულები – ქვეყანა და არქიპელაგი მელანეზიაში. აღმოაჩინა 1568 წ. ესპანელმა ალვარო მანდენია დე ნეირამ (1541-1595) და სოლომონის „ოქროს ქვეყანას“ მიაჩნდა.

6. სოლომონ ბრძენი – დავით მეფისაღმდების ძე, ერთიანი ისრაელის ბოლო მეფე (ძვ.წ. 965-928).

**18. 11. 12. 17.**

გეტყვი სალამს, ღვთისა არის, სიტყვა რაა, სალამი რა!  
ჯერ სული და მერე ხორცი, ჯერ ხორცი და სული მერე,  
ცხოვრება და სიყვარული – სელავი<sup>1</sup> და სელამური<sup>2</sup>,  
აჟღარუნე გიტარა და ააკვენესე სალამური.

1. S'est la vie (ფრ.) – ესაა ცხოვრება.
2. S'est l'amour (ფრ.) – ესაა სიყვარული.

**18. 17. 21. 13.**

ზაფხულს ეცვა საივლისოდ მოხატული სარაფანი<sup>1</sup>,  
მიატოვეს დეპრესია, რუხი დღე და სერი<sup>2</sup> ფონი,  
დასხდნენ ისე, ვით ნახატი (ფიროსმანის „არიფანა“<sup>3</sup>),  
მხოლოდ რითმამ გამახსენა ჯერმის<sup>4</sup> ფილმი „სერაფინო“<sup>5</sup>.



1. სარაფანი – ქალის უსახელო საზაფხულო კაბა, თავდაპირველად გავრცელებული იყო რუსეთსა და აღმოსავლეთ ევროპაში; მერე მთელ მსოფლიოში გავრცელდა.
2. სერი (ბარბ.) – რუხი, ნაცრისფერი.
3. „არიფანა“ – ფიროსმანის ერთ-ერთი ყველაზე ცნობილი ტილო. საერთოდ, არიფანა ფსონით<sup>6</sup> ქეიფია.
- 4, 5. პიეტრო ჯერმი (1914-1974) – იტალიელი კინორეჟისორი, ნეორეალიზმის ერთ-ერთი ფუძემდებელი, ავტორი საბჭოთა კავშირში პოპულარული ფილმებისა: „განქორწინება იტალიურად“ (1961), „ცთუნებული და მიტოვებული“ (1963), „ბატონები და ქალბატონები“ (1964), „სერაფინო“ (1968), „ალფრედო, ალფრედო“ (1972).
6. ფსონი – (აქ) თითოეულის მიერ საერთო დანახარჯში შეტანილი თანაბარი წილი.

**18. 17. 21. 19.**

ხალიფატის<sup>1</sup> გამოფიტვას ვერ უშველის არაფატი<sup>2</sup>,  
ვერ უშველის სერაფიტას<sup>3</sup> არაფატის არიფი<sup>4</sup>, ტო<sup>5</sup>,  
სორე<sup>6</sup> შენი მაყრიონი, სორე ქოში, სორე ფატა,  
სორე ფოტო საქორწინო, მიპასუხე, სერაფიტო!

1. ხალიფატი – არაბთა დაპყრობების შედეგად შექმნილი ფეოდალური სახელმწიფო, რომლის სათავეშიც ხალიფა იდგა.
2. იასირ არაფატი (1929-2004) – პალესტინის განთავისუფლების ორგანიზაციის ლიდერი, პალესტინის არაბული ავტონომიის პრეზიდენტი, ნობელის პრემიის ლაურეატი (1993), XX საუკუნის ერთ-ერთი ყველაზე რადიკალური პოლიტიკოსი.
3. სერაფიტი (სერაფიტი) – II საუკუნის ულამაზესი ქართველი ქალი, ფარსმან მეფის პიტიახშის, ზევანის ასული, ფარსმან მეფის მეორე პიტიახშის აგრიპას ძის, იოდმანგანის მეუღლე. გარდაიცვალა 21 წლისა. 1940 წლის 25 ნოემბერს არმაზისხევეში ნაპოვნია ქვა მისი ორენოვანი ეპიტაფიით.
4. არიფი – მეგობარი, ტოლი, მოზიარე, თანამზრახველი.
5. ტო (ყარგ.) – ბიჭო. თბილისურ-სომხური მიმართვა.
6. სორე (მეგრ.) – სადაა.

**18.18.18.18.**

არ დანებდე, რაც არ უნდა წარგეკვეთოს სისი<sup>1</sup>, სასო,  
რაც არ უნდა მტერ-მოყვარე სისინებდეს: სი-სი-სი-სი...  
რაც არ უნდა სხვაზე ფიქრში გაებრიქოს სოსოს<sup>2</sup> ასო,  
რაც არ უნდა უსოსისოდ დარჩეს შენი სასოსისე.

1. სისი – ავსტრია-უნგრეთის იმპერატორის ფრანც-იოსებ პირველის (1830-1916) მეუღლის ელიზაბეთ ბავარიელის (1837–1898) და ავტორის ერთი საჩხერელი ნაცნობის (დ. 1957) თიკუნი.
2. სოსო – იოსების თიკუნი კი არა და, მოფერებითი ფორმაა; ზურაბ ჭუმბურიძის თანახმად, ახასიათებს დამოუკიდებელ სახელად ქცევის ტენდენციას.



**25. 03. 13. 02.**

ოი, როგორ დავიზაფრე, როგორ მენვის შიგანები,  
რად იკადრე, რომ იკადრე ჩემი რჯულის შეგინება,  
ო, რამდენი, ო, რამდენი, ო, რამდენი შაგანები...  
მე გარედან ვუმარჯვებდი, იმან კიდე შიგ ინება!

1. შაგანე – სამხრეთელი ქალი სერგეი ესენინის (1895-1925) ცნობილი ლექსიდან „Шаганэ ты моя, Шаганэ“; ზოგიერთი მკვლევარი ფიქრობს, რომ ეს არის ახალციხელი სომეხი ლამაზმანი, ლიტერატურის მასწავლებელი შანდუხტ (შაგანე) ნერსესის ასული ტალიანი (1900-1976), რომელიც ესენინმა ბათუმში გაიცნო 1924 წლის ზამთარში..

**25.17.15.13.**

რად გეგონა შე შიშკინო<sup>1</sup>, შე კუინჯო<sup>2</sup>, შე რეპინო<sup>3</sup>,  
შენი შურით გასკდებოდნენ თერჯოლა და შორაპანი?!  
მესიზმრება იმერეთი – კაკაბაძის<sup>4</sup> შორი პანო<sup>5</sup>,  
პოლონეთში მესიზმრება... შირე ნოგი!<sup>6</sup> შირე, პანი!<sup>7</sup>

1, 2, 3. ივან შიშკინი (1832-1898) და არხიპ კუინჯი (1842-1910) რუსი მხატვრები არიან, პეიზაჟისტები; ილია რეპინი (1844-1830) რუსი მხატვარია, ოლონდ არა პეიზაჟისტი, – სიუჟეტისტი.

4. ივლისხმება ქართველი მხატვარი დავით კაკაბაძე (1889-1952).

5. ლექსის სიუჟეტიდან გამომდინარე, ავტორს დავით კაკაბაძის ერთ-ერთი იმერული პეი-ზაჟი უნდა ესიზმრებოდეს, კერძოდ რომელი – ძნელი სათქმელია.

6. შირე ნოგი! (шире ноги!) – (რუს.) ფეხები განზე! (საომარი „ხელები მაღლა!“-ს მშვიდობიანი შესატყვისი.)

7. პანი – მიმართვის ფორმა პოლონელი ქალბატონისადმი.

**26. 11. 26. 06.**

„ჩალით არის დახურული ეს ქვეყანა“, – ჩალა ჩივა<sup>1</sup>,  
თუ ჩალიჩმა<sup>2</sup> გადაგლალა, დაგასვენებს ჩალიჩივე,  
არ გეგონოს ვიოლინოს ფუტლიარში ჩელო ჩავა...  
ნეტა ყველა ქვეყანაში გვყავდეს თითო ჩილაჩავა<sup>3</sup>!

1. ჩივა (გურ.) – ჩივის, ამბობს. ეტყობა, ჩალა გურულია და გურულ დიალექტზეც ამიტომ ჩივა.

2. ჩალიჩი, ჩალიში – თურქულად ცდას ნიშნავს, ჭანურად – საქმიანობას. ამავე დროს ჩა-ლიჩი ქართლში ლახტის ერთგვარ თამამსაც გვიქვია.

3. რაულ ჩილაჩავა (დ. 1949) – ქართველი პოეტი და უკრაინელი პოლიტიკური მოღვაწე. დიდხანს ცხოვრობდა კიევში. თარგმნის ქართულ ლიტერატურას უკრაინულად და უკრაინულ ლიტერატურას ქართულად. ლექსებს ნერს უკრაინულ ენაზეც. არის ასამდე ნიგნის ავტორი, უკრაინის საგანგებო და სრულუფლებიანი ელჩი ლატვიაში.

**26. 12. 04. 13.**

ჩემი ნიგნი, ჩემი ბურთი, ჩემი ქუდი, ჩემი დანა,  
ჩემი რაგინდარათია<sup>1</sup> გავსებული ჩემოდანი,  
სხვას არავის არ ექნება ჩემოდანი ჩემოდენა,  
ეს ფიქრები ამ სალამოს რა ეშმაკმა ჩამოდენა?!

1. რაგინდარა (ქართ.) – ხარახურა (ბარბ.)

**27. 03. 17. 13.**

ცაგერელებს ლენტეხელი, ლენტეხელებს ცაგერელი  
ემართლება, გორულ ატმებს თავზე ადგას ცა გორული,  
ციგურები ფიგურული, ფიგურები ციგურული,  
რაც გინახავს, ველარ ნახავ, ხანუმა და ცაგარელი...

1. „რაც გინახავს, ველარ ნახავ“ და „ხანუმა“ ქართველი დრამატურგის ავქსენტი ცაგარელის (1857-1902) ყველაზე ცნობილი პიესებია.



**27.17.04.13.**

ამ ლექსს თეთრი ძაფით ვლამბავ – რძე მოჩქეფავს ცურიდანა,  
არ წავიდეს, დენი, ცარო! არ წავიდეს, ცარო დენი!  
ვერ უშველის ამ სტრიქონებს დედო რითმა – ცეროდენა,  
გამონოვილს თითიდან და კონკრეტულად – ცერიდანა<sup>1</sup>.

1. ეს ლექსი ამ 44-ლექსიან პუბლიკაციაში ერთადერთია, რომელსაც სქოლიო არ ახლავს!

**31.08.03.17.**

მე ჩავინერ ჩემთვის ვისტებს, შენ ჩაწერე ხუთი – გორა!<sup>1</sup>  
ბალახია ბუჩქთა ბუში, ბუჩქი არის ხეთა გერი,  
მხეცებს მისდგა ტყის მჭრელი და ბუჩქებსა და ხეთ – ეგერი,  
ნადირობენ მინისტრები: ხაჩიძე<sup>2</sup> და ხეთაგური<sup>3</sup>.

1. ვისტი და გორა – საპოკერო ტერმინებია; პირველი მომგებიან ქულებს აღნიშნავს, მეორე – წამგებიანს. იხ. აგრეთვე მე-4 შენიშვნა ლექსისათვის 10.17.18.11.  
2, 3. გიორგი (გოგა) ხაჩიძე (დ. 1974 წ.) საქართველოს გარემოს დაცვის და ბუნებრივი რესურსების მინისტრია 2008 წლიდან, ალექსანდრე (ალექო) ხეთაგური (დ. 1976 წ.) კი 2007 წლიდან ენერგეტიკის მინისტრი გახლავთ.

**31. 17. 10. 17.**

მალლა ასნი, ხურო, ჭერი!<sup>1</sup> გაადიდე, ხურო, კარი!  
მიშიმა<sup>2</sup> ხარ, იუკიო, კუროსავა<sup>3</sup> ხარ აკირა,  
რომელიმე მურაკამი<sup>4</sup> (რიუ რაა, ხარუკი რა!)  
მონოსპექტაკლს ჩაგიტარებს, რომელს ჰქვია ხარაკირი!

1. მალლა ასნი, ხურო, ჭერი! – რემინისცენცია ცნობილი ამერიკელი მწერლის (დ. 1919) ჯე-რომ სელინჯერის მოთხრობისა „მალლა ასნიეთ, ჭერი, დურგლებო!“, რომელიც ძენ-ბუდიზმის<sup>5</sup> სულისკვეთებით არის გაჯერებული.  
2. იუკიო მიშიმა (1925-1970) – ყველაზე პოპულარული იაპონელი მწერალი, რეჟისორი, კინოსა და თეატრის მსახიობი. მონარქისტული და სამურაული იდეებით შეპყრობილი, სახელმწიფო გადატრიალებას ჩაუდგა სათავეში, დამარცხდა და სიცოცხლე ხარაკირით დაასრულა.  
3. აკირა კუროსავა (1910-1998) – სახელგანთქმული იაპონელი კინორეჟისორი, ოსკაროსანი, „შივიდი სამურაის“ და „რაშიომონის“ (და არა „რასიომონის“, როგორც აქამდე გვეგონა) ავტორი.  
4. მურაკამი – ამ გვარს ორი იაპონელი მწერალი ატარებს: ხარუკი მურაკამი (დ. 1949 წ.), პირველმა იაპონურ ლიტერატურაში იაპონიას დასავლეთის თვალთ შეხედა; რომანებში მას ასახული აქვს თანამედროვე იაპონია, თავისი ალტერნატიული სუბკულტურით. თანაც რეჟისორი რიუ მურაკამი (დ. 1952 წ.) თავის რომანებსა და ფილმებში აღმოსავლეთისა და დასავლეთის კულტურათა შეჯახებაზე მოგვითხრობს, რაც მასთან მუდამ ცუდად მთავრდება; ახალგაზრდებში ის ძალიან პოპულარულია, ძველი თაობა კი ვერ იტანს. არცერთ მურაკამის ვერ ხარაკირი არ გაუკეთებია.  
5. ძენ-ბუდიზმი – ბუდიზმის ერთ-ერთი სკოლა იაპონიასა და ჩინეთში.

**33. 12. 17. 02.**

მოსდებიან აღმოსავლეთს ჯიპები<sup>1</sup> და ჰამერები<sup>2</sup>,  
ჰა, ბენზინი! ჰა, დიზელი! ჰა, ჩურჩხელა! ჰა, მურაბა!  
როცა წერდა, ჩვენთვის წერდა იმ კანონებს ჰამურაბი<sup>3</sup>,  
ჰამ<sup>4</sup> – შუმერი, ჰამ – სპარსი და ჰამ – ინდო და ჰამ – არაბი!

1, 2. ჯიპები და ჰამერები – მაღალი გამავლობის ამერიკული ავტომანქანები.

3. ჰამურაბი (ძვ.წ.ა. 1796-1750) – ბაბილონის მეფე. მის მიერ შექმნილი კანონები საუკუნეთა მანძილზე ეტალონად ითვლებოდა და შემდგომ მთელი აღმოსავლეთის კანონმდებლობათა საფუძვლად იქცა. ჰამურაბის კანონებმა ჩვენამდე ქვის სტელეების სახით მოაღწია.

4. ჰამ (ჰამაც) – იოსებ გრიშაშვილის (1889-1959) „ქალაქური ლექსიკონის“ მიხედვით – კიდეც.

**33. 12. 17. 18.**

რუსი ჩექმას არ მოიცვლის, სახრემც ურტყა – „ჰამო, რუსო!“  
კარგად ვიცით, დამწერია რემარკი<sup>1</sup> რის, ჰემი<sup>2</sup> – რისა,  
ამ მშვიდობის ომობანას ვერ გასწვდება ჰომეროსი<sup>3</sup>,  
შენც ვერაფერს ვერ გაუგებ, თუ არ გრძნობა ჰუმორისა<sup>4</sup>.

1. ერის მარია რემარკი (1898-1970) – გერმანელი მწერალი, პირველი მსოფლიო ომის მონაწილე, რკინის ჯვრის კავალერი. მისი რომანების ძირითადი თემა ომის ამბები იყო.

2. ჰემი – ერნესტ ჰემინგუეი (1899-1961) – ამერიკელი მწერალი; მონაწილეობდა ესპანეთის სამოქალაქო ომში და ამ ომის ამბები აღწერა რომანში „ვის უხმობს ზარი“ (1940). იყო პულიცერის (1953) და ნობელის (1954) პრემიების ლაურეატი.

3. ჰომეროსი (დაახლ. ძვ.წ.ა. VIII ს.) – ლეგენდარული ბერძენი პოეტი, რომელსაც მიეწერება ტროას (ილიონის) ომის შესახებ შექმნილი პოემის „ილიადას“ და „ოდისეას“ ავტორობა.

4. ჰუმორი (მაღალი შტილი) – იუმორი.



მწერლის არქივიდან

ოთარ ჭილაძე

ჩანაწერები

1968 წელი

\* \* \*

მთვარესაც მოვებზრდით – ყოველ ღამე აღარ ამოდის.

\* \* \*

თუმანიშვილი ჟან ანუის „ანტიგონეს“ ღვამს. აღტაცებულია თარგმანით, თითქოს პიესა ქართულადაა დაწერილი, მსახიობებმა ცოტა სული მოითქვესო. ძალიან სასიამოვნოა. მხოლოდ ისაა სამწუხარო, რომ თარგმნილ პიესაში ცოტა ფულს იძლევიან.

\* \* \*

ჯობს სულ არ გააჩინო ბავშვი, ვიდრე ცუდად გაზარდო, არც ერთი ცხოველი არ არის უზრდელ ადამიანზე საზიზღარი.

\* \* \*

ნეტავ, როგორ იწერება პოემა? ეს ჩემთვის ახლა ისეთივე საოცრებაა, როგორც მოლაპარაკე ძალღი ანდა მფრინავი ძროხა.

\* \* \*

მწერალი ისე ცხოვრობს თავის ენაში, როგორც თევზი – მდინარეში. ამიტომ, მისი მოსპობა თუ გინდათ, მდინარეში დინამიტი უნდა ჩაუგლოთ, თანაც რამდენიმე.

\* \* \*

ღღეს დავამთავრე პოემა (პირველი ვარიანტი). ხვალ ჩამოდის ჩემი დიდი კრიტიკოსი: თამაზი! ვნახოთ, რას იტყვის.

\* \* \*


რაც ოლიმპოდან არ ჩანს, ის შეიძლება პარნასიდან დაინახო.

\* \* \*

ყველა შენიშვნა, რაც თამაზმა მომცა, სწორეა. გულწრფელად რომ ვთქვა, მეც ასე ვფიქრობდი, მაგრამ სხვისგან ნათქვამს მეტი დამაჯერებლობა აქვს. მუშაობა გრძელდება!

\* \* \*

მტკვარი ადიდა. წყალი მოაჯირს ურტყამდა და ნაპირებზე გადმოდიოდა. კარგი იქნებოდა, საერთოდ ასეთი იყოს მტკვარი. სულმთლად შეცვლიდა



ოთარ ჭილაძის ჩანაწერები პირველად ქვეყნდება სალიტერატურო პრესის ფურცლებზე. ეს უამრავ სამუშაო რეჟულში გაბნეული ზღვა მასალის მხოლოდ მცირე ნაწილია.

სანამ „ინტელექტში“ მზადდება ოთარ ჭილაძის ჩანაწერების მეტ-ნაკლებად სრულყოფილი გამოცემა, გთავაზობთ ფრაგმენტებს ამ წიგნიდან. ვფიქრობთ, მკითხველს დაინტერესებს დიდი მწერლის ნააზრევი, რომელიც თავიდან პრესისთვის არ იყო განკუთვნილი.

მურმან ჩაჩუას ფოტო



ქალაქის ხასიათს. რიტმსაც. მე რომ მტკვარს გადავხედე, თავბრუ დამესხა, ისე სწრაფად მიქროდა: სავსე, ღონიერი, თამამი.

\* \* \*

ქურდობა, დაბეზლება, თაღლითობა, მექრთამეობა ჩვენს ეროვნულ თვისებებად იქცევა მალე. ყველა მერე კაცი დამნაშავეა. დამნაშავე კი ფსიქოლოგიურად შეგუებულია მოსალოდნელ სასჯელს. სასჯელი კი დიდი ხანია მოფიქრებულია, უფრო ადრე, ვიდრე ქართველი ქურდობას, თაღლითობას, დაბეზლებას და მექრთამეობას მიეჩვეოდა.

\* \* \*

ყველა დიდი მწერალი უმრავლეს შემთხვევაში ადრე კვდება. ალბათ იმიტომ, რომ თავისი სიკვდილით შესაძლებლობა მისცეს საშუალო ნიჭისა და შესაძლებლობების თანამოკალმეებს უფრო უსირცხვილოდ მოითბონ ხელი ამქვეყნიურ სიამოვნებათა ცეცხლზე.

ამიტომაც ვერ იტანენ ცოცხალ დიდ მწერლებს.

\* \* \*

შამილი – ამბოხებული ღრუბელი.

\* \* \*

პარიზიდან დასთან სტუმრად ჩამოვიდა ქართველი ემიგრანტი. 30-32 წლის იქნება, ქართულად ცუდად ლაპარაკობს, მაგრამ ძალიან მონდომებულია. ხუმრობით ვკითხე, პარიზის მერე როგორ მოვწონთ თბილისი-მეთქი და, ეს სულ სხვააო, სწორედ ასეთი მინდოდაო. რამდენი სევდა და სიამაყეა ამ სიტყვებში. ქართულ წიგნებს აგროვებს, უნდა ვთარგმნოო. აქამდე რას აკეთებდა ჩვენი ემიგრაცია. ეტყობა, ქართველი ყველგან ქართველია, საცოდაობაა სამშობლოს მოწყვეტილი, სხვა ქვეყნის ქურაში მოხარული კაცი, მით უფრო თუ სამშობლოს ხსოვნა და სიყვარული მთლიანად არ გაქრობია, „დედაენა“ მაინც გამოსცენ, ერთი სკოლა მაინც გახსნან, თურქეთის საქართველოს მაინც მოხედონ! უბრალოდ, შეიძლება, გულზე გასკდეს კაცი. სევდა და წუწუნი საქმეს არ შეცვლის. ძალას მხოლოდ ძალა უნდა დაუპირისპირო.

\* \* \*

არის შემთხვევები, როცა პოეტი საკუთარ წიგნზე გვიან დაბადებულა, მაგრამ პირველ წიგნში, თუნდაც ჩანასახის სახით მაინც, აუცილებლად უნდა იგრძნობოდეს ახალი სამყარო და ის წერტილი, საიდანაც უკეთესად გამოჩნდება ეს ახალი სამყარო, თუკი გამოჩნდება საერთოდ.

\* \* \*

თარგმნილი წიგნი იმ ხალხის ლიტერატურას ეკუთვნის, რომლის ენაზე-დაცაა გადმოთარგმნილი, ამიტომ მთარგმნელის მიმართ არავითარ შემთხვევაში არ შეიძლება რაიმე შედავათის გაწევა ენის, მხატვრულობისა თუ ოსტატობის საკითხში.

გურამ თიკანაძის ფოტო

\* \* \*

ავტორების ასეთი სიმრავლე არასოდეს არ ყოფილა. ავტორებისა და არა მწერლებისა. დღეს გამოცემული წიგნების უდიდესი ნაწილი უფრო შორსა დგას ნამდვილი ლიტერატურიდან, ვიდრე თანამედროვე ადამიანი მთვარისგან. ყველა წიგნი (განსაკუთრებით ყალბი წიგნი) ქართული ლიტერატურის შენაძენად ითვლება ჩვენი უპრინციპო რეცენზენტების ენით. ეს, რა თქმა უნდა, აბნევს მკითხველს. დაბნეულობა გულგრილობის საფუძველია. გულგრილობა იწვევს (ხელს უწყობს) საერთოდ ლიტერატურისადმი აგდებული, ცინიკური დამოკიდულების განვითარებას, ეს კი ერის სულიერი და გონებრივი ცხოვრებისთვის მომაკვდინებელია. აქედან იწყება ადამიანის დაბრუნება გამოქვაბულის წყვლიადში, ინსტინქტების სამეფოში.

\* \* \*

მე რომ ნება მომცენ, ასე წავაწერდი სამასი არაგველის ძეგლს: ომი წაგებული იყო, მაგრამ მონობას სიკვდილი ვარჩიეთ.



1969 წელი

\* \* \*

თუ არ შეგვიძლია იმის გაკეთება, რაც გვინდა, გავაკეთოთ ის, რაც შეგვიძლია.

\* \* \*

მე ახლა მხოლოდ იმედს ვებლაუჭები, როგორც ცუდი მოცურავე საკუთარი ამონასუნთქით გაბერილ რეზინის ბალიშს.

\* \* \*

პოეტი ისევე უსწრებს ბრბოს, როგორც თვითმფრინავი საკუთარ ხმას.

\* \* \*

**დოქტორი** – გარე სამყაროსგან საიმედოდ იზოლირებული თუთიყუშის მსგავსი ადამიანი (ქალი ან კაცი), რომელსაც შეუძლია აუღელვებლად გაიმეოროს ნებისმიერი ტექსტის აზრობრივი თუ ენობრივი შეცდომები.

**სპინოზა** – მიმოზის მსგავსი ყვავილი. წიგნში დებენ ხოლმე.

**საინგილო** – იგივეა, რა სასაჩუქრო.

**ტელეფონი** – გონების გამოსათიში აპარატი.

**ტადარი** – დარბაზი ავტოგრაფებისთვის.

**რაიკომის მდივანი** – გააზნაურებული მდაბიო.

**კომპოზიტორი** – ხალხური მუსიკის ჩამწერი.

**მორიაკი** – გამოჩენილი ფრანგი მეზღვაური.

**მსახიობი** – კეთილსინდისიერი შუამავალი ავტორსა და მაყურებელს შორის, თავისთვის არაფერს არ იტოვებს.

**ჰონორარი** – ცხოვრებასთან დაახლოვების საშუალება.

**მწერალი** – ვინც არაფერს არ კითხულობს და ყველაფერს წერს, აუცილებელი არ არის იყოს ლოთი ან კრეტინი.

**ტელევიზორი** – ქონდრის კაცების მხიარული ქვეყანა.



\* \* \*

ცა მიწიდან იწყება.

\* \* \*

საქართველო იმ გემს გავს, საჭე რომ გაფუჭებულია, ანძები რომ გადამტვრევიან, კურსი რომ დაკარგვია, ეკიპაჟს რომ მიუტოვებია, მაგრამ ტრიუმი საჭმელ-სასმელის დიდი მარაგით აქვს ამოვსებული.

\* \* \*

„დაყავი და იბატონე“ – დღესაც ძალაშია ეს მართლაც გენიალური ფორმულა ყველა დამპყრობელისთვის.

\* \* \*

### (მაკედონიაში)

მივივარტო კრუშევოში. 1300 მეტრი ზღვის დონიდან. მე, რა თქმა უნდა, არ მივივარტო კრუშევო: წითელი კრამიტი, სახედარი, საყდარი... სილნალის მაკედონიური ვარიანტი. საღამოს მთავარი ქუჩა სავსეა მოსეირნე ახალგაზრდობით... ტიპიური პროვინციული ქალაქი. ხვალ დიუნას ვნახავ. კრუშევოში ცუდად მეძინა, თუმცა ქურქივით საბნები გვეხურა. მთელი ღამე მესიზმრებოდა, ვითომ გული მტკიოდა (შეიძლება მართლა მტკიოდა?) მერე მე და მამა ზემოხეთში ვიყავით ვითომ, მერე ზარების ხმა ჩამესმა და გამოვფხიზლდი. ზარებს მართლა რეკავდნენ. მერე სახედარი აყროყინდა. წუხელ გვიანობამდე მღეროდნენ მთვრალი მაკედონელები, თან მაგიდაზე მუშტებს აბრახუნებდნენ. გაუთავებელი და ერთფეროვანი სევდა პატარა ხალხებისა.

\* \* \*

### (ინტერვიუ სკოპიეს რადიოსთვის)

პოეტის გზა ოდისევსის გზასა ჰგავს თავისი ხიფათებით და მოულოდნელობით. ეს გზა პოეტისგან, რა თქმა უნდა, უდიდეს ენერჯიასა და თავგანწირვას მოითხოვს, მაგრამ შემოქმედებით მოპოვებული სიამოვნება და სიამაყე იმდენად დიდია და საპატიო, ღირს ამ გზაზე ხეტიალი, მაგრამ პოეტს – ოდისევსს თავისი პენელოპეც ჭირდება, რომელიც მზადაა უსასრულოდ უცადოს მას და დააფასოს პოეტის აუწონავი შრომა და სამსახური. პოეტი კი ადამიანის მსახურია; ის ადამიანის სულის გასუფთავებას და განათებას ემსახურება. დღევანდელ მსოფლიოს განსაკუთრებით ჭირდება თბილი და აზრიანი სიტყვა პოეტისა, რათა უფრო მშვიდად და გონივრულად განსჭვრიტოს მომავალი. ქართული თანამედროვე პოეზიის მიზანიც ესაა. მე შემეძლო უფრო კონკრეტულად და ვრცლად მელაპარაკა ჩემს ქართველ კოლეგებზე, რადგან ისინი იძლევიან ამის საშუალებას, მაგრამ ამჟამად ასეთი ზოგადი გაცნობაც კარგია. საერთოდ პოეტებს ხალხების გაცნობასა და დაახლოებაში დიდი წვლილი მიუძღვით. ჭეშმარიტ პოეზიას მხოლოდ სიკეთის მოტანა შეუძლია. მე ძალიან კარგ საქმედ მიმაჩნია ჩვენი შეხვედრა მაკედონიის ამ უძველეს მიწაზე. საერთოდ პოეტური საღამოები მნიშ-

გნელოვანი მოვლენაა და ეს იქიდანაც ჩანს, უკვე ტრადიციულად რომ იქცა. მე, პირადად, ყოველთვის საუკეთესო მოგონებად დამრჩება აქ გატარებული დღეები. დე, საერთოდ საღამოები მომავალშიც ასე საინტერესო ყოფილიყოს და ყოველთვის შეეტანოს თავისი წვლილი მშვიდობისა და კაცთმოყვარეობის (ჰუმანიზმის) საქმეში.

\* \* \*

ყველაფერი შეიძლება მოხდეს: მონღოლი და ქართველი მისეირნობს სკოპიეს ქუჩებში. ისინი იაფფასიან რესტორანს ეძებენ, რამდენიმე წუთის შემდეგ შემოუსხდებიან მაგიდას, მიუჯახუნებენ ლუდით სავსე კათხებს და ერთმანეთს მეგობრულად გაუღიძებენ, რადგან ამ წუთას ერთმანეთზე ახლობელი არავინ გააჩნიათ.

\* \* \*

ქუჩაში მაღალფეხიან მაყალზე სიძინდს წვავენ. რკინის ჯოხს, რომლითაც დაბრაწულ ტაროებს აბრუნებენ, თან მაყალზე აბრახუნებენ, ხმაურზე უნებურად იხედები...

\* \* \*


რუს პოეტებს ცოტა თავში აუვარდათ! რუსობა იმდენად უწყობს ხელს მათ პოპულარიზაციას, თავი მართლა გენიოსები ჰგონიათ. ევროპაც კარგი ქერქეტაა. სამწუხაროდ, უკვე ბევრჯერ დავრწმუნდი ამაში. რაც რუსულია, ყველაფერი უცნაურია, საინტერესოა, დიდებულია. ჯერ საკუთარ თავზე არ გამოუცდიათ და იმიტომ. ისე, იცოცხლე, კარგია დათოვლილი სტეპიც, მარხილიც, არაყიც, დათვის ქურქიც... რა უნდა მეტი მდიდარ, მაგრამ სულელ ტურისტს? არაფერი. უხეშობა და სიმდიდრე იზიდავს ადამიანს.

\* \* \*

**(ინტერვიუ მოსკოვის რადიოსთვის)**

**1. საერთო შთაბეჭდილება იუგოსლავიაზე**

შთაბეჭდილება ძალიან დიდაა, თუმცა ჯერ კიდევ არ დალაგებულა და ქაოტურად ირევა ჩემს მახსოვრობაში. შესანიშნავი ბუნების სურათები, კიდევ უფრო შესანიშნავი ხალხი, გულთბილი შეხვედრები და, რა თქმა უნდა, თვითონ სტრუქტურა საღამოები. რაც მართალია მართალია, ეს საღამოები ძალიან კარგადაა ორგანიზებული. ხოლო ამ საღამოების მნიშვნელობაზე ისიც მეტყველებს, ისინი უკვე ტრადიციულად რომ იქცნენ: აქ, მაკედონიის პატარა ქალაქში ერთმანეთს ხვდებიან და ეცნობიან სხვადასხვა ქვეყნის პოეტები. ჭეშმარიტი პოეზია მოწოდებულია მხოლოდ და მხოლოდ ადამიანის სასიკეთოდ და როცა ამდენი პოეტი იკრიბება, ეს იმას ნიშნავს, რომ კიდევ ერთი სასიკეთო საქმე კეთდება. საერთოდ პოეტებს ხალხების ურთიერთგაცნობისა და დაახლოების საქმეში ყოველთვის დიდი წვლილი მიუძღვით. ამდენადაც ჩვენი შეხვედრა მაკედონიის ამ უძველეს მიწაზე კიდევ უფრო გამართლებულია და პირადად ჩემთვის ერთ-ერთ საუკეთესო მოგონებად დარჩება აქ გატარებული დღეები.





## 2. როგორ შეხვდნენ ჩემს პოეზიას?

ჩემთვის მეტად საპატიოა, რომ მონაწილეობა მივიღე ამ პოეტურ საღამოებში. თუ რა შთაბეჭდილება მოახდინა ჩემმა ლექსებმა, ამის თქმა ჩემთვის ძნელია. სხვათაშორის, მეც ძალიან მაინტერესებს ამის გაგება.

## 3. რას ვფიქრობ იუგოსლავიურ პოეზიაზე?

ისე კარგად არ ვიცნობ იუგოსლავიურ პოეზიას, ამ საკითხზე ჩემი აზრი გამოვთქვა, მაინც შემიძლია ჩამოვთვალო ზოგიერთი სახელი, რომლის შემოქმედებასაც შედარებით უკეთესად ვიცნობ: დესონკა მაქსიმოვიჩი, მირა ადეჩკოვიჩი, ოსკარ დავიჩო, განე ტოდორიესკი, აცო შოპოვი, სლავკო იანკევიჩი. ბევრ მათგანს სტრუგეში შევხვდი. წინასწარ ამის განცხადება ჩემთვის ძნელია, მაგრამ მაქვს სურვილი, ვთარგმნო ზოგიერთი ნიმუში თანამედროვე იუგოსლავიური პოეზიიდან.

## 4. რა შემიძლია ვთქვა ანგაჟირებულ პოეზიაზე

როგორც მოგეხსენებათ, ეს საკითხი დღის წესრიგში იდგა. სტრუგეს საღამოებზე გაიმართა კამათი, რომელშიაც სხვებთან ერთად ჩვენმა დელეგაციამაც მიიღო მონაწილეობა. მე პირადად არ გამომითქვამს ჩემი აზრი, მაგრამ ვეთანხმები იმ პოეტებს, რომლებიც თვლიან, რომ პოეზია ყოველთვის იდგა და უნდა იდგეს ადამიანის სამსახურში. პოეტობაც პროფესიაა, ხოლო პროფესია თუ რამეს არ ემსახურება – არ არსებობს. გააჩნია, რას ემსახურება პოეზია. ჩემი აზრით, პოეზია ადამიანის სულის გაწმენდასა და განათებას ემსახურება და თუ პოეტი გქვია, გინდა თუ არა, შენც ამ საქმეს ემსახურები. ეს კი ერთადერთი ყველაზე კეთილშობილი სამსახურია და მე არ მეგულება ჭეშმარიტი პოეტი, მოყოლებული უძველესი ხანიდან დღემდე, რომელსაც ამ სამსახურზე უარი ეთქვას. საერთოდ საკითხის ასე დაყენება სწორად არ მიმაჩნია. ეს იგივეა, რომ დავსვათ ასეთი კითხვა: უნდა ათბობდეს თუ არა მზე?

## 5. ჩემი მომავლის გეგმები

მომავალში ბევრი რამის გაკეთებას ვაპირებ, მაგრამ ჯერჯერობით ეს მხოლოდ სურვილი და ოცნებაა.

უფრო კონკრეტულად: ვმუშაობ ლექსების ახალ წიგნზე, პარალელურად ვწერ პიესას ისტორიულ თემაზე. ძალიან მაინტერესებს თარგმანი, სათარგმნელი კი ბევრია.

## 6. რა ახასიათებს თანამედროვე ქართულ პოეზიას

შენს თანამედროვე პოეზიაზე ლაპარაკი ძნელია. რამის შესაფასებლად საჭიროა დისტანცია. მაინც თამამად აღვნიშნავ: დღევანდელი ქართული პოეზია თავისუფლად შეიძლება ამოუყენოთ თანამედროვე მსოფლიოს ჭეშმარიტი პოეზიის საუკეთესო ნიმუშებს.

ახალგაზრდა ქართველი პოეტების შემოქმედების ყველაზე უფრო დამახასიათებელ თვისებად სიახლისკენ ლტოლვა და ზოგადსაკაცობრიო პრობლემებით დაინტერესება მიმაჩნია.



\* \* \*


ყველა პოეტი ადამიანია. ადამიანი ღროსა და სივრცეს ემორჩილება. ხოლო პოეზია მარადიული ამბოხია ამ თანდაყოლილი მორჩილების წინააღმდეგ. იგი თავის არსებაში ადამიანების უკვდავებას გულისხმობს და მისი გზა სულის სისხლითაა გასპეტაკებული. ამ გზაზე დამდგარი – მსხვერპლია. იგი ყველას მაგივრად მიდის იღუმალებით მოცულ სამყაროში. რასაც ის ტანჯვითა და ტკივილით მოიპოვებს, ჩვენ გვეკუთვნის – უბრალო მოკვდავებს.

\* \* \*

ღამე გრძელი, როგორც ცარიელი მატარებელი.

\* \* \*

მოლოდინი: ცარიელი მატარებელი სათადარიგო ლიანდაგზე!



### 1971 წელი

\* \* \*

ხალხის სიდიდე იმ ფართობით არ იზომება, რომელსაც იკავებს.

\* \* \*

საფლავიც კვდება, თუ დაივიწყებ და აღარ მოუვლი.

\* \* \*

წვიმა კართან შეეგება, როგორც ფინიშთან მირბენილ სპორტსმენს ტაში.

### 1972 წელი

\* \* \*

საქალაქთაშორისო ტელეფონი საუკეთესო საშუალებაა ადამიანის დასაბეჩავებლად, გასატუტუცებლად, მოსაკლავად კი. სამი დღე და ღამე ველოდი შეკვეთას. სამი დღე და ღამე ისე ვადექი თავზე ტელეფონს, როგორც მშვიერი ნადირი მოწამლულ საჭმელს. მორიგე ან დაკავებული იყო ან პრინციპულად არ იღებდა ყურმილს. გადაწყვეტილი მქონდა, როგორც კი აიღებს, დედას შევაგინებ, დავწყევლი, მივაფურთხებ, მივახრჩობ, მივსრისავ-მეთქი, მაგრამ ბოლოს და ბოლოს ჩემს განუწყვეტელ ზარს რომ გამოეპასუხა, მუხლებზე დავვარდი, ხმა ამითრთოლდა, ცრემლი ხმაურით ჩავყლაპე და შევეკვდრე, და-ძმობას, დედა-შვილობას, მიშველე, ვიღუპები, აღარ შემიძლიამეთქი. არაფერი არ ისმის, ხელმეორედ დარეკეთო – მიპასუხა მორიგე და ყურმილი დამიკიდა.



## 1973 წელი

\* \* \*

რაც უფრო ახალგაზრდაა კაცი, მით უფრო გვიან ბრუნდება შინ.

\* \* \*

ზაზა!

მე სიკვდილის უფრო მრცხვენია, ვიდრე მეშინია.

\* \* \*

**ქართველი მასპინძელი** – რატომ ამბობთ უარს ყანწზე, ღვინო არ გიყვართ?

**ფრანგი სტუმარი** – პირიქით, ძალიან რომ მიყვარს, იმიტომ ვამბობ უარს.

## 1975 წელი

\* \* \*

რაც უფრო უბედურია შემოქმედი პირად ცხოვრებაში, მით უფრო ღიბი ბედნიერება მოაქვს ხალხისთვის.

\* \* \*

როცა გაიგებ, როგორ ჩნდებიან ბავშვები, თავს დაკაცებულად ნუ ჩათვლი მაინც, სანამ იმასაც არ გაიგებ, როგორ არ ჩნდებიან ისინი.

\* \* \*

მათ (ქალაქში ჩამოსულ პროვინციელებს) აღიზიანებთ ის, რასაც ელტვიან.

\* \* \*

რომანებიდან გაქრა გრძელი კაბის შრიალი და შიშველი მხრების ბრწყინვალება.

\* \* \*

თვალშისაცემად და არასასიამოვნოდ ლამაზი იყო, თითქოს სახის პლასტიკური ოპერაცია ჰქონდა გაკეთებული.

## 1976 წელი

\* \* \*

სიკვდილი არა მარტო საზარელია, არამედ ძნელიცაა.

\* \* \*

ოდნავ, სასიამოვნოთ ჩახლეჩილი ხმა ჰქონდა, როგორც ფრანგ მოძღვრალს.



\* \* \*

- რა საქმე გაქვს ამ ქალთან?
- არაფერი, უბრალოდ მთვრალი ვიყავი და მოვთხოვე.
- კი მაგრამ, როდის მიაბარე, რომ თხოვ?

**1977 წელი**

\* \* \*

ადამიანი ვნებებს ან იმორჩილებს ან თვითონ ემორჩილება. ორივე შემთხვევაში მისი საქციელი ადამიანურია. მაგრამ განსხვავება იმაშია, რომ ვნებებს აყოლილი ადამიანის სულში შემოქმედების ჟინით ალგზნებული ღმერთი დააბოტებს, როცა ვნებათა დამთრგუნველი ადამიანი თიხის ყულაბას გავს.

\* \* \*

გუმინ ორი ახალგაზრდა ბიჭი იყო ჩემთან. ჩემი წიგნი უნდოდათ. სანაცვლოდ ერთმა გალაკტიონის სურათი მომართვა, მეორემ კი ფოლკნერისა. იმ სურათზე ფოლკნერი რაღაცით ქართველ გლეხსა გავს, რაღაცნაირად ქართულად სვედიანია, არა სიღარიბის (დაკონკილი ტანსაცმელი აცვია), არამედ ბედის უკუღმართობის გამო.

\* \* \*


მთავარია, გამოვარჩიოთ პოეტი ლექსის წერის მანიით შეპყრობილი ხალხიდან, რომელთა არსებობა, უპირველეს ყოვლისა, ჭეშმარიტი პოეზიის წინააღმდეგაა მიმართული, რადგან, რაც არ უნდა უცნაურად და დაუჯერებლად მოგვეჩვენოს, ისინი თავიანთი ბუნებით მტრები არიან იმისა, რისკენაც მიილტვიან, მათი მიზანია, რაღაც არ უნდა დაუჯდეთ, მოიპოვონ პოეტის სახელი და ამიტომაც, თანდაყოლილი ალღოს წყალობით, რასაც მხარში უდგას ასევე თანდაყოლილი ბრძოლისუნარიანობა, ცდილობენ დაამდაბლონ ის, რასაც ვერ შეწვდებიან, რაც ბუნებისგან ეძლევა კაცს და არა ცხოვრებისგან. ცხოვრება ბუნებაზე ღმობიერია, გულგრილია ჭეშმარიტების მიმართ, რადგან თავადაც წარმავალია და მაინცდამაინც არ ალელვებს, ვინ ამოტივტივდება მის ზედაპირზე და ვინ ჩაიმარხება მისი ფსკერის შლამში. ის (ცხოვრება) ბუნებას უპირისპირდება, რადგან აღიზიანებს მისი მარადიულობა, სიმშვიდე, სამართლიანობა...

**1994 წელი**

\* \* \*

**ბერლინი. დალის გამოფენაზე**

რასაკვირველია, გიჟი არ არის, მაგრამ ფანტაზია გიჟური აქვს, გნებავთ, შეგნებულად „გაგიჟებული“. აშკარად დიდი შემოქმედია. ალბათ ყველაზე უკეთ გამოხატავს საუკუნის ყველა მანკიერებას. გალას შიშველი ზურგი მაინც სინამდვილეში აბრუნებს, უნდა თუ არა. მისდაუნებურად, იმდენად ალელვებს, შეგნებულად გაგიჟებული, უნებურად „ჭკვიანდება“...





გამოფენას „დალის ხმა“ უღევს ფონად, რაც მეტად შთამბეჭდავია. საერთოდ, დიდი არტისტი გახლავთ. მხატვარი მხატვრად, მაგრამ არც ის უნდა დაუკარგოთ, ყველაზე უკეთ რომ აუღო ალლო დროს, საზოგადოებას, ადამიანს. ნიჭიერება პლუს შრომისუნარიანობა, პლუს სკანდალური ცხოვრება, უღრის გენიალურობას.

გაურკვეველი დიდებისკენ მიმავალი ეს გზა დალიმ არა მარტო სხვებზე აღრე აღმოაჩინა, არამედ სხვებზე უკეთ გაიარა და უნდა ვაღიაროთ, ჯერჯერობით ისევ მიუღწეველ მაგალითად, ნიმუშად რჩება მიმბაძველთა მარად მზარდი ლეგიონისთვის.

მეოცე საუკუნეში ერთნაირად საცოდავია ხელოვანი, თუკი მხოლოდ ნიჭიერებით, ანდა მხოლოდ სკანდალური სიტუაციების შექმნის უნართა დაჯილდოვებული. უერთმანეთოდ არცერთს არა აქვს ფასი. უხმაურო ნიჭიერება გვაეჭვებს, უნიჭო ხმაური კი გვაღიზიანებს.

\* \* \*

ყველაზე უნდო და მხდალი კაციც კი კვდება ბოლოს და მე რა ღმერთი გამიწყრება ვითომ!

\* \* \*

ერთ რამეს ვინატრებდი მხოლოდ – ოდესღაც, საუკუნეთა მიღმა, ისევ ამ მიწაზე და ამ ცის ქვეშ, ვიღაცამ, სულერთია ვინ, ოღონდ ჩემი ვინაობისა და ხელობის მცოდნემ (შეიძლება დამფასებელმაც), ჩემს საფლავს ჩასძახოს: იძინე მშვიდად, ჯერ ისევ ვარსებობთ, ისევ ვიბრძვით, ისევ ხალხი გვქვიან!

სხვათაშორის, ჩვენ თუ გადაგვარჩენს, მხოლოდ განუწყვეტელი ბრძოლა გადარჩენისათვის. საკმარისია დავმშვიდდეთ, დავლუმდეთ, ისე გავითქვიფებით დროუამის ღინებაში, ვერც კი შევამჩნევთ.

\* \* \*

წიგნის თაროები აქა-იქ შემაწუსებლად გამოცარიელდა. ვეღარ ვიხსენებ, სად რა მეწყო – იყიდება წიგნები, მაგრამ მაინც დიდი იმედია, მყიდველი რომ არსებობს.

\* \* \*

გუშინ ჩამოვფრინდი პარიზში. დღეს „ლიბერასიონში“ წერილია – ჩემს შესახებ. ორი ფოტოა, ერთი გაზეთის პირველ გვერდზე...

\* \* \*

ორი კვირა მიიწურა პარიზში და ვერაფერი ჩავიწერე – თუმცა შთაბეჭდილებები ბევრია. მათ შორის უაღრესად სასიამოვნოც – მარტო წიგნის მაღაზიაში გამართული საღამო რად ღირდა. ამილახვრები, დადიანები მადლობას მიხდიდნენ მათი ღირსების „გადარჩენისთვის“. ვიცი, რასაც იმსახურებენ ჩემგან, მაგრამ მაინც დავზოგე, შემეცოდნენ. სხვათაშორის, ჩვენი ემიგრაციის გარუსებული ნაწილი გაცილებით არასასიამოვნოა, უაღრესად ქართულ ნაწილთან შედარებით. მაშინაც ძირითადად ისინი ტოვებდნენ საქართველოს, ვინც უკვე შეგუებული იყო რუსეთის იმპერიას ქვეშევრდომო-

ბას და მოასწრო კიდეც გადაგვარება საკუთარ სამშობლოში. თუმცა, ამაზე მერე, როცა ცოტა სულს მოვითქვამ...

\* \* \*

ოჯახი ფასკუნჯია, რომელსაც ქვესენელიდან სამზეოზე ამოჰყავს ადამიანი! ამიტომ ადამიანმაც, სხვა თუ არაფერი გააჩნია, საკუთარი ხორციით უნდა კვებოს ის განუწყვეტლივ!

\* \* \*

გუშინ სადამოს, ერთ-ერთ ჩაბნელებულ სადარბაზოში რომ შევდიოდი ხელისცეცებით, პიანინოს ხმა გამოდიოდა ვილაციის ბინიდან – აშკარად ბავშვი უკრავდა, ალბათ სანთლის შუქზე. არ შეიძლება იმ ბინაში ცუდი ადამიანები ცხოვრობდნენ. აი, ისინი არიან ნამდვილი ქართველები, ჭირში გაუტეხელნი და ღირსეულნი...

\* \* \*

გერმანიაში უნდა ჩამოვსულიყავი, რათა ნიცშე წამეკითხა ქართულად. ტატიშვილის თარგმანსაც ჩვეულებრივი ქართული სენი სჭირს: ყველაფრით თამაში, სიტყვით, სტილით, თემით... თავად ავტორის სახელითაც კი! არსებული სალიტერატურო ენა არ ვიცით, ან, რატომღაც ვერ აკმაყოფილებს ჩვენს მხატვრულ თუ აზრობრივ მოთხოვნილებებს, რომელთა წარმოჩენა (ანუ შენიღბვა უეცრად და უმეცარად თვალისთვის) თითქოს უფრო შესაძლებელია არქაულ, ე. წ. „ბიბლიის“ ენაზე. მაგრამ არ უნდა დაგვავიწყდეს ისიც, რომ „ბიბლიის“ ენა თავის დროზე უაღრესად თანამედროვე გახლდათ, და მაინც ეტყობა, მართლა ნიჭიერი კაცი იყო ბატონი ერეკლე. ყოველშემთხვევაში, აშკარად ქართული საქმისთვის იღწვოდა და ირჯებოდა. რა გვეთქმის, მალელობის მეტი! სულ არაფერს ისევ ეს სჯობს!

\* \* \*


1989 წლის აგვისტოში, პარიზში ყოფნისას, ქრისტინემ პერლაშეზე წამიყვანა. მოლიერის სარკოფაგზე ორად გაკეცილი პატარა ფურცელი იყო. ჩემი თხოვნით, ქრისტინემ „სხვისი წერილი“ „გახსნა“ და წამიკითხა. ყველა დროის უდიდეს დრამატურგსო – ეწერა ფურცელზე. ყველაზე მარტივი და უტყუარი გამოხატულება უკვდავებისა. „წერილის“ ავტორს სჯერა, ადრესატი გაუგებს. ვინ იცის, იქნებ ესმის კიდეც!

\* \* \*

**კამიუ:** „როცა ისინი (მწერლები) ლაპარაკობენ, თავს ვესხმით და ვაკრიტიკებთ. ხოლო, თუკი თავმდაბლობის გამო, სდუმან, ახლა მათი ღუმილი ხდება ჩვენი გაუთავებელი მსჯელობის საგანი და ღუმილისთვის კვიცხავთ საჯაროდ“.

\* \* \*

სხვათაშორის, ცუდი არ იქნება, მეც რომ მოვიძიო ძველ რვეულებში გაფანტული ჩანაწერები, ვინ იცის, იქნებ იმათი გამოცემა მოუნდეს ვინმეს „ჩემთან შეუთანხმებლად!“.





## 1999 წელი

\* \* \*

ახალგაზრდა მწერლებთან დაკავშირებით: რაც შეიძლება მალე უნდა იგრძნონ იმათ, აუცილებელი და განუყრელი წევრები რომ არიან ქართული მწერლობის ოჯახისა (და არა მწერალთა კავშირისა), რაც შეიძლება მალე უნდა დადგინონ იმ ერთადერთ პოზიციაზე, რომელზედაც აუცილებლად უნდა იდგეს ქართველი მწერალი (ჯერჯერობით მაინც!). ახალი გზების ძებნა არა თუ კარგია, საჭიროცაა, მაგრამ ყველა გზას მაინც იქ უნდა მივყავდეთ, სადაც ჩვენი საერთო, ჩვენი მშობლიური ლიტერატურის გული ფეთქავს... ისინი მწერლები კი არიან, მაგრამ, ჯერჯერობით, საქართველოს ქვეშევრდომობა მიღებული არა აქვთ, ანუ ქართულად კი წერენ, მაგრამ ყველანაირად ცდილობენ თავიანთი განცდებით არ გამოირჩეოდნენ მრავლისგან. არადა, განცდებით განსხვავებულობა, თავისებურება ანიჭებს ლიტერატურას ეროვნულობას, რასაკვირველია, ენასთან ერთად...

\* \* \*

ღიადი საშინელი სკეპტიკოსები: ლოტრეამონი, ვალერი, ჟიდი, ჯოისი, სელინი...

\* \* \*

ხელოვნება იქცა მანიკერების გავრცელების მასიურ საშუალებად.

\* \* \*

შვედეთის აკადემიამ ჩემი კანდიდატურა სცნო. ალბათ ესეც რაღაცას ნიშნავს, მაგრამ ჩვენს გაჭირვებას ვერ უშველის. მთავარი წინ არის.

\* \* \*

თუ გინდა, რომ მოკვდე, უნდა დაიბადო. ხოლო, უკვდავება თუ გინდა – უნდა მოკვდე.

\* \* \*

ისე მე თუ მკითხავ, არაფერია გულდასაწყვეტი ამ ქვეყანაზე – თუ კოსმიურ საფრთხეს გადაურჩი, ატომური ფსიქოზი დაგადამბლავებს, ხოლო, იმასაც თუ სძლიე, სექსუალური ეპიდემია მოგიტავებს ხელს...

\* \* \*

რაც უფრო მეტს კოპწიაობს კაცი ქალებთან, მით უფრო საეჭვოა მისი მამაკაცური პოტენციალი.

\* \* \*

წიგნში ის კი არ უნდა ეძებო, რაც იცი, ის უნდა იპოვო, რაც იქამდე არ იცოდი.

\* \* \*

ნებისმიერი ახალგაზრდა, რომელიც დღეს ქართულად წერს, თვალის ჩინივითაა გასაფრთხილებელი. წერონ, მოიწიფონ ხელი, გონება აუცილებლად გაიხსნება, დროთა განმავლობაში, და ბევრ რამეს, რაც დღეს აღიზიანებთ, ალბათ გმირობადაც ჩაუთვლიან თავიანთ წინამორბედებს... მთავარია, იქამდე, ერთმანეთი არ შეგვაგმევიანოს მტერმა, ქილაში გამოძწყვეული მორიელებივით...

\* \* \*

ისე უნდა ცხოვრობდე, თითქოს სამუდამოდ ხარ აქ მოსული და ისე უნდა შრომობდე, თითქოს სვალინდელი დღეა გაქვს დარჩენილი...

\* \* \*

დამთავრდა ჩემი მწერლობა – რაც დავწერე ნაგავია, რისი დაწერაც მსურდა, ვერ დავწერე! ბასტა! ამოიწურა ძალღონე, დაწყდა წყარო, დაიღია სანთელი, გათავდა პური... მიიწურა სიცოცხლე, როგორც ეს ნოემბერი...

მწერლობა, ასე თუ ისე, კიდევ ამართლებდა ჩემს ამქვეყნიურ არსებობას. ნამდვილად უაზრობაა, ამ დღეში ვიყო და თანაც ვერაფერს ვწერდე... რაღაც უნდა მოხდეს! აუცილებლად. დღითი დღე ვეფლობი უმოქმედობასა და უაზრობის ჭაობში... წნევის გაზომვა და მაჯის დათვლა გამართლებულია, თუკი რამეს ქმნი, რაღაცისთვის გჭირდება ნორმალური წნევა და მაჯა. ამაზრზენი სანახავია საკუთარი მაჯის მთვლელი კაცი. საცოდაობაა! არ მინდა ვიყო საცოდავი. არ მინდა! მაგრამ სიკვდილის რომ მეშინია? მერე რა?! ეს ცხოველური შიშია და მეტი არაფერი. მარტო სიკვდილის ზომ არ მეშინია?! მეშინია მიწისძვრისაც, ხანძრისაც, მთვრალი ხულიგანისაც, გრიპისაც... ღმერთმა იცის, რისი აღარ ეშინია კაცს, მაგრამ მაინც კვდება. ასე რომ, შიში დიდი დაბრკოლება არ არის. შიშს მოველეხა. მთავარია... მთავარია არ მინდოდეს სიკვდილი. ამისთვის კი ბევრი რამ არის საჭირო, გარდა ჯანმრთელობისა, საქმე უნდა გქონდეს და აკეთებდე. ქალი უნდა გყავდეს და... მოკლედ, დროა, ჭკუას მოუხმოთ და ერთხელ კიდევ გავიბრძოლოთ. სჯობს ბრძოლის ველზე მოგკვდე, ვიდრე წარმოდგენილი ბრძოლების შიშმა მოგკლას ლოგინში ბოლოს...

\* \* \*


27 ნოემბერი. გარდაიცვალა დედა!!! აი, როგორ უნდა სიკვდილი! აი, ვინ მოკვდა ღირსეულად! ბრძოლის ველზე...

\* \* \*

სიკვდილი ერთადერთი (და საუკეთესო) გამოსავალია იმ სიტუაციიდან, რომელშიც სიკვდილის წინ აღმოვჩნდებით ხოლმე...

\* \* \*

დედა დავმარხეთ 2 დეკემბერს. ეს დღეები კუბო სულ მზეში იდგა. თინა ცარიელ ოთახებში დადის, დედას ეძებს და ტირის! 60 წლის ობოლი...





## 2000 წელი

\* \* \*

...წიგნს მკითხველი არ დაუკარგავს. მკითხველმა დაკარგა წიგნის შეძენის შესაძლებლობა, რაც არანაკლებ ტრაგიკული მოვლენაა, მაგრამ მისი გამოსწორება მაინც შესაძლებელია. ვინც ახლა წიგნს ყიდულობს, ის მკითხველი არ არის, რადგან არც ის არის წიგნი, რასაც ის ყიდულობს...

\* \* \*

მორჩილს ბედობალი ხელკავით მისეირნებს, ურჩს კი ყურით მიათრევს.

\* \* \*

17 აპრილი

ვნახე გივი\*. ძალიან ცუდაა. ვეღარ ავდგებიო – შემომჩივლა. დავამშვიდე სულელურად – გაზაფხულის ბრალია, ყველაფერი კარგად იქნება-მეთქი, არადა, აშკარად კვდება, სამუდამოდ მიდის ამქვეყნიდან. არავიზე ნაკლები პოეტი არ ყოფილა. პატიოსნად ემსახურა ქართულ სიტყვას და მწერლობას... ღმერთო, უშველე და გაუხანგრძლივე წუთისოფელი... ძალიან მეცოდება. ღია მაგრად დგას, მაგრამ ლაპარაკისას თვალები ცრემლით ევსება. რალაცნაირად გაუფასურდა ყველაფერი, სიკვდილის ჩათვლით. „პოეტს სიკვდილი უხდებაო“ – გვეძახიან ტელეეკრანიდან, მაგრამ აი, საავადმყოფოს მე-8 სართულზე ჩიტივით უჩუმრად კვდება პოეტი და ვითომც არაფერი...

\* \* \*

ძველ წიგნებზე ყოველთვის ახალი შთაბეჭდილებით უნდა იმსჯელო... წიგნი კი არ ძველდება, შთაბეჭდილებები იცვლება ჩვენი ზრდისა და განვითარების შესაბამისად.

\* \* \*

რითი ვალიზიანებ ჩემს „მეგობარ“ მწერლებს? რასაც ისინი საკუთარ თავზე ამბობენ, იმას ამბობენ ჩემზე სხვები.

\* \* \*

მწერლური შრომაც, რასაკვირველია ტანჯვაა, მაგრამ გარკვეული თვალსაზრისით, ნეტარების მომნიჭებელიცაა. ნეტარი ტანჯვა!

\* \* \*

ყველა ქართველი მწერალი, ერთდროულად, მწიგნობარი ბერიც იყო, მიწას შეჭიდებული გლეხიც და ხმალშემართული მეომარიც... ეს სამგვარი თუ გასამებული ბუნება ქმნიდა მარად შეჭირვებულ, მარად ბეწვის ხიდზე მაგალ, მარად უმადურობისა და გულგრილობით გამომწვევდელი ქართველი მწერლის სახეს.

\* \* \*

შეკითხვების დასმა ბრალდების წაყენების ტოლფასია.

\* გივი გვაგვიკორი.




\* \* \*

გაჩინებული და მუგუზალივით შავი გოგოები ძალიან ვნებიანები არიან საწოლში.

\* \* \*

დიდი მნიშვნელობა აქვს, თუ რა მოახდენს შენზე ბავშვობაში წარუშლელ შთაბეჭდილებას, რა დაგამახსოვრდება სამუდამოდ... შთაბეჭდილება, თუ შეიძლება ასე ითქვას, ინტელექტუალური განტელის მაგივრობას უწევს ბავშვს, ფიზიკურად კი არ აძლიერებს, რაც ბავშვისთვისაც უკეთესი იქნებოდა – არამედ, ნაადრევად ამწიფებს გონებრივად და სასურველზე მეტად უმძაფრებს მგრძობელობას...

ადამიანი შთაბეჭდილებების ჯამია, გააჩნია, ვინ ურევს ხელს იმ „ჯამში“, ღმერთი თუ ეშმაკი...



## 2001 წელი

\* \* \*

„დრო გავატაროთ ღზინითა, ჰარი, ჰარალე!“ – აი, აქედან იწყება ჩვენი წახდენა.

\* \* \*

უაღრესად ქართული ფენომენი, ძლიერ, ღონიერ ფესვებზე ამონაყარი იშხნელების შვილიშვილი – მანანა მენაბდე – გერმანიაში ცხოვრობს და მოღვაწეობს, შემთხვევით კონცერტიდან შემთხვევით კონცერტამდე, მოხეტიალე მუსიკოსი – ახლაც თვალწინ მიდგას, როგორ გადმოდის მატარებლიდან (ქალაქის სახელი არ მახსოვს) თავისი გიტარით – სახელურიან ფუტლიარში უღევს გიტარა, ბებიების ჯადოქრული თითებით მოთვინიერებულ-მონუსხული... თბილისში ღამის გასათევი ადგილიც არა აქვს, არადა, თითქოს ყველა გზა ხსნილი ჰქონდა ქართული ესტრადისკენ მიმავალი – მისი უჩვეულოდ ძარღვიანი, შეუპოვარი ხმა (არ ვიცი, რამდენად შესაფერისი ეპითეტებია, მუსიკალური თვალსაზრისით), უკვე ხიბლავდა და იპყრობდა მუსიკის მოყვარულთ...

\* \* \*

თინას „სამეფო“ ბეჭდის წარწერა: „ოთიას თინია – თაზიას ფინია!“

\* \* \*

თუ ტოლერანტი ხარ, ძლიერიც უნდა იყო. სუსტმა, უპირველეს ყოვლისა, ტოლერანტობა უნდა დაივიწყოს, თავად რომ გადარჩეს.

## მხატვრული პროზა

ოლესია თავაძე



## ბ ა ღ ა მ ც ღ ა რ ნ ი

(ფრაგმენტები წიგნიდან „სევდიანი ჩანანერები“)

## ბავშვთა სახლი

ბავშვთა სახლი, მისი ბინადრები...

ვყოფილვარ, მინახავს....

ერთს ვიტყვი მხოლოდ:

ბავშვთა სახლში ან არასდროს არ უნდა შეხვიდე, ან თუ შეხვალ, რალაცა უნდა მოიმოქმედო, ან ისე უნდა დაიმდულრო, რომ სტიგმატები დაგემართოს, სხვისთვის უხილავი, შენთვის მოუცილებელი, უმაქნისობის საზღაურად.

რაული, ბიძინა, ტყუპები ანი-თეონა, მარიამი, ბაკური, რაული...

## „მანი, მანი“

რომ შეხედავ – თავგია, სუფთა თავგი, ყველაფრით ნაცრისფერი. ეგრე გეგონოს! ასი წელი ყოველ ქუჩაში გასვლაზე, სულ ცოტა ორ-ორჯერ მაინც ნახავ – ერთი სახლიდან გასვლისას ნახავ, მერე სახლში დაბრუნებისას ნახავ. საერთოდ თუ არ გადიხარ, ფანჯარაში არ უნდა გაიხედო – ნახავ. ამოჩემებული თუ ჰყავხარ, შანსი არ არის, არაფერი არ გიშველის, ვერ დაუძვრები – დაგინახავს, დაგიმიზნებს, დაგეტაკება, – „მანი, მანი, მანის“ გაიძახის და შენს ცხვირთან თავისი სამი თითის მოძრაობით გითარგმნის.

ამ სიტუაციიდან ორი პოზიტიური გამოსავალი არსებობს:

შენთვის – თავგმა ინტერესების სპექტრი რომ გააფართოვოს, უცხო ენას ისწავლი.

თავისთვის – შენ ფული რომ აძლიო, თავგი წელში გაიმართება.

მოცემულობებიდან გამომდინარე, ინვერსია ვერ ხერხდება. ერთი რამე კი აშკარაა – თუ მოქალაქეობა არ შეიცვალე, ან უბანი მაინც, ნევროზს აგკიდებს!

მანი, მანი, მანი, მანი!!!

## ზარმაცები

ორი ტიპი, ალბათ ქურთები, ასე 17-18 წლის, საგანგებოდ მიშვებულები – გასაფერთხი მტვრიანები, ილღიებში სიმეტრიულად ყა-

ლიკა მიქაძის ფოტო



ვარჯენებამოდებულები, მიქცევა-მოქცევით, ლაპარაკ-ლაპარაკით ქუჩაში დაიარებიან. რაღაცა საინტერესოს ჰყვებიან.

შიგადაშიგ ყავარჯენები ხელს უშლით, ხელში იკავებენ და ჩვეულებრივ სიარულში ისვენებენ. ქუჩა ლარივით სწორია, გამვლელები ერთიმეორეს შორიდან აფიქსირებენ. სადარბაზოში თუ შეხვალ, თორემ ქუჩის ბოლოდან ჩანხარ. ჰოდა, ეს ახალგაზრდები საინტერესოს რომ მორჩებიან, საქმე რომ გაახსენდებათ, უცებ წყვილად დახიბრდებიან, სიმეტრიულად ყავარჯენებს ამოიდევენ, და არც მეტი და არც ნაკლები, ლარს გთხოვენ: *Лари дай, ну!*

დეგენერატი უნდა იყო, რომ ლარი მისცე, ნეტავი დღის ბოლოს მაგათი ნადავლი დამათვლევინა, ეგეთი რამდენია.

### მოხუცთა თავშესაფარი

მესა დამთავრდა, მრევლი აიშალა. მოხუცი ქალი ნაბორძიკდა, სუფთა, მოვლილი, ნაპატრონები, თავბრუ რომ არა, ერთს არ იფიქრებდი მის გაჭირვებას.

– გაგაცილებთ.

გაუხარდა.

– შორი არ არის, აქვე მოხუცთა თავშესაფარში ვცხოვრობ, ეკლესიის უკან.

მივიყვანე. თავშესაფარი არასდროს მენახა, მოხუცი ისე არა, სახლი უფრო მაინტერესებდა. შენობა სამსართულიანი, კოხტა, ლამაზი, ლიფტით (გამარკვიეს: სამსართულიანი ლიფტი ბუნებაში აღარ არსებობს, მოიძიეს, უცხოეთიდან ჩამოიტანეს, უთუძვირია, კარები ნელ-ნელა იკეტება, მოხუცი შიგ რომ არ მოყვეს, ენერგიულს ამასობაში ჩაეძინება). კრიალი გაუდის ყველაფერს, ნოხები, აბაჟურები... ოთახი – კრემ-ბრიულე და რახათ-ლუხუმი ერთად, ისეთი ინტიმური მყუდროებაა, რომ ინტიმის არარეალიზებულობა შეგანუხებს. მოხუცმა – მადლობაო, მიირთვიო, დაბრძანდიო, ტკბილიაო, რბილიაო. მერე ვახშამზე ჩამომყევით. სასადილოში არჩევანი შეგმურდებოდა, ოფიციალტები გაგაოგნებდა, სანიტრები ჩაგაფიქრებდა. აირეოდი, და უმადურობის ბორიალი დაგენწყებოდა – თუ აქ ესეთი ცუდია, სადაც ცუდია, იქ რაღაა?

### ლოთები

სპორტსკოლის ეზოში, თუთის ძირში, სკამზე ლოთი დასახლდა, ჯერ კიდევ იერი არ დაუკარგავს, ყარაჩოლელური უჭირავს, ფრიად კომუნიკაბელური მოლაპარაკეა. ეგ არ უნდა დაანწყებინო, თორემ თავს ვერ დააღწევ.

მაღაზიის „კრიშა“ ვარო, სახლიც მაქვს და ძაღლიც მყავდაო, ნამეტანი შევმჭიდროვდითო, და ასე თუთის ძირში მიჩვენიაო.

სხვა არ ვიცი, მაგრამ „კრიშობანა“ გჯერა, სასმელი არ აკლია,





„პახმელია“ არ უჭირს. შენ გიჭირვებს ლაპარაკით.

ერთ მშვენიერ დღეს, მისნაირი „შემჭიდროებული“ მიუნვა გვერდზე.

სალაპარაკოდ არ გითრევენ, ერთიმეორეს ეფლურტულებიან, „პახმელიაზე“ ერთად გამოდიან. მეგობრობა იყო თუთის ძირში და სიყვარულიც ენვიათ. ახლა თუთის ძირში შემჭიდროვდნენ, ყარაჩოღელ „კრიშას“ ქალი მიუნვა გვერდზე, და პახმელიაზეც ერთად გამოდიან.

მეგობრობა და სიყვარული – ხვედრია.

შემეშინდა, ეს ცნებები არ ნაბილწვოდათ.

სპორტსკოლის ეზოში ძაღლებს აღარ ვასეირნებ.

## რაული

ბავშვთა სახლის ბიჭია, მოზრდილი, მიმდობი. გეტმასნება, შენი იმედი აქვს. ისე, მაგ სახლისებს, ყველას აქვს იმედი, შენი, ან ვისმესი. შენც მორჩილდები, შებრძოლების თავი არა გაქვს, გეცნობა, მასწავლებელს გაცნობს, ერთადერთ თავის საკუთრებას, ლოგინთან მდგარ ცარიელა ტუმბოს ამაყად გაჩვენებს. თავისას გიყვება. მედოლეობა უნდა – ქორწილების შაბაშის იმედი აქვს. ალბათ მუსიკალურია. გემშვიდობება. გელოდება. ვერ ჩადიხარ. დოღს უგზავნი, მერე გიტარას, ერთი-ორ შენთვის ძვირფას წიგნს, გწერს, ყვავილებს და წითელ გულებს გიხატავს. შენც პასუხობ, გრძნობიანად, დიდაქტიკურად. ერთხელაც ჩახვალ, არ დაიზარებ, გზაზე ხარ, ინახულებ, უხარია, გეტმასნება. სიტყვები გიჭირს, დაკვრა გირჩევნია.

...დოლი წაართვეს, გიტარა დაუმტვრიეს, წიგნი? კითხვა არ იცის. წერილებს სხვა წერდა, წითელ გულებს თვითონ გიხატავდა.

ტუმბო ისევ ცარიელია. შენი იმედი აქვს.

მობილურს გთხოვს, ჩუქნი, გირეკავს, პასუხობ.

ელოდები ანგარიში როდის გაუთავდება.

## საინგილოს თაფლი

წლიდან წლამდე ერთი და იგივე მეორდებოდა.

– საინგილოს თაფლი, საინგილოს თაფლი! – და შენ, თაფლი დიდად რომ არ გიყვარს და არც მაინცდამაინც სხვა არ გამოძრავებს, კისრისტეხით ჩარბიხარ ეზოში და ამაყად სამლიტრიანი ქილით ბრუნდები.

პირველივე ჯერიდან ნათელი გახდა: „ინგილოები“ აფერისტები არიან, თაფლი – ყალბი, ტყუილი, სიაბანდი, ტუფტა, ქიმიია, შაქარი და „ტრანოი ადეკალონი“. ერთადერთი, რომ ნახევრის ფასად დაზარალდი.

ერთი – შეგეშალა, მეორე – ვერ იცანი, მესამე – ვერ გიცნეს, მერე

და მერე? კლიენტისას გაიგებ, ბოლოს და ბოლოს, სხვა გასაღებს თუ ვერ მოარგებ – პატრიოტიზმის მსხვერპლია. მაგრამ მაგ „ინგილოების“ ვერაფერი გავიგე. ხან ფერეიდან თქვან, ხან ტაო-კლარჯეთი. ნუთუ პატრიოტიზმი ასე მოდებულია?



### მუშები

თუ ძველებურ კაფელის ფერთან საქმე არა გქონიათ, აგიხსნით – ტონაა. სადაც აწყობენ, იქ დგას, არც გადააქვთ, ვერც ძრავენ. კლიენტმა დაიჩემა და ოთხი დევეგმირი მუშა დააყენა თავზე. იმათი ერთი ეყოფოდა ფერს, და ეგეთი ოთხი? – გაუმართლა. ოსები იყვნენ, ჩვენები, კეთილები, ახმახები, მხარბეჭიანები, ცარიელა ჯანი და კუნთი. ეს ფერი ხო ბუმბულივით აწიეს, „ვილისზე“ ხო შეაგდეს, სოფლად მიტანილი მსუბუქად ხო ჩამოიღეს, და ოთახშიც შეიტანეს. ეხლა ოთახი. დიდი იყო, მაგრამ არც ისე. მარჯვენა კუთხეში დამიყენეთო, დიასახლისმა.

მუშებმა პატარა ჩაისუნთქეს, ოთხი მხრიდან ეძგერნენ და... სახლის პატრონმა, ალერსიანად – მაინც დაილაღნენო. მუშები, შეურაცხყოფილად ისევ ეძგერნენ... ბოლოს და ბოლოს კი მიდგეს ეს კაფელის ფერი მარჯვენა კუთხეში, მაგრამ რა გაუჭირდათ, მერე მივხვდი – ფიზიკის კანონი: ანუ თანაბარი ძალები საპირისპიროდ მიმართული ვექტორებით ბათილდება – ქმედება ნულის ტოლია.

### ქურუმი

იმ დროს, ჯერ კიდევ ორი მიცვალებული დაუსაფლავებელი რომ გვენვა ქვეყნის ყველაზე დედაქალაქში და ნორმალური ვერაფერს განჭვრეტდა, შუა აზიის ქვემდგომ ქალაქ სამარყანდში, შემდეგი ხდებოდა:

ქალაქის შუაგულ რეგისტანად ნოდებულ მოედანზე შესახედავად აბსოლუტურად ნორმალური კაცი აბსოლუტურად გიჟურს ყვიროდა:

– ხალხნო! ამ ქვეყანას დედა აქვს ნატირები! თუ არ გჯერათ აგერ თქვენ, და აგერ მე! თავს უშველეთ! საცაა დაიქცევა!

ამის გაგონებაზე რეგისტანი იცლებოდა. დაზაფრული ნორმალურები გარე-გარე გარბოდნენ, არა მგონია დაქცევის შიშით.

რითი დაასრულა გიჟმა პირადი ცხოვრება, ვინ იცის! ქვეყნის ცხოვრება რითი დასრულდა, ვიცით ყველამ.

### ჭუკლი

ჭუკლი, თქვენი არ იყოს, არც მე მინახავს. ისე, რომ გენახა, ჭუკლი – ჭუკლი იქნებოდა – პატარა, უჩინარი, შეუხედავი დედაკაცი. მინაზე, რომელიც შეხვდა, ოთხი უფანჯრო კედელი ამოიყვანა.



გადახურვით – გარდიგარდმო ბარჯგებზე გაზეთებს აფენდა სქელ ფენად – ამტკიცებდა, წვიმისგან იცავსო. ბალის ნერგები ბოსტნის ჩითილებივით მიაყოლა.

– ქალო, რას შვები, – რომ ეტყოდნენ, – შორიშორს დარგე!

– მე ვიცი და ჩემმა მარჯვენამო, – პასუხობდა.

ჭუკლი ასე, დიდხანს ვერ იგიჟებდა. გაზეთს წყალმა აჯობა, ბალი ლერწებად გადაგვარდა. თვითონაც გაქრა, ჭუკლი. რამდენი წელია, არ გამოჩენილა.

მაგრამ, რატომღაც, ყველას ღიმილით და სიკეთით აგონდება.

### პლენანოვის პროსპექტი

ამას მოვესწარით – მიხაილოვის პროსპექტს, პლენანოვის პროსპექტს, დავით აღმაშენებლის პროსპექტი დაერქვა. ჰოდა, მაგ დავით აღმაშენებლის პროსპექტზე, შუა ქუჩაში, ავტობუსების გაჩერებაზე, მოსაცდელ სკამთან ეგდო (სიტყვა არ შემშლია), ეგდო ახალგაზრდა ქართველი მამაკაცი. ეგდო გულგაღელილი, ჩახდილი (ვაი რომ პირდაპირი მნიშვნელობითაც!) თავის ამონანთხევეში, ჩამონაჭურში, ამაზრზენი და შემზარავი. გვერდზე მიგდებული ბინძური საცვალი, ცალი ფეხსაცმელი და „ნასუფრალი“ (გაჭყლეტილი პომიდორი, კიტრის ნალინჯალი, ბოთლები და ერთჯერადი „სერვიროვკა“) მიგახვედრებდა – გდია, კი, მაგრამ, ამჟამად, ერთგვარად აქ ცხოვრობს, ამ ადგილზე. ეს არ იყო შეჩვეული (!) მათხოვრობა, ბილნსიტყვაობა და უტიფრობა, ეს იყო დაცემის აპოთეოზი. ქართველობას ხაზი გაუუსვი, არ მომერიდა, არ შემშლია. ქართველს ნამდვილად არ ჰქონდა ხასიათში ქვენა შრეების საჯაროობა. არამც თუ მთვრალს, ნასვამსაც ვერ ნახავდი სახლიდან გამოსულს!

ირგვლივ ყველა, გამვლელი და მომლოდინე ჩვეულებრივი იყო. არანაირი ვაი-ვიში და თავში წაშენა. ამ კიტრი-პომიდვრით კი, ნამდვილად, ვილაცამ ნამუსი მოიბანა. ყველას ეტყობოდა – მილიონი რომ მიგეცა – არავინ მიეკარებოდა. ზუსტად ამის შეძახილზე – „მილიონი რომ მომცე, მაგას არ ვიზამდიო“, – დედა ტერეზამ (კეთროვანს რომ ჩირქს ჰბანდა) ასეთი პასუხი გასცა:

– მილიონად არც მე ვიზამდიო!

ნაადრევად ხომ არ გადავარქვით სახელი პლენანოვის პროსპექტს?!

### ნილაბი

გაუცხოვების კვალია, ანარეკლია – ნახშირით წარბჩათრეულად შემოვლებული თვალები, შავი თმები, შავი ფრჩხილები, შავი ტანსაცმელი, ჩაცვნილი კბილები, ჩაცვეთილი ქუსლები. ფერუმარილით თეთრი სახე, შავს ირგვლივ ასმაგად თეთრი გუგები. მტვერდაყრილი, ჭალარაგარეული, უსუფთაო.

მძებნელი, მომლოდინე – დაეკარგა, ეძებს, ხედავს და ვერ ცნობს. აქაურობის მიღმა ეძებს, ადამიანებს მიღმა დაეკარგა. თავისი



ქალობაც იქ დატოვა, აქაურობის მიღმა.

იმედი კი აქა აქვს – ირგვლივ, ქალაქში, დედამიწაზე.

### უბირი

უნივერსიტეტის უბირზე, სულ ცოტა, მაშინ უნდა წერდე, კბილის ტკივილისგან ყბა რომ აგხდება და მაგისტრის მოიცული. ჯანმრთელად მყოფს ფილოსოფოსობა გერევა – ჯობია თუ არა უქონლობა ქონებას, ყველაფრით მოყირჭებას – სიმშვიდე და ა. შ. ალბათ ჯობია, თუ ნებაყოფლობითია და ზეაღმავალი. მაგრამ ეგ ყველაფერი თეორიებია. რეალურად კი თბილისის ივანე ჯავახიშვილის სახელობის უნივერსიტეტის პირველი კორპუსის ეზო-ბაღში ადამიანი ცხოვრობს. ყველაფრით არაადამიანი. სიბინძურისგან შავი. ზამთარ-ზაფხულ შიშველი და ფეხშიშველი – პირუტყვი, იმდენად რამდენადაც, აგერ მეოთხე წელიწადია ყოველდღე ვნახულობ და მისი ხმა არ გამიგია, მისი გამოლაპარაკება არ მინახავს. ეგების მუნჯიც არის. ვერა-ვაკის პუბლიკა არ ერჩის; არ სცემენ, არ დასცინიან, თვალსაც კი არ აყოლებენ – არ იმჩნევენ. ამის მადლობელიც უნდა ვიყოთ. არცთუ წარსულში და არცთუ შორს, ეგეთებს დასცინოდნენ და სცემდნენ კიდევაც. ჩვენსას, უნივერსიტეტელს არამცთუ – აჭმევენ სამონყალოდ მონარჩენს. ძილით მიწაზე ძინავს, ბაღის ნემომპალაში ფოთლებნაფარებულს. ყოველ ჯერზე მნოლიარეს რომ ხედავ, ერთი ფიქრი გაქვს – ცოცხალია თუ არა. მის ფიქრზე, განცდაზე ლაპარაკიც არ არის. ცოცხალი თუა, თუ სუნთქავს? მერე კი გზა ერთი გვაქვს.



### ეჭვი

პატრონთან მოსეირნე ძალღი ყოველთვის ნალოლიავებია. მარტო მოძუგძუგეს უჭირს. ამ ორის შემხედვარეს კი შფოთი გიტანს. კაცი ჩამოძინძილი, მხარზე ტომრით, მორბენალ თვალებს აქეთ-იქით აცეცებს და ციებ-ციხელებიანი მზერით ფეხებქვეშ სულ რაღაცას ეძებს. წელზე ჯაჭვით გამობმული ძალღი უსიცოცხლო მორჩილებით უკან მიჰყვება.

ეჭვი არ გეშვება და... ქვესკნელურად გინათდება – ამ კაცს შია! ქრონიკულად შია. ძალღი კი მოსიარულე ლუკმაა! შიშისგან გბურძგლავს. ასეთი ელდა მადღარს თუ გეცა – მშიერს რა მოუვა!?

რა საცოდაობაა ჩვენს თავს!

### ბუდა

კიროვის პარკის ჩასავლელი კიბის თავში ხშირად ნახავთ სახლის კედელს ზურგით მიყუდებულ მჯდომარე ქალს. დაუთვლელი ძონძი აცვია, ერთი მეორეზე ჩამოჩაჩული. დაუბანელი, დაუვარცხნელი,



წვერმოშვებული, სახლის კედელს მიბჯენილი, უკიდურესობას მიბჯენილს ჰგავს. ნერვი არ უტოკავს. თვალი არ უთრთის. ამოებებს აცდენილი მისხალს არ გიტოვებს სიბრალულისთვის. პატივნარევი ზიზლით უვლი გვერდს და ცდილობ დაივიწყო.

ერთი არ გასვენებს – ასე არააქმყოფს, ასე განდგომილს, რა აქვს, რა უდევს ირგვლივ შემოლაგებულ ტომრებში, ჩანთებში, პარკებში?

თუ სატირალი ერთიანად გამოიტირა, თუ ზეარსს ნაზიარევი სიმშვიდეს ენია, რას ვერ შეეღია მისი ხელი, ასე მფლობელურად ნივთჩაკიდებული? რა უწყვია, რა სიმდიდრე, რას დაატარებს თან – უცილობელია რამე, თუ მასაც „რაიმე აქვს სახსოვარი“?

თუ სხვაზე უფრო ძნელად ეგ ძაფი წყდება, და ამა ქვეყნის ფუჭი ტვირთია?!

### პიანისტი

ადრე სახლიც ჰქონდა, კარიც და თეთრი როიალიც.

დღეს ძაღლების თავშესაფარი აქვს და სადაც დაულამდება, იქ სძინავს.

ადრე დედაქალაქების დედაქალაქში სუმთლად მანქანათმშენებელთა სწავლობდა. ბაშმეტთან და მისნაირებთან მეგობრობდა (უცხოეთი საით იყო, რო არც ვიცოდით), გასტროლები და სტუდიური ჩანანერები.

დღეს იგივე ტიტულები და ლაურეატობა (ძალიანაც რომ გინდოდეს, ვერ წაართმევ). და იგივე უპატრონო ძაღლები, იგივე თავშესაფარი. კიდევაც რო დაურბევიათ და წაურთმევიათ.

ადრე – აპლოდისმენტები, სცენა და თაიგულები.

დღეს – ბეჭდიანი დიპლომები, გაყვითლებული რეცენზიების მოგონებები და გულში ჩაკრული ფეხმოტეხილი ძუკნა.

ადრე – მოფრანგულე საზოგადოების პატივისცემა და მფარველობა.

დღეს – ბეიკერის ორმოს აცდენილი თავისი სამფარველო უჯიშოები და უპატრონოები. იგივე ფრანგული – „მას გეცილების ვერავინ“.

ადრე – პატიჟი და ცერემონიები.

დღეს თავს არიდებენ, ვარდისფერ ტყავის „ტროიკას“ ამადლიან. ნესტიან სარდაფიდან აგდებენ. მარტო ლეკვებს უხარიათ მისი მოსვლა და დანახვა.

ადრე პიანისტი.

დღეს გიჟი.

კიდევაც თუ ეგრეა. — დიდებული უკიდურესობებია!

მაგრამ თუ მამა ფლორენსკის და ჯაკომეტის სიტყვებს შეაჯერებ, ნუთუ ყველაფერი სიტყვებია, სიტყვები და მხოლოდ ლიტონსიტყვაობა?!

«Чего ты хочешь, о какой успешности думаешь, стать славной пианисткой? На это я никогда не рассчитывал и пожалуй, не хотел бы для

тебя. Эстрада – мучительное дело, требующее больших жертв, мало дающее внутреннему человеку, разлучающее с самой музыкой и переносящее интерес из музыки в самолюбие и угодничество публике. Не подменяй чистого безкорыстного любования красотой суетливой погоней за славой, кроме горя ничего не дающей. Не задавайся слишком большим».

**Павел Флоренский.** Из письма к дочери Ольге (январь 1936 г., Соловки).

„აღმოდებული სახლიდან, არჩევანი რომ მქონდეს – კატა გადავარჩინო თუ ლეონარდოს ტილო, კატას გადავარჩინდი“ (ალბერტო ჯაკომეტი).

**P. S.** ამის წაკითხვისას, მეგობარმა მკითხა:

– ეგ როგორ დაემართა, იცი?

– ?

– მოსკოვში, ორკესტრთან უნდა დაეკრა, რეპეტიციაზე აგვიანდებოდა და (იღბლად?) გზად ძაღლს გადაეყარა. ძაღლს ცხვირს ირგვლივ ეკლიანი მავთული ჰქონდა შემოჭერილი...

ამან, გზად მიმავალს, ცხოვრების გზაც შეუცვალა.



### „Coin“-ი

ტაძარს ავტობუსები მოადგა. უცხოელმა ტურისტებმა დერეფნად მსხდარ მათხოვრებს შუაში ჩაუარეს. აქა-იქ სხვა და სხვა ხმაზე ხურდა ფული ანკრიალდა. ყველამ მალული ანგარიშით ფული ჯიბეში გადაანაცვლა. უცებ კაცის სიცილი გაისმა. ორივე ფეხით უფეხო, ხის დაბალ ხელნაკეთ ურიკაზე სალდათის ბალთებიანი ქამრებით მიბმული იჯდა, და გულღვიძლიდან ამოსული, ბავშვური სიცილით იცინოდა. ხელში ხურდა-„კონინი“ ეკავა. თვალს არ აცილებდა, თვალებს არ უჯერებდა.

– ჩემი მეგობარი ლოგინზეა მიჯაჭვული, – სიხარული ვერ დამალა და უმისამართოდ წამოიძახა, – ვერ დგება, ვერ გამოდის. ადრე ერთად ვისხედით. გაუხარდებოდა, თქვენ არ იცით, რას გაიხარებს, ამას რომ მივუტან. ნუმზმატია, ბევრი დაუგროვდა, ეს კი მადაგასკარი-საა. ეგეთი არა აქვს. რო იცოდეთ, რას გაიხარებს!

მისნაირი ბედნიერი ადამიანი ქვეყანაზე იმ წუთში არ იქნებოდა.

დასასრული შემდეგ ნომერში

## დებიუტი

თამარ თოლორაია

## კაპელა



ამ დილას, არც მეტი არც ნაკლები, სიმყრალის სუნმა გამომაღვიდა. არც მიფიქრია, გამომერკვია, ვისი არომატი სჭარბობდა. მართლა ჩემი სუნი იყო, მარტო ჩემი.

წუხანდელი საღამო სხვებისგან გამოირჩეოდა... ვისწავლე, როდის ვიგრძნო თავი შეურაცხყოფილად. საკუთარი თავის გამკვირვებია, რა მათრებდა. ისე გულით ავქვითინდი, შეწუხდა კაცი და ბოდიშის მოხდა დაიწყო. ამას ეტიკეტის გამო არ აკეთებდა, მგონი მართლა შევეცოდე, ოღონდ სიბრაზეს მისთვის არ გადაუვლია. ვიგრძენი თავის მართლებას აზრი არ ჰქონდა და საუბარი იმ წყვილზე გადავიტანე, რომელსაც შვიდი წლის წინ ვიცნობდი. აღზნებული ვუყვებოდი ქმარზე, ვისაც არ სჯეროდა, რომ ლელვის ხეზე საყვარელიც შეიძლება მაჩვივით გავიდეს, ცოლს კი მხოლოდ ერთი რამ აკვიატებოდა – ოჯახის არც ერთ წევრს დაუბანელი თავი კედლისთვის არ მიეყრდნო. კაცი მისმენდა და ისე დაიბნა, „გენიოსი ხარო“ აღმოხდა. ოღონდაც ეს სიტყვა არ ეთქვა, თქვენ ხომ არ იცით, როგორ მომინდა გენიოსობა. მას აქეთ სახის გამომეტყველებაც შემეცვალა.

როცა კიბეზე დავეშვით და განათებულ შესასვლელში თვალი შემავლო, მკითხა: „შენ რა, აქტის მერეც ინტელიგენტი ხარ?“. ვთხოვე, მალე მივეყვანე სახლში, დღეს ექიმთან მივდივარ და არ მინდოდა რაიმე ნაკვალევი დამტყობოდა. ისე, ექიმიც მეთომარება, თუმცა მამაშვილურად კი მთხოვა, ათი დღე მოითმინეო. წუხელ კი მხოლოდ მეოთხე იყო.

ყველაზე მეტად თავზე მუშაობს ექიმი. ასე თვლის საჭიროდ და მეც არ ვუძალიანდები. ოჰ, ეს ბლოკირებული ტვინი! ნეტა რა შეიცვლება? გეტყვით: განკურნების შემდეგ იმ კაცს დავუნყებ ძაგებას, ვის მიმართაც მაღლიერების გრძნობა აქამდე შემრჩენია. სამი წლის ასაკში გადამარჩინა. მას შემდეგ ვოცნებობ, შევქმნა კაპელა და არაფერი გამომდის. პირველი ხმა მალე გამექცა. აღარც შემცვლელმა ივარგა და ზრდილობიანად დავემშვიდობე. ახლახან გავიგე, ორივე თავ-თავის დუეტში მღერის. ძნელია პირველი ხმის აღება, მითუმეტეს გარდატეხის ასაკში. ერთი იყო კიდეც, სოლო მინდოდა მიმეცა. მან თავიდანვე მიიქცია ჩემი ყურადღება. ზუსტად ვერ გეტყვით, სამიდან რომელ ხმას უკეთ გაქაჩავდა, მაღალი დიაპაზონისა იყო, მაგრამ რად გინდა, სცენაზე გამოსვლისას თხუნელასავით დაფრთხა და კვლავ თავის სოროში შერგო თავი. ვინც შემომრჩა, აგერ არიან: მაღალი უცხოელია, საშინელი კილო აქვს. სულ მინდა ვუთხრა, შეეშვას ჩვენებურად ლაპარაკს და თავის ენაზე ისაუბროს, ალბათ ვეტყვი კიდეც. დაბალი კი ისე ქანაობს, იქნებ ცალი ფეხი ორმოში ჩავადგმევიწინო და გავაჩერო. კარგი ვინმე ვარ! მაინც სად შევკრიბე ეს ხმები, მაგრამ ისე მინდოდა დირიჟორობა, გამალებით დავინწყე ძებნა. როცა ვეძებდი, სულ ის ღილი მახსენდებოდა, პიჟამოზე რომ ამძვრა. მაშინ ვერ ვიხრებოდი, ენაც არ მემორჩილე-




ბოდა და დედაჩემს თვალებით ვანიშნე, ეგერ, კუთხეში აგდია-მეთქი. დედა იატაკზე იჯდა და დაპნეულ ვერცხლისწყალს ნემსის ნვერით აგროვებდა. ვერ მიმიხვდა რა მინდოდა და ასე დავეკარგე ღილი. დიდხანს ვინანე. იმ კაცს ვაჩუქებდი, ბავშვობაში უნამლოდ რომ მიმკურნალა. მაგას რა ვუთხარი, დირიჟორობაც ხომ მისთვის გამოვიგონე, მეჩვენებინა რა მარჯვედ ვიქნევ ხელებს.

მე თავიდან ვისწავლე ლაპარაკი, მაგრამ სახელს მაინც არავის ვეუბნები და მიორჩევნია ხელით შემოვხაზო. მკლავების სიშიშვლის უკვე აღარ მრცხვენია, ბანჯგვლები თავისით გამცვივდა. ადრე ზღარბს ვგავდი, ძილშიაც კი ვხედავდი, როგორ იზრდებოდა თითოეული ღერი. სულ მალე ფუნქციური რღვევის პროცესიც შეწყდება და როგორც ექიმი მინინასწარმეტყველებს, მაგარი ქალი დავდგები. მანამდე თავს მოვისაწყლებ და საეპილაციო ნემსებს დავჯერდები. ჩხვლეტა არც ისე მწარეა. მე კი მაქვს დაგვიანებული რეაქცია, მაგრამ რაც მაშინ გადამხდა, ამას ვერაფერს დაარქმევ. ქათქათა წინსაფარზე თეთრი კამელია უნდა დავგებნია. დედამ სიჩქარისგან ქინძისთავი ჩამასო და სისხლმა გულისპირზე წითელი კამელია ამოხატა. ხელგაშლილი გავრბოდი, ქუჩაში ბიჭებმა გამომაჯავრეს, წუთინუთზე მივასწარი და ბანი მივეცი. კიდევ რომ მეცადა, ჩაბნელებულ დარბაზში ვერ ვიპოვიდი. ჩემთვის უკვე აღარაფერს ნიშნავდა მისი გაბუტვა და „არ წამოვალ“. და უცებ გამნათებლის ოთახიდან, დარბაზის ბოლოს, ჩემს სიმღერაზე დამალობანას ცეკვავდა ვილაცის თავი. სათამაშოდ მიწვევდა და მეც თავი ჩავკიდე და რა ვნახე – უზარმაზარი, ტალახში ამოსვრილი შავი ბოტები, ორი ერთად, ანუ წყვილი. წუთუ ჩემს ფეხებს აცვია-მეთქი და ავაჭრაჭუნე, მაგრამ ხმაურის გარდა არაფერი მიგრძვნია, არც ის მიგრძვნია, როგორ ჩამოვიქაჩე თმა და არც ამ ამბის გახსენებით შევიწუხებდი თავს, გუნდის თეთრხალათიან ხელმძღვანელს ფრჩხილებით ზურგი რომ არ ჩამოეკანრა და აღშფოთებულს არ დაეყვირა: „რას ჰგავს გოგონა ეს! ამ ასაკში სრულ იმპოტენციასთან გვაქვს საქმე“.

კი მაგრამ, შენ ვინ მოგცა უფლება, დამისვა დიაგნოზი ან მითხრა დედას ჰგავხარ, მამისა გაქვს მხოლოდ იერიო. შენ, რომელსაც ვერ გაგირკვევია, ჩემს დანახვაზე ხელში რეზინის ჩაქურჩი დაიკავო თუ...

მე ახალი საქმე მაქვს წამოწყებული, ტყუილად კი არ ვცდები. გგონია, არ ვიცი, რომ ცხოვრება მგლური კანონებით ბრძოლაა?! მაგარი ბიზნესი მაქვს: ყოველ ღამე ვჯდები მატარებელში და ქალაქში მივდივარ. ძველად მუქთად ვარიგებდი ჩემს ცხოვრებას. ისე მალე შემომმელია წლები, ახლა სულ თვეებად და დღეებად ვყიდი. მერე ამ ფულით დედობის უფლებას ვყიდულობ, ვბრუნდები შვილთან და ლექსებს ვუკითხავ. რომ მოსალამოვდება, ისევ ვემზადები გასამგზავრებლად და სადგურში გავრბივარ. ჩემი შვილი დგას ჭიშკართან და ფარანივით ანთია. ახლაც დათვლილი მაქვს საათები და დროზე შეჭამე კარაქიანი პური, ჩაიც დააყოლე, ჭიქა და თეფში უნდა წავილო. ყველი ვერ გავიმეტე, მაგრამ რაც მოგიტანე, ამაშიც სამაგიეროს ვითხოვ – მაგალითად შენი სახლი და ეს უთოც, თუკი მუშაობს. საღამოს რძე იქნება. ფუ, რა მძიმე ჰაერია შენთან, ვერ ვჩერდები...

- გამარჯობა, თოლიგე.
- ნუ მეძახი თოლიგეს, მე შენი ცოლი არა ვარ!





– როგორ არა, ბავშვობიდან ჩემი ხარ, ჯერ გამოგზარდე, მერე გიყურე და გიყურე...

– რამდენს ლაპარაკობ!

– სიგიჟე მალე გაივლის, ნუ გეშინია.

– არ მეშინია, ხელი რომ მთხოვე, ძალიანაც მესიამოვნა, მაგრამ ხალხი რას იტყოდა და პასუხი დავაგვიანე.

– რატომ არ მახსოვს შენი პასუხი?

– როგორ არა, მაშინ ყველანი ნაგავსაყრელებზე ვმუშაობდით. გახსოვს, დამცავ კედელს ვაშენებდით, მდინარეს მყარი ნარჩენები ზღვაში რომ არ ჩაეტანა, მაგრამ ღორებს ვერაფერი მოვუხერხებთ და ორივენი ბავშვებად ვიქცით.

– ეს როგორ, თოლიგე, მე შენზე ბევრად უფროსი ვარ...

– კი, ასე იყო, ბავშვებად ვიქცით და სულ კეტებით განვდევენეთ ის ღორები. მერე კამათი დავინწყეთ, რა მოგვეშენებინა ამხელა ტერიტორიაზე. შენ ხოხობი არჩიე, მე კი მორცხვად გთხოვდი: მოდი, გვრიტები დავასახლოთ და ჩვენც ვიცხოვრებთ, „ვითარცა ორი გვრიტი“.

– ახლა გვიანია?

– გვიანია არა, მაგრამ უსასყიდლოდ არ შემიძლია. სახლს კარგად ვალაგებ. მე შენი დამლაგებელი ვიქნები, შენ ჩემს ნაწერებს გაასწორებ...

– ეგ როგორ მოვახერხოთ?

– ჩვეულებრივ, ეს ხომ ნათურის ჩამოკიდებაზე ადვილია. ერთმანეთს ბაგეებით შევებებით და როგორც ხელოვნური სუნთქვის დროს ხდება, ჰაერს ჩავბერავთ, ჯერ მე, მერე – შენ.

– მხოლოდ დღეს არა! ამ დილას მამაჩემმა ეზოში მწვანე ხახვი დამიკრიფა და ვყარვარ.

– მამაშენმა? შენს ეზოში? რა უნდა აქ მწვანე ხახვს, ეზო შხამიანი სოკოებითაა მოფენილი. მერე მამაშენი ისეა გადაღლებული, რამეს დაგიკრეფდა კი არა, ერთი სული აქვს, საკაციტ როდის გაგიტანენ. ასეც რომ იყოს, თავს რას მამბრალე, ვერ ხედავ რამდენი წინაკა მაქვს ნაჭამი?! ყოველ დილას, უზმოზე, ნივრით გაზავებულ წყალს ვსვამ...

– ვერ ჩავბერავ, ცალი ფილტვი ჩაკირული მაქვს!

– მაშინ სული შევუბეროთ ერთმანეთს...

– კარგი.

– ეს რა უსტვენს?

– ბრონქები.

– წამოდით ახლა ორივენი და ჩადექით მესამე მწკრივში, ანდა სადაც გენებოთ, ადგილები არაა მისაკუთრებული! რას მიყურებთ, დირიჟორად კი არ ვარ, მეც თქვენსავით ვუბერავდი ცეცხლზე შემოდგმულ რძეს და მოვხვდი აქ, ამ კაპელაში! კაპელა ვაჟთაა, მაგრამ უამრავი გამონაკლისია, ამიტომ ნურც დასახელებას მიაქცევთ ყურადღებას, ნურც ტექსტის მნიშვნელობას, რადგან მაინც მაყურებელი იმღერებს უხმოდ. წინა რიგს ანგინა აქვს და ყველამ თეთრი ნაჭრით შეიხვიეთ ყელი... კიდევ ტაში დაუკარით ისე, დაინგრეს დარბაზი, ოღონდ ხელისგულები ოდნავადაც არ შეახოთ ერთმანეთს. აბა, თქვენ იცით...

ესეისტიკა. დოკუმენტური პროზა

ზურაბ ცხონდია

რაც უნდა ღუმილით მეთქვა

მთავარია, რის ჩადენას მოასწრებ



ჩემი სტუდენტობის დროს ხშირად შემინიშნავს რუსთაველის გამზირზე მოსეირნე ახალგაზრდების ჯგუფი, რომელთა შორის თავისი აზონებებით და თავზე დაყრილი ხვეული თმებით ყურადღებას იპყრობდა ერთი იმათგანი. ეს გახლდათ გურამ დოჩანაშვილი. რას ვიფიქრებდი, რომ ეს მხარბეჭიანი გოლიათი სულ რამდენიმე წელიწადში შექმნიდა ლამაზ-ქალაქის ზღაპრულ სამყაროს, სადაც ადამიანებს უცნაური ხე – სიყვარულის კაქტუსი უყვოდათ მკერდში და მიუხედავად ჟამი-ჟამ სამშვინველიდან უნებურად დასწლეთილი სიავისა, შეეძლოთ ერთმანეთის ჭირისა და ლხინის გაზიარება და ერთმანეთისთვის თავის გადაღება.

დოჩანაშვილის გმირები არ არიან უცოდველი კრავები. ყოველ მათგანს, რომ იტყვიან, საკუთარი ცოდვების უცნაური ქიმერა აზის ზურგზე, მაგრამ მასთან შებრძოლების უნიცი მოსდგამთ და ასეთ დროს მომეტებულად ლამაზი და უცნაურები ჩანან.

„სამოსელი პირველი“ დიდი წიგნია. რას არ იპოვით აქ – ცნობიერების ნაკადს, საოცრად კონცეფტუალურ ალეგორიებს, წარმოსახვით პლანებს, გამაოგნებელ ალუზიებს, ბოლომდე გამოუთქმელის, „ნონ ფინიტოს“ ილუმალებას, ჩაკეტილი წრის გარღვევის ესთეტიკას. და ყოველივე ეს ერთი ამოსუნთქვით გაკითხებს რომანს.

წმინდა სახარებისეულია თუნდაც ეს მოკლე პასაჟი: „დომენიკო, ძალიან დიდი განსხვავება არა აქვს იმას, ადრე მოკვდები თუ შედარებით გვიან. მთავარია, როგორ მოკვდები და რის ჩადენას მოასწრებ“.

რომანში არის ასეთი ეპიზოდი: ქალი დაქვრივდა და ექვსი წლის ბიჭი დარჩა. ქალი მრეცხავად იწყებს მუშაობას. გადის დრო და მის ცხოვრებაში შემოდის მეგობარი მამაკაცი, ვისაც გულით მიენდობა. მაგრამ ყველაფერი ავად შეტრიალდება. იგი ნამდვილი არაკაცი აღმოჩნდება, რომელიც სიცოცხლეს უშხამავს ქალს. ბიჭი წამოიზრდება. დედა ყველაფერს იტანს მის გამო.

და აი, ერთ დღეს ბიჭი შეესწრება საშინელ სურათს: კაცს იატაკზე წაუქცევია დედამისი და ზედ წინლებით შემდგარა. წონასწორობიდან გამოსული ბიჭი ნაჯახით კლავს მოძალადეს.

შუალამისას დედა და შვილი სასწრაფოდ გაეცლებიან ქალაქს. ფეხმძიმე ქალი იმ კაცისგან მეორე ბიჭს შობს. გადის წლები. ეს ბიჭიც წამოიზრდება. უფროსი ძმა კი კომარულ სიზმარს ხედავს: თავგასისხლიანებული მამინაცვალი დანით ხელში მოსაკლავად დასდევს გერს. ასე გაგრძელდა მთელი თვე. ბიჭი თავის ბოლმას პატარა ნახევარძმაზე იყრის და ყოველ დღით თავზე წამოუთაქებს. ისიც ამაზე ღრიალს ტეხს ხოლმე. და აი, ერთხელაც მოხდება სასწაული. მკვლელს დაესიზმრება ღიმილიანი მამინაცვალი, რომელიც მორიგებას სთავაზობს გერს. ასე გაგრძელდება რამდენიმეჯერ. სიზმრებმა გარდატეხა მოახდინა

ზვიანა ნემსაძის ფოტო



ბიჭის ფსიქიკაზე. ერთხელ, როდესაც ძმები კარებში შეეჩხენენ ერთმანეთს, პატარამ გარტყმის მოლოდინში უნდოდ შეანათა თვალები, მაგრამ უფრომა ძმამ გაუღიმა. ერთხანს შორიდან აკვირდებოდნენ ერთმანეთს გატრუნულნი და თითქოს გრძნობდნენ, როგორ ამოდიოდა მათ მკერდში უცნაური, მჩხვლეტავი მცენარე – სიყვარულის კაქტუსი.

მხოლოდ დიდ მწერალს ხელეწიფება ადამიანის სულში მოვლემარე ურთ-იერთმიტევეების რესურსების ამდაგვარი გამაოგნებელი მხატვრული დამაჯერებლობით წარმოჩენა.

საფლავიდან მიუტევა კაცმა მკვლელს დანაშაული.

### მწვერვალთან მოგებულნი იყავით

სიყვარულისა არ იყოს, ალბინიზმს, როგორც ჩანს, ყველა ასაკი ერთნაირად მორჩილებს. ბევრს აოცებს მთისადმი ასეთი ფანატიკური სიყვარული, ძნელად დასაოკებელი აზარტი. ერთი რამ ცხადია: განცვიფრებას ის ერთობ არაორ-დინარული, „სხვანაირი“ ადამიანები იწვევენ, რომელნიც განგების მიერ რი-გით მოკვდავთათვის დაწესებული ჩარჩოების გარღვევას და ცადატყორცილი მწვერვალების მისტიკური იდუმალების წვდომას ესწრაფვიან.

... ისინი ხუთნი იყვნენ. უშბის ყინულოვანი ქიმიდან ასხლეტილმა მზის სხივამაც ვერ დააფრთხო სიკვდილის ავბელითი აჩრდილი, ერთ თოკში ჩაბმულ ხუთ მეგობარს რომ ჩასაფრებოდა. ასეთ დროს ძნელია იმის გარკვევა, ვის უფრო ეკუთვნის: ცას თუ ღედამიწას. ერთბაშად შემთხვევითობის ბინადარი ხდებ-ბი. ყოველივეს ფატალური სამკუთხედი განაგებს: შენ, თვალშეუდგამი მწვერ-ვალები და ბედისწერა. მთამსვლელის თოკმა თითქოს ადასრულა თავისი მისია. მწვერვალთან მოგებულნი ორთაბრძოლის ექსტაზს აზიარა ხუთი შეფიცული.

ხუთიდან ორი დაბრუნდა. მათი ხსოვნის ობელისკად ამიერიდან უშბა იბრწყინებს. ამ ტრაგიკული შემთხვევის ვიზუალური განცდა კი მომავალ თაობებს ტელეკამერებმა შემოუნახეს. მარტო **მიხეილ ხერგიანის** დის გულისშემძვრელი შეკვივება რად ღირს, როდესაც მთამსვლელთა ტრაგიკული აღსასრული ამცნეს. ამ წუთებმა ლეგენდარული ძმის სუ-ალტოში დაღუპვის ტკივილი განუახლა და გულ-ღვიძლში ელდასავით გაუარა.

### კლიმრ არს, ვითარცა სიკვდილი...

ჭეშმარიტი სიყვარული, როგორც ჩანს, მხოლოდ ერთხელ მოდის. სხვა შემთხვევაში ქალიც და მამაკაციც რაღაც ერთფეროვან, მოსაწყენ ფარსს თამაშობენ, ქვიშაზე დარჩენილ ნაფეხურებს რომ წააგავს.

**კუპრინის** „ზღვის ავადმყოფობაში“ ჭეშმარიტ სიხარულს ვერნაზიარები ქალი ეუბნება ქმარს: რას ჩაიდენდი, რომ მოვიდე და გითხრა: ჩემო საყვარელო, მავან მიზეზთა გამო გილაღატე. და მოყვება შემთხვევას, თუ როგორ დაადგა ქმარს რქები გემის კაპიტნის თანაშემწესთან და განიცადა ენითუთქმელი ნეტარება.

„ეს ჩემთვის არაფერს ნიშნავს. მე ხომ ძველებურად გიყვარვარ? – კითხვას შეუბრუნებს ქმარი, – უბრალოდ, ის მტანჯავს, რომ სიამოვნება მიიღე არა ჩემგან, არამედ ვიღაც მაწანწალასაგან“.

ქალი სახლიდან მიდის. გამოსამშვიდობებელ ბარათში კი რჩება ჩანაწერი: „შენ ერთადერთი ხარ, ვინც მიყვარდა, მაგრამ ყოფილხარ სხვებივით ეჭვიანი, მესაკუთრე სიყვარულში, დამამცირებლად უნდობი“. ჩანს, ქმრისთვის არ იყო ეს ქალი ის ერთადერთი ტოპოსი, ვისთანაც შეეძლო ერთსულ და ერთხორც ქცევის საკრალური აქტი განეხორციელებინა.

ყველას გვახსოვს მარგარიტა გოტიე, ეროსის წინ მუდმივ მოკეკლუცე-ქალი, რომელშიც გადარჩენილია ღვთიური სული, თავისი ერთადერთი მამაკაცის, არმანის სპეტაკ სიყვარულამდე რომ აღამაღლებს და მისსავე ცრემლებში ჩაფერფლავს.

ბრწყინვალე ამერიკული ფილმის, „ლამაზმანის“ დავიწყებაც გვიძნელდება. როგორ იღვიძებს თითქოს ჩვეულებრივ მეძავეში არაჩვეულებრივად დიდსულოვანი ქალი, რომელიც შემთხვევით გაცნობილ მამაკაცს წრფელი სიყვარულით აბედნიერებს. ან როგორ არ გაგვახსენდეს ორმოც წელს გადაცილებული სოლომონ ბრძენის სიტყვები თავისი ერთადერთი სიყვარულის, უმანკო სულამითის სიკვდილის წინ: „ძლიერ არს, ვითარცა სიკვდილი, სიყვარული“.

იქნებ ჩვენი დავით დადიანის სახელოვანი სიმამრიც არ ტყუის: „მე ერთმან, ერთგზის, ერთს ვუძღვენ თავი...“



**ახლა თანასწორები ვართ**

**რევაზ ინანიშვილის** ნოველაში „ფრთხებიან ყვავები დამბახის ხმაზე?“ ბრწყინვალე გვარის წარმომადგენელი, დედით დადიანი, ლეიბგვარდიის პოლკოვნიკი **ალექსანდრე ვიტგენშტიინი** მატარებლით მეზავრობისას ქალთან გამორჩენილი უტაქტობის გამო ღუელში იწვევს ამავე ქალის თანმხლებ გენერალს და... შეაკვდება კიდევ. სულთმობრძავე კი **ნიკოლოზ მეორეს** სწერს ახლობლურ ბარათს, რომ ყველაფერი წესების დაცვით მოხდა და გენერალი არ დაისაჯოს.

ამდაგვარი რაინდული საქციელის ფონზე, შესაძლოა ნაკლებად სარწმუნო ჩანდეს ფილოსოფოსის ერთი სექპტიკური გამონათქვამი: „რაინდული ღირსება ამპარტავნობამ წარმოშვაო“. აქ თავისთავად გახსენდება მაცხოვრის სიტყვები, „თქვენ მე შემაქციეთ ზურგი, როცა მათხოვრისათვის არ გაიღეთ მოწყალება, როცა თავშესაფარი არ მიეცით უსახლკაროს. ის ხომ მე ვიყავი, თქვენ რომ ვერ შეიცანით.“

მოგვიტყვეოს მკითხველმა, თუ ამ პრობლემის ჩვენეული ხედვის წარმოჩენას **ბოდლერის** ერთი საოცარი მოთხრობის კონტექსტში შევეცდებით: კაცი შეხვდება მათხოვარს და სილას გააწნავს, რადგან თავისი წამქეზებელი კეთილი დემონი უჩურჩულებს ყურში: „თანასწორად მხოლოდ იგი უნდა ჩათვალოს, ვინც ამას დაგიმტკიცებს. თავისუფლების ღირსიც ის არის, ვინც ბრძოლით მოიპოვებს მას“. მაგრამ ხდება მოულოდნელი რამ: მათხოვარიც შეუბრუნებს ხელს და მაგრადაც მიბეგვავს. ბოლოს კაცი ეუბნება: „აი, ჩვენ ახლა თანასწორები ვართ. თუკი ვინმემ მოგთხოვა მოწყალება, ჩემსავით მოიქეცი: გაუღვიძე გლახაკს სიამაყე და დაუბრუნე სიცოცხლეს ლაჩრად ქცეული კაცი“.

ადამიანურად მისაღები ორნაირი გაგებაა. კამათს არავისთან ვაპირებ.

ფიქრობ, დედით ქართველი ვიტგენშტიინი წუთითაც არ სცილდება თავის ქმედებაში ქრისტიანულ მორალს. პირიქით, საკუთარი სიცოცხლის ფასად, ადამიანური ღირსების არცერთ სიტუაციაში არდათმობის შეგნებას უღვიძებს თავგასულ გენერალს.





### მაიაკოვსკის იუმორის კალა

**ვარლამ შალამოვი** თავის „ახალ წიგნში“ გასული საუკუნის ოციანი წლების მოსკოვს აცოცხლებს – პოლიტიკური რეპრესიების, ლიტერატურული ციებ-ციხეებით ამღვრეულ ბოლშევიკურ ქალაქს. სადისკუსიო კლუბები ვეღარ აუდიან ათასი ჯურის სამწერლობო თუ სახელოვნებო კორპორაციების მიერ ორგანიზებულ შეხვედრებს. „რაპელები“, „სერაპიონის ძმები“, „ლექციები“ ხმისჩახლეჩამდე აშანტაჟებენ ერთმანეთს. ყოველ მათგანს თავაწყვეტილ ვნებათაღელვაში საკუთარი სიმართლის გატანა სურს. თანაც ნებისმიერი, დასამშვენები თუ უკადრებელი ფორმით...

ამ ქაოსში განსაკუთრებული ისტერიით მანც ე. წ. „ციხევერპერანგაიანების“ დაჯგუფება გამოირჩევა. აგიტბრიგადების ხმოვანი ჟურნალ-გაზეთებით, მხატვრული თვითშემოქმედებით, სკეტჩებით, ორატორიებით წარამარა „იბომბება“ ნაირგვარი თავყრილობები.

„ლექსი თუ ბლეფი“? რადიკალი ოპონენტების ამდაგვარ პაროდის მაიაკოვსკი და მისი თანამოაზრენი არანაკლები აგრესიულობით იგერიებენ.

„მოსკოვის სახელმწიფო უნივერსიტეტის კლუბში გამართულ მორიგ დისპუტზე **მაიაკოვსკი** და **შკლოვსკი** ადრე გამოცხადდნენ, – იგონებს შალამოვი, – გამომწვევი თავდაჯერებულობით გაიარ-გამოიარეს მაყურებელთა თვალწინ. უეცრად ავანსცენისკენ გოლიათური ნაბიჯებით გამოემართა მაიაკოვსკი. და ჯერაც ნახევრად ცარიელი დარბაზის წინ ხმამაღლა იყვირა. ყველა გაისუსა.

– მაშ, დავიწყოთ, არა?!

– დავიწყოთ, დავიწყოთ.

– როგორ უნდა დავიწყოთ. ჩვენ, „ლექსის“ წარმომადგენლები გამოცხადდით, აი „ბლეფიდან“ კი რატომღაც არავინ ჩანს.

დარბაზს გამაყრუებელმა ხარხარმა და ოვაციის ტალღამ გადაუარა“.

ამ ფრაგმენტმა ჩვენი პარლამენტის ზოგიერთი პლენარული სხდომა და ერთობ პოპულარული სატელევიზიო თოქ-შოუები გამახსენა. ნამდვილი, შედეგის მომტანი, კონსტრუქციული პოლიტიკური დებატების მოლოდინში ეკრანს მიჯაჭვულნი ხშირად პირში ჩალაგამოვლებულები ვრჩებით. ხან პოზიციის წარმომადგენლები აარიდებენ თავს გადაცემას, ხანაც ოპოზიციისა. იმათგან, ვისაც სახელმწიფო პოლიტიკის კეთება დააკისრა ხალხმა, ბავშვური ბუტიაობა მართლაც რომ დამაღონებელია.

შესადლოა, რასაც ქვემოთ ვიტყვი, მავანს ბანალურად მოეჩვენოს. ქვეყანას თავისი ისტორიული თავგადასავლის ასეთ ურთულეს მოსახვევში ამდაგვარი მწვავე დაპირისპირების, ერთმანეთზე ღვარძლიანი თავდასხმების რეჟიმში მუშაობა არ ეკადრება. უბრალოდ, ასეთი ფუფუნების უფლებას ისედაც წინააღმდეგობებით გაძეგილი რეალობა არამც და არამც არ გვიტოვებს.

### მასხარას სიბრძნე

**კონსტანტინე კაპანელი** მეოცე საუკუნის მოაზროვნე ელიტაში ერთ-ერთ წარჩინებულ ინტელიგენტად მოჩანს. თავისი ნაწერებიდან იგი თავს გვამახსოვრებს, როგორც რაფინირებული ესთეტი, ვისაც ძალუძდა მშვენიერი აღმოეჩინა იქ, სადაც ჩვეულებრივი მოკვდავი მის არსებობას ვერაფრით ვერ წარმოიდგენდნენ. იგი ერთგან წერს: „ადამიანო, ვინც არ უნდა იყო, რა ადგი-



ლიც არ უნდა გეკავოს ამქვეყნად, მუდამ გახსოვდეს, რომ მარადისობის ფონზე იგივე ფასი გადევს, როგორც ცვილონის კენგურუს, ან ტასმანიის ბელურას. შეანელები შენი ზვიადობა შენი ხვედრის შეგნებით, რომ ჩვეულებრივი მოკვდავი ხარ და ამიტომაც გახსოვდეს სიკვდილი – „მემენტო მორი“.

მაგანი, ვისთვისაც შაშვის ჭკუა უბოძებია გამჩენს, თავისი უზრდელის თავხედური ეპატაჟით აყრუებს მეტად პრესტიჟულ დარბაზებს. იმას კი ვერ ხვდება, რომ რაც უფრო მოკლე ხანს დაჰყოფს ხელისუფლების მაღალ ეშელ-ონებში, მით უფრო მოიგებს საქართველო. უდავოდ ამისთანების მოძალების საფრთხეს გრძნობდა **რეზო თაბუკაშვილი**, როცა ჟურნალისტის შეკითხვას ასე პასუხობდა: „სიცოცხლის ხანგრძლივობა ალბათ არ არის ბედნიერების ერთად-ერთი სახე. ვინ იცის, იქნებ მთავარი ის კი არ იყოს, რამდენ ხანს ცხოვრობს ადამიანი, არამედ ის, თუ როგორ ცხოვრობს“.

ერთსა და იმავეს ამბობენ კაპანელი და თაბუკაშვილი.

ამ აზრმა შეუძლებელია ძველი რომის სენატი არ გაგვახსენოს, სადაც გახ-ურებული პოლიტიკური დებატებისას, ზუსტად დათქმულ დროს შემოვარდ-ბოდა მასხარა და ირონიული ღიმილით შესძახებდა დიდებულებს: „გახსოვდეთ სიკვდილი!“



**თავაფხვებითი რბოლის კვალდაკვალ**

მართალია ნელა, მაგრამ ადამიანი მითაჟამიდან მიიწვევს სრულყოფის გზაზე. ი, როგორ სურს ღვთის საოცარ ქმნილებას მეტი სიჩქარე აკრიფოს და გაბედუ-ლად გაიჭრას წინ, მაგრამ უჭირს, უმძიმს სულში მოფუთფუთე დემონებთან ბრძოლა. ამათში ყველაზე საშიშ ვნებასთან – შურისძიებასთან ხომ დღემდე ვერაფერს გახდა.

**ოთარ ჭილაძისა** არ იყოს, საკვირველია მართლაც, რა ისეთი ტალახი ჩააყ-ოლა ძე შეცლომილს უფალმა, რომ ურთიერთის მიტეკების უნაზეს ყლორტებს წამდაუწუმ შურისძიების სუსხიანი ქარების დასაზრობად იმეტებს.

შურისგების რა ქარბორბალა ტრიალებს **ვაჟა-ფშაველას** „მოკვეთილში“. ლაშარის ჯვრის რჩეული ყმა ჩონთა ცოლად ირთავს ბახას ხელდადებულ მზვეინარს. შურისძიებით დაბრმავებული ბახა პირად მტერზე ჯავრის ამო-საყრელად გამოუძღვება ფშაველთა ღუმმანთ. შინაგან წინააღმდეგობას და სულიერ განცდათა სირთულეს ტრაგიკულ შედეგამდე მიჰყავს ამბავი. ბახაც ერთ-ერთი მაგალითია იმისა, თუ სანამდე შეიძლება მიიყვანოს უსაზღვრო პა-ტიემოყვარებამ, სამაგიეროს მიზღვის ავადყოფურმა ვნებამ ადამიანი. ჩვენი მეხსიერება ბახას მწკრივში აყენებს შურისძიების აღმოდებულ იავოს, კორიო-ლანოსს, შადიმანს, ფარსმან სპარსს, სალიერს.

მასხენდება **ჩინგიზ აიტმატოვის** „საჯალათო კუნძი“. მონიქუმის შეურყე-ნელ, უკიდევანო ტრამალში ჯერარგაგონილი უბედურება ტრიალებს. არა-კაცების ბანდა, კანდალოვის თავკაცობით, ვერტმფრენებიდან ჭურვების სეტყ-ვას უშენს საიგაკების ჯოგს, რათა თავადაც ხელი მოითბონ და იმავდროულად ხორცის გადაჭარბებით დამზადების პატაკითაც აამონ ზნედაცემულ მთავრობას. სულისშემძვრელია საიგაკებისა და მგლების თავაწყვეტილი რბოლა. მგლებმა დაივიწყეს მტაცებლური ინსტინქტი და ფანტასტიკური სიჩქარით მიქრიან, რათა განადგურებას გადაურჩნენ. ამ ეპიზოდის კითხვისას შემადრწუნებლად დაგივლის ტკივილნარევი ფიქრი:



ცხოველური ბუნება უღებს ხოლმე ალღოს სახიფათო რეალობას და ჩვენ რა გვჭირს? რად ვივიწყებთ ერთუროს შენდობის ძირძველ ტრადიციას და ისტორიის უმწარეს გაკვეთილებს? სანამ გავარკვევდეთ, რა მოტივაციებით არის აღძრული ეგზალტირებული მასების წრეგადასული მღელვარება და აგრესია, ხომ ადვილი მოსალოდნელია, ქვეყნის სასიცოცხლო ამოცანები და პერსპექტივა, ჩვენი ცხოვრების არსი და მისია ავადაშლილი დაპირისპირების ალში ჩაიფერფლოს?!

### ორგზის ღედობის სიბლი

თვლი გადავავლოთ გარდასულ საუკუნეებს. როგორი უღმობელობით და ფანატიკური ძალისხმევით დაუმკვიდრებია ესა თუ ის ზნეობრივი ნორმა, ეთიკური პრინციპი. მერე გასულა ხანი, განახლების ქარებს მოჰყოლია თავდაჯერებული და ყოყონა ცენზორები და დაუწერელი თუ კანონიზირებული მორალური კოდექსი დაურღვევია. მაგრამ ერთგულებისთვის ვერ უყვია ძვრა. ეს თვისება აქამდე ინარჩუნებს ადამიანურ სათნოებათა კატალოგში გამორჩეულ ადგილს.

ჩვიდმეტი წლის **ნინო ჭავჭავაძის** ბიწმეურეველი ერთგულება **ალექსანდრე გრიბოედოვისადმი** მომავალში არაერთ თაობას შეურხვეს ძარღვეს. რამდენი თავგანისმცემელი ემუდარებოდა გულზე ალაღ შემონთებული ტრფობის გაზიარებას, მაგრამ ქალმა ვერა და ვერ დათმო ის, „რაც ერთხელ ცხოვლად სულს დააჩნდების“. ნინო სოციალურმა მდგომარეობამ და ბედმა გამოიყვანა ისტორიის ავანსცენაზე, მაგრამ რამდენი უჩინარი ნინო, თამარი, ელისო თუ ნათელა იცის თუნდაც ჩვენმა ქალაქმა, მეუღლე რომ ადრე დაკარგეს და ობლებს უმამობა არ აგრძნობინეს, გზის გამამრუდებელი ცდუნებანი აარიდეს, დააფრთიანეს და ცხოვრების შარა-გზაზე გაიყვანეს. არა, სისხლ-ხორცისგან დაშრეტილი მანეკენებიც არა ყოფილან, რომ ეროსის მწველი შემოხედვისაგან ჟამითიჟამად არ აჩქროლებოდათ გული, მაგრამ ირჩიეს ქერივის ხვედრის ღირსეული ტარება.

რა ჰქვია ამას? ალბათ თვითგვემა, სიყვარულის ღეთებისადმი მსხვერპლშეწირვის საკრალური აქტი. ეს ხომ ნამდვილი გმირობაა, ორგზის ღედობა, ჩუმად და უხმაუროდ რაღაც სუფთას და მარად ხელუხლებლის გადამრჩენელი.

ამოხეული ფურცლები

ნიკო ნიკოლაძე

რუსეთის დამხობა და საქართველოს ბედი

I


საფრანგეთის დიდი მეცნიერი ელიზე რეკლიუ ამბობს თავის უკვდავ თხზულებაში რუსეთის შესახებ: – „როგორც ჩრდილოეთის მხრივ ხილი კარგად ვერ დამნიფდება, ისე ჩრდილოეთის ცის ქვეყანაში მყოფი ხალხის გონება უმნიფარია პოლიტიკურად და საეჭვოა როდისმე დამნიფდესო“. ეს სიბრძნე მეცნიერისა სავესებით გაამართლა მსოფლიო ომმა და რევოლუციამ.

დაემხო ოდესღაც უზარმაზარი რუსეთი, დაიმსხვრა, დაიგლიჯა, დანანილდა... დაიქცა და დაიღენა ისე, რომ მისი კვლავ აღდგენა და გამთელება შეუძლებელია. გუშინდელი ლაღი ბატონი ველიკორუსი, გუშინდელი მტანჯველი მრავალ განათლებულ ეროვნებათა დღეს უგზო-უკვლოდ დატანტალებს რუსეთის ტიალ მინდვრებზე და ცახცახით გაურბის კაიზერის ძლევა მოსილ დროშას.

უკულტურო რუსეთის დამსხვრევით გაჰქრა სამუდამოდ ევროპის საფრთხე და ამაში დიდი ღვაწლი მიუძღვის გერმანიას. უზენაესმა ტექნიკამ და მაღალმა კულტურამ დაღენა სიბნელე და უმეცრება; პატარა ფალავანმა დასცა დიდი თიხის ფეხებზე მდგარი უზარმაზარი გოლიათი. აღიგავა ქვეყნის პირიდან ევროპის ჟანდარმი; მოისპო საუკუნოთ უღმობელი მტარვალი – აბსოლუტიზმი. ასი წლობით გვემულმა და დამონებულმა ერებმა ამოისუნთქეს თავისუფლათ...

მერე და რამ დასცა რუსეთი? რამ დაამხო უზარმაზარი იმპერია. იგი დასცეს და დაამხეს უმთავრესად შინაურმა და გარეგანმა მტრებმა. ეს მტრებია: თვითმპყრობელობა, რუსის ხალხის უკულტურობა და მონური სული.

სამხედრო და პროლეტართა რევოლუციას რუსეთში მოჰყვა საბედისწერო მარცხი. ძალაუფლება ხელში ჩაუფარდათ მუშა-მხედართა საბჭოებს და წარმოიშვა ორი მთავრობა, ბურჟუასთან ზერელე კავშირი და აქედან წარმომდგარი კოალიციური მთავრობა გამოდგა სუსტი, მერყევი და უდღეური. მალე გაჩნდნენ და მოეფინენ რუსეთს სხვადასხვა სახელმწიფო კომიტეტები და კომისარიატები. ამათ შებორკეს ხალხი, დაფუშეს ერთიანად სახელმწიფო მექანიზმი, მათ წარმოშვეს ყველგან სურსათის საარაკო კრიზისი, შიმშილი და უსაზღვრო სიძვირე. ამ სახით დაანვნენ ხალხს შემხუთველ მაჯლაჯუნათ. თავისუფლებით დამთვრალ რევოლუციურ ხალხს სათავეში ჩაუდგნენ სოციალისტები, ხელთ იპყრეს მძიმე საჭე და იწყეს 140 მილიონ ხალხის ბედის ტარება რევოლუციის ოკეანეს მქუხარე ტალღებში, მოიშორეს თავიდან ნიჭიერი, გამოცდილი და საქმიანი კაცები, რადგან ისინი არ იყვნენ სოციალისტები; ნაცვლად მიუბოძეს საპატიო ადგილები და დიდი ჯამაგირები ნორჩს, გამოუცდელს



საუკუნის წინ დანერგილი სადღესო საკითხავი

დღეს, თითქმის ერთი საუკუნის შემდეგ პირველი პუბლიკაციიდან, „ქართული მწერლობის“ ფურცლებზე ქვეყნდება ნიკო ნიკოლაძის ერთ-ერთი ყველაზე მძაფრი პუბლიცისტური ნერილი „რუსეთის დამხობა და საქართველოს ბედი“.

ხელახალ მიბრუნებას ნიკო ნიკოლაძის პუბლიცისტურ შედეგთან თავისი წინაისტორია აქვს, რომელზეც სულ ორიოდ სიტყვით მინდა მოგიტხროთ: გასული წლის ოქტომბერში ჩემს „გაფრანგებულ“ ბიძაშვილთან – რეზო ნიკოლაძესთან ერთად დიდ ჯიხაიშს ვენვიეთ. საფრანგეთში დაბადებული რეზო ნამყოფი არ იყო ჩვენი საერთო „დიდი ბაბუის“ სახლ-მუზეუმში და საქართველოში მისი ამჟამინდელი სტუმრობის პროგრამაში ჯიხაიში „პირველ პუნქტად“ ეწერა. მეც კარგა ხანია არ ვყოფილვარ ჯიხაიშში და ამჯერად ჩემი დიდი ხნის



წინანდელი ჩანაფიქრი განვახორციელე: მუზეუმის დირექტორს, ქ-ნ ლია ბიბილივივილს გადავეცი ბაბუაჩემის, ნიკო ნიკოლაძის უმცროსი ძმის – კონსტანტინე ნიკოლაძის არქივის ერთი, დიდად საინტერესო ნაწილი. თავის მხრივ, ქ-მა ლიამ დამასაჩუქრა ქსეროასლით იმ ნიკოლაძის სტატიისა, რომელსაც სრული სახით დღეს სხვაგან ვერსად იხილავთ. საქმე ისაა, რომ გაზეთ „საქართველოს“ 1918 წლის კომპლექტებიდან („რუსეთის დამხობა და საქართველოს ბედი“ 22, 24 და 27 მარტის ნომრებში გამოქვეყნდა) ამოღებულია ან მთლიანად აღნიშნული ნომრები, ან სტატიის ყველაზე „ანტი-ბოლშევიკური“ ნაწილი (მაგალითად, ჩვენს საჯარო ბიბლიოთეკაში). თუ გავითვალისწინებთ, რა წყობა დამყარდა საქართველოში ნიკოლაძისეული სტატიის გამოქვეყნებიდან სამიოდე წლის შემდეგ, და რა საშიშ სამხილად აღიქმებოდა აქ წარმოდგენილი ტექსტი დიდი ქართველი სამოციანების გულშემატკივართათვის, არ უნდა გაგვიკვირდეს, რომ რომელიმე მათგანმა მალულად გააქრო გაზეთის ფურცლებში შეფუთული ეს „დამოკლეს მახვილი“.

პროპაგანდისტებს. ამ სახით გაირიყენ სახელმწიფოს შეგნებული მონინავე წოდებანი, სათავეში ჩადგენ მოუმზადებელი პირნი, დამყარდა სალდათის და პროლეტარის დიქტატურა (ბატონობა). სახელმწიფომ იწყო ბორძიკი, უკან დახევა და გადაიჩეხა უფსკრულში... ამრიგათ დიდებულად დანყებული რევოლუცია მალე გადაიქცა ბუნტად და ანარქიათ...

რევოლუციის პირველ ხანებში ხალხის ბელადობა ჰხვდათ წილად სოციალ-დემოკრატ „მენშევიკებს“ და სოციალისტ-რევოლუციონერებს. ამათ მოინადინეს შეურიგებლის შერიგება, ბურჟუისა და პროლეტარის ერთ უღელში გაბმა, მათი კავშირი და კოალიცია. მაგრამ სინამდვილემ დაანგრია ოცნება. რევოლუციის რომანტიზმმა მალე დაუთმო ადგილი მკაცრ რეალიზმს. დაეცნენ მენშევიკ-ესერები დანიის პრინცის მანტიაში გამოხვეულნი; მათი ადგილი დაიჭირეს მრისხანე „ბოლშევიკებმა“ და ხელთ იპყრეს მედგრად რევოლუციის დროშა, ამ მომენტიდან რუსეთის რევოლუციაში დაიწყო მეორე ხანა, ხანა ტერორის, ცეცხლისა და მახვილისა.

„ბოლშევიზმის“ გამარჯვება რუსეთში ადვილი ასახსნელია, დაბნეულს და ომით დაქანცულ რუსის ხალხს სწყუროდათ ზავი და მშვიდობა. ეს ზავი და მშვიდობა დაპირდნენ ხალხს ბოლშევიკებმა. თხრილებში დაყუნტული სალდათი ნატრობდა შინ დაბრუნებას და ამ სალდათს უთხრეს: ნულარ იბრძვი, წაილე თოფი და წადი შინაო. გლეხს ეჭირვებოდა მიწა, უქადაგეს: წაართვი მემამულეს მიწა და დაისაკუთრეო; მუშას აუხსნეს: ეს ქარხნები, მადნები და ფაბრიკები შენაო, ბოგანო ხალხს ამხილეს: ეს სახლები, ბანკები, მაღაზიები და ბურჟუების მთელი ქონება თქვენიაო, წადით დაეტაკეთ, გაძარცვეთ, მოჰკალით და წაგლიჯეთო.

ეს ტკბილი სიტყვები მალამოსავით მოხვდა რუსის გულს. ასიათასობით და მილიონობით გაიტაცა ამ ახალმა მოძღვრებამ ბნელი ხალხი. გლეხი, სალდათი, მუშა და ხულიგანი, ყველანი იქცნენ „ბოლშევიკებად“ და მიუბოძეს ბატონობის კუერთხი ლენინსა და ტროცკის, ამათ სერიოზულათ განიზრახეს სოციალიზმის გაბატონება, სოციალურ რევოლუციის მოხდენა, სოციალისტურ რესპუბლიკის დამყარება და მაგალითის მიცემა ევროპა-ამერიკისათვის. ამათ მოინადინეს მსოფლიო ისტორიის ჩარხის უკუღმა დატრიალება, ისტორიის ჩარხზე გადახტომა; ისკუპეს და ჩაიმსხვრნენ ხრამში...

ბოლშევიზმით გატაცებულმა რუსის ხალხმა მიიღო ჯილდოდ ბრესტ-ლიტოვსკის სამარცხვინო ზავი, პეტროგრად-მოსკოვის და ოდესა-ნიკოლაევის დაჭერა ნემეცების მიერ, და ბოლოს კაიზერის მხედრობა გამოისეირნებს კიდევ შუაგულ რუსეთში „წესიერების აღსადგენად“. მოჰგლიჯეს რუსეთს თავი – პეტროგრადი, ამოჰგლიჯენ მას გულს – მოსკოვს. რუსეთი ამიერიდან მკვდარია. ველიკოროსიის ბატონობას მოელო ბოლო... რუსეთი დღეს გარდაიქცა გერმანიის კონგოდ, ნემეცების პოლიტიკურ და ეკონომიკურ მონათ... აი, რა ზომამდე მიიყვანა რუსეთი მალალ ფენებში ფრენამ!

საფრანგეთის რევოლუციათა მაგალითებმა ვერაფერი ასწავლა რუსის რევოლუციონერებს. ამათ ვერ ისარგებლეს წინა რევოლუციების კარგი მხარეებით და მხოლოთ უხეშათ გაიმეორეს მათი შეცდომანი. ამით კიდევ ერთხელ დაამტკიცეს სრული მოუმზადებლობა



რევიოლუციის მოსახდენად და გასაღრმავებლად. მათ ვერ გამოიჩინეს ვერავითარი შემოქმედებითი ნიჭი და უნარი.

სამწუხაროდ, მეტად ხანმოკლე აღმოჩნდა რევიოლუციით მოპოვებული თავისუფლება. მას ემუქრის ფეხ-ქვეშ გატეკნას პრუსიის იუნკერი: ამის ნიშნებს უკვე ვამჩნევთ.

ახლა ვიკითხოთ, თუ რას წარმოადგენს რუსის ხალხი. ეს ხალხი ჯერ ნორჩია, ბუნებით უნიჭო, პასიური, მონური სულის მქონე. რუსმა არ უწყის, თუ რა არის სამშობლო. რაინდობა და პატრიოტული გრძნობა მისთვის უცხო ხელია. აღმოსავლეთ ევროპის და ციმბირის ტრიალი მინდვრები სძრავენ მასში წანწალის სურვილს. ამიტომ რუსი ბუნებით ბოგანია. მას ძლივს აქვს 1000 წლის ისტორია და აქედან 300-400 წელი მონგოლთა მონობაში გაატარა. ეს ათი საუკუნე კი მეტად მცირეა, რომ ნახევრად ველური ხალხი გადაიქცეს კულტურულ ხალხად და შექმნას პოლიტიკური და სოციალ-ეკონომიკური მაღალი ფორმები. ეს ხალხი ჯერ არც კი გამოსულა თეოლოგიურ ეპოქიდან. იგი ჯერ კიდევ სექტების და წმიდანების პროცესშია. 90 პროცენტი ამ ხალხისა მიკრულია მიწაზე და აწარმოებს პრიმიტიულ მეურნეობას. ტექნიკა და ინდუსტრია მხოლოდ ახლა იდგამდა ფეხს. სკოლების სიმცირე, წერა-კითხვის უცოდინარობა 60 პროცენტის მიერ, განვითარებული ლოთობა და ხულიგნობა, დაქვეითებული ზნეობა, პოლიციელის უსაზღვრო თვითნებობა, „როზგის“ და მათრახის თავისუფალი ნავარდობა, – აი, ის ბნელი, უმეცარი, ღატაკი და დაბეჩავებული მასსა და მისი გარემო, რასაც წარმოადგენდა ამ ბოლო დრომდე რუსის ხალხი!

აი, ამ ბნელ მასსას უქადაგებდნენ სოციალიზმს! ამ მასსის საშუალებით სურდათ დაეარსებინათ დემოკრატიული რესპუბლიკა. „ბოლშევიკებს“ კიდევ სწადდათ დაემყარებინათ „სოციალისტური რესპუბლიკა!“. სასაცილოა, რომ სამწუხარო არ იყოს...

აი, რას ნიშნავს ისტორიის კანონების და ხალხის ფსიქოლოგიის არცოდნა! რას ნიშნავს ზერელე თეორიებით, დოგმატიზმით, უტოპიებით და ბროშურებით გატაცება! მონარქიზმის ზარფუშში დახუთულს და მონობის ბორკილებით დაკუნტულს რუსის უმეცარ ხალხს უქადაგებდნენ ერთხმად სოციალიზმის სამოთხეს და სთავაზობდნენ სოციალისტურ რესპუბლიკას! ის კი დაავინწყდათ ამ მეოცნებე მქადაგებელთ, რომ ჯერ რუსის ხალხმა უნდა განვლოს ბურჟუაზიულ-კაპიტალისტური გრძელი ხანა, პარლამენტარიზმი, შემდეგ დემოკრატიული ეპოქა და სხვა. ამისთვის კი საჭიროა მთელი საუკუნეები.

დროა შევიგნოთ, რომ ისტორია ნახტომებს არ აკეთებს და უდიდესი რევიოლუციებიც კი ბოლოს ემორჩილებიან ევიოლუციის რკინის კანონებს. რა გინდ კარგი იყოს თესლი, იგი არ აღმოცენდება და ნაყოფს დაისხამს, თუ ამ თესლს არა აქვს შესაფერად შემზადებული ნიადაგი. რუსის ხალხი კი წარმოადგენს ისეთ კლდოვან, ყამირ მიწას, რომლის დამუშავებას და შემზადებას სოციალიზმის სათუთ თესლისთვის სჭირდება მთელი საუკუნეები. და თუ დღეს ხალხის 90 პროცენტი აძლევს ხმას და უკან მიჰყვება ამ, სოციალისტებს, სწორედ ეს მოვლენა ამტკიცებს ამ ხალხის სრულ უმეცრობას, თავის პოლიტიკურ და ეკონომიურ ინტერესის შეუგნებლობას. ასეთი



გაზეთი „საქართველო“ ეროვნულ-დემოკრატიული პარტიის ბეჭდვითი ორგანო გახლდათ და ნიკო ნიკოლაძის (როგორც ამ პარტიის ერთ-ერთი იდეოლოგის) იმჟამინდელი პუბლიცისტიკის უმეტესი ნაწილი, რომელშიც მაშინდელი საქართველოს და მის მეზობელ თუ შორეულ მტერ-მოყვარეთა პოლიტიკური გეზი იყო თვალმიდევნებული, სწორედ ამ გაზეთის ფურცლებზე გამოქვეყნდა.

„საქართველოს“ რედაქციაში ნიკო ნიკოლაძის ვიზიტების შემსწრე გერონტი ქიქოძე იგონებდა, რომ: „ეს მხრებში ოდნავ მოხრილი მოხუცი ქარიშხალივით იჭრებოდა... რედაქციის ოთახში, რუკას მივარდებოდა და ხელის ფართო მოძრაობით საერთაშორისო პოლიტიკის პერსპექტივებზე ინყებდა მღელვარე საუბარს. ეტყობოდა, რომ ის შეჩვეული იყო მსოფლიო მასშტაბით აზროვნებას“.

XX საუკუნის დამდეგს ჯერ კიდევ იგრძნობოდა ინერცია რწმენისა, რომელიც XIX საუკუნის სამოციანი წლებიდან ასაზრდოებდა ქართულ მწერლობას და რომელიც ერის წინამძღოლობას გულისხმობდა. თავის საპროგრამო პუბ-



ლიცისტურ ნერილში – „ჩემ პოლიტიკაზე“ (1913 წ.) – ნიკო ნიკოლაძე წერდა: „ველარ გაძლებს ჩვენს დროში, ველარ აიტანს არსებობისათვის ბრძოლას ერი, რომელსაც გონიერი მწერლობა არ წინამძღვრობს“. სწორედ ამ რწმენით არის გაჯერებული დიდი ქართველი „სამოციანელის“ პოლიტიკური პუბლიცისტიკის აქ წარმოდგენილი ნიმუშიც.

პარადოქსია, რომ „რუსეთის დამხობა და საქართველოს ბედი“ ეკუთვნის კალამს იმ მწერლისა, რომლის მოღვაწეობაც დიდწილად რუსულ-ქართულ ლიტერატურულ სამყაროთა შემეართებელ ხიდად აღიქმებოდა, რომელსაც არაერთი საყვედური მოუსმენია უცხოეთში (რუსეთის ჩათვლით) მრავალწლიანი მოღვაწეობის გამო და რომელსაც თავის მართლებაც კი დასჭირდა ამ „შეცოდებისათვის“: „მე იმ პირებს არ ვეკუთვნი, – წერდა ნიკო ნიკოლაძე, – რომელნიც ჰფიქრობენ, რომ შენთვის (აქ, ცხადია, საქართველო ნაგულისხმევი. – ზ. ა.) სარგებლობის მოტანა მარტო შენს საკუთარ ენაზე შეიძლება, მარტო შენს საკუთარ სახლში, შენთან ჯდომით და ლაპარა-

ხალხი დღეს სოციალისტია, ხვალ ანარქისტი, ზეგ კი მხეცად ქცეული ხულიგანი და ისევ ძველი მეფის და პოლიციელის თაყვანისმცემელი.

ასეთია რუსის ხალხი. ამ ყამირმა დაამხო სოციალისტთა ბელადების გულუბრყვილო ქადაგებანი, ბოლშევიზმი გარდაიქმნა ხულიგანიზმად და ანარქიათ, დააჭკნო რევოლუციით მოპოვებული თავისუფლების ყვავილები, გამარჯვება მიანიჭა თავს დაუძინებელ მტერს – გერმანიას, დაასამარა თავისი საკუთარი ბედი და პოლიტიკურ-ეკონომიური ცხოვრება. უნებლიე მესაფლავენი კი შეიქმნენ სოციალისტური პარტიები და განსაკუთრებით „ბოლშევიკები“...

## II

– ახლა ვიკითხოთ, თუ რა ხდება დღეს საქართველოში? ეს 120 წელია, რაც ჩვენი სამშობლო შეეფარა ორთავა არწივს და თავის ბედი დაუკავშირა რუსეთს. მოყვრათ და მეგობრათ მონვეული რუსი მალე გარდაიქცა ჩვენში ბატონათ და სასტიკ მტარვალათ, დიდი ზიანი ნახა ბედშავმა საქართველომ ამ შეუსაბამო კავშირით, ბევრი ჭირი და ვარამი, ტანჯვა, ვაება და აწიოკება განიცადა მან რუსის მთავრობისაგან და სალდათ-ჩინოვნისაგან, ბევრი უმანკო სისხლი დაიღვარა საქართველოში, ბევრი ღირსეული შვილი კოლხეთ-ივერიისა დაიღუპა ციმბირის ტურნდრებში, აურაცხელი დამცირება გამოცადა ქართველმა ერმა, აუარება მინა-მამული ჩამოერთვა მას, შერაცხეს სახაზინოთ და დაასახლეს ზედ უცხო ტომნი, განსაკუთრებით რუსები და სომხები.

არამც თუ საგაზეთო ნერილით, მთელი ფორმებითაც კი ვერ ამოშრეტს კაცი იმ საშინელებას, რაც ხვდა წილად საქართველოს რუსის მთავრობის წყალობით ამ 120 წლის განმავლობაში. ეს იყო სატანური პოლიტიკა ერის გარუსების, გადაგვარების, მოსპობის, გალატაკების და განადგურების. რუსის მთავრობამ მოსპო ჩვენში ქართული მართვა-გამგეობა, ეკლესია, შკოლა, სასამართლო და ნაცვლათ დაამყარა ყველაფერი რუსული. მან მოინადინა ქართული სულის ამოგლეჯა. ე. ი. ჩაიძინა ის, რაც არ ჩაიძინეს ჩვენში აზიის უსაშინლესმა მტარვალებმა 2000 წლის განმავლობაში.

საოცარია და საარაკო, თუ როგორ გაუძლო ქართველმა ერმა 120 წელის რუსის მთავრობის ასეთ ულმობელ ინკვიზიციას, როგორ შეინარჩუნა კიდევ თავისი ეროვნული სახე, ნიჭი, მხნეობა და არსებობა! გავს, უშრეტად ქონება ჩვენს ერს სულიერი ენერგია და ძალებადნი, ჩანს, მძლავრად ყოფილა მასაში ჩანერგილი ძველი კულტურის ნაშთები და მჩქეფარე ეროვნული გრძნობა...


მიუხედავად ამისა, მძიმე ბეჭედი დაასვა ქართველი ერის სულს რუსის ბატონობამ, დათრგუნა და დაჩაგრა ქართული თვითარსი კულტურა, ქართული რაინდობა და კეთილგონიერება. ნაცვლათ შთანერგა ბრმა მიმბაძველობა და მონური სული, რამაც ფრიად დასეტყვა ერის ფსიქიკა, ნიჭი, ინიციატივა და შემოქმედება, ამასთან ერთად ეროვნული გრძნობა და შემეცნება.



სწორედ ამ დამლუპველ ზეგავლენით აიხსნება ის უკუღმართობა, რაც შეემთხვათ ჩვენს სოციალისტურ პარტიებს. მაშინ, როდესაც რუსეთის იმპერიაში მყოფ ყველა შეგნებულ ერების სოციალისტურ-მა პარტიებმა აშკარად დაირქვეს თავიანთი ერის სახელი, ჩვენმა სოციალისტურმა პარტიებმა (გარდა ფედერალისტებისა) ვერ გაბედეს თავის ერის სახელის დარქმევა იმ შიშით, რომ რუსის მართლაც შოვინისტურ-სოციალისტურ პარტიებს შოვინისტობაში არ ჩამოერთმიათ. ამ სახით რუსეთის ფარგლებში არსებობდა ფინლანდიის, უკრაინის, პოლონეთის, ლიტვის, ლატინის, ებრაელების (ბუნდი) და სხვა ერთა ს.-დემოკრატიული და ს.-რევოლუციური პარტიები, არ არსებობდა მხოლოდ საქართველოს ს.-დემოკრატიული და ს.-რევოლუციური პარტიები. ამათ ნაცვლად ჩვენში არსებობენ: რუსეთის სოციალ-დემოკრატიული მუშათა პარტია და რუსეთის სოციალ-რევოლუციონერები, ეს უცხო სახელი ქართველ სოციალისტებს დღემდე შერჩათ. დღეს კი, რუსეთის დამხობის შემდეგ, ვერ გაბედეს და ვერ შესცვალეს თავის ფორმა, თავის სახელი, ვერ მოინათლენ ქართველად. ქართველმა პარტიებმა დღესაც კი ვერ უწოდეს თავის თავს ქართველი. აი, რა სიმახინჯემდე მივიდა ჩვენში რუსეთის მონური ზეგავლენა!

რუსის ბიუროკრატიული დარჯაგით შეხუთული ქართველი ერი მეტად გვიან გამოვიდა პოლიტიკურ ასპარეზზე და როგორც ტექნიკურად, მრეწველობით და საზოგადოდ ნივთიერად ჩამორჩენილმა ხალხმა, ამიტომ ფრიად სუსტი ბურჟუაზიის მქონემ, უპირველესად წარმოშვა და გააღონიერა სოციალისტური პარტიები, განსაკუთრებით კი სოციალ-დემოკრატები, ე. ი. პოლიტიკურად და ნივთიერად ჩამორჩენილი ხალხი ჩავარდა უკიდურესობაში.

ს.-დემოკრატიული პარტია მესამე დასის სახელით გაჩნდა ჩვენში ამ 25 წლის წინად ნ. ჟორდანიას ბელადობით. აქ არ შევეუდგებით ამ პარტიის დახასიათებას, მის კარგისა და ცუდი მხარეების აღწერას, – ეს მეტად შორს ნაგვიყვანდა. ვიტყვით მხოლოდ, რომ ამ პარტიამ დიდი როლი ითამაშა ქართველი ხალხის თუმცა ცალმხრივ, მაგრამ მაინც ერთგვარ პოლიტიკურად გათვითცნობიერებაში. ამ პარტიამ გააღვივა ქართველ ერში კლასობრივი და წოდებრივი ბრძოლა და ანტაგონიზმი, რასაც მოჰყვა ბევრი არასასურველი შედეგები და ექსცესები, განსაკუთრებით პირველ რევოლუციის დროს 1904-05 წლებში, აგრეთვე წელსაც, მეტადრე ქართლში. ამ პარტიამ დარაზმა ქართველი მუშა-ხალხი, მონათლა პროლეტარის სახელით, შექმნა მათში ორგანიზაციები და შთაბერა რევოლუციური სული. ასევე მოექცა სოფლის გლეხობასაც: ამ წვრილ-მესაკუთრე ბურჟუებს, გაუხდა მათ ქომაგათ და ოპეკუნათ. ამრიგად იკისრა შეუფერებელი როლი და დადგა ყალბ ნიადაგზე, დაიჭირა მერყევი, სახიფათო პოზიცია, მაგრამ ეს გლეხობა, ეს ქართველი ერის თითქმის 90 პროც. საჭირო იყო ამ პარტიისათვის ხმების მისაცემათ, მით ძალა-გავლენის და უფლება-ბატონობის მოსაპოვებლად. მიზანს მიაღწევს კიდევ, ამიტომაც არის, რომ ს.-დემოკრატიული პარტია გადასცდა დიდად თავის სფეროს და ეგრე მაგრათ ებლაუჭება სოფლის გლეხობას, რომელთაც არ შეუძლიათ გაიაზრონ ს.-დემოკრატების სიმბოლო სარწმუნოებისა, მათი პროლეტარულ-კოსმოპოლიტური არს-



კით...“ („სალამი“, 1876 წ.).

ის სიმწარე, ის გამეტება, რომლითაც ნიკო ნიკოლაძე „რუსულ ფენომენზე“ ლაპარაკობს, აპოკალიფსური მასშტაბის ტრაგედიით თვალახელილი ადამიანის შეძრწუნებაა. პეტერბურგის უნივერსიტეტის ზეატაცებულ სტუდენტს (მისი „60-იანი წლების მოგონებები“ გავიხსენოთ), რუსული მწერლობისა და რევოლუციური-დემოკრატიული იდეალების მოტრფიალეს, ვერ წარმოედგინა, რომ ტოლსტოისა და დოსტოევსკის ქვეყანა გადაიქცეოდა კაცობრიობის ისტორიაში ერთ-ერთი ყველაზე ამაზრზენი მასობრივი კაცთაკვლის ასპარეზად. მაგრამ ძველი ილუზიებისაგან თავისუფალ ნიკოლაძისეულ „პოლიტიკურ თვალსაწიერს“ ახალი ილუზია დაბინდავს – ილუზია იმისა, რომ რუსეთი უკვე დაიშალა, სულს ღაფავს და საქართველოს ველარას ავნებს. ნიკო ნიკოლაძემ მალე ინვნია ამ „გაცოცხლებული გველეშაპის“ სუსხიანი სუნთქვა.

საქართველოს „გასაბჭოების“ შემდეგ, თავის შვიდწლიან ნებაყოფლობით „შინაპატიმრობაში“ იგი უთუოდ ფიქრობდა, რა ხშირად აღიქვამენ ადამიანები სასურველს – რე-



ალობად და რა მწარე შედეგები მოაქვს „მხედველობის“ ამგვარ დეფექტს. ცხადია, ასევე მწარედ გამოემშვიდობა იგი იმ ილუზიასაც, რომ ოდესმე იარსებებს ქვეყანა, რომელსაც „გონიერი მწერლობა წინამძღვრობს“ და იმ მითსაც „ქართველთა უმარცხებლობის“ თაობაზე, რომლის სასწაულმოქმედ ძალაშიც ესოდენი პათოსით არწმუნებდა თავის თავსაც და თავის თანამემამულეებსაც.

არც კი მეგულება ერთი საუკუნის წინ დაწერილი სხვა პუბლიცისტური წერილი, ასეთი ინტერესით რომ იკითხებოდეს და ასეთი ჭკუის სასწავლებელი რომ იყოს დღეს, როგორიც არის ნიკო ნიკოლაძის „რუსეთის დამბობა და საქართველოს ბედი“. დიახ, ჭკუის სასწავლებელი – თავისი ისტორიზმის განცდითაც, თავისი ეროვნული ღირსების მამკვიდრებელი სულითაც, თავისი მწარე წვდომებითაც, თავისი აზროვნების მასშტაბითაც, მაგრამ, ვაი, რომ – თავისი „უკვდავი“ ილუზიებითაც...

**ზაზა აბზიანიძე**

ხედვა, პროგრამა და მისწრაფებანი.

ეჭვს გარეშეა, რომ გლახობა მალე შეიგნებს ამ შეცდომებს და ზურგს შეაქცევს თავის ოპეკუნებს.

იძულებული ვართ აღვნიშნოთ ორი დიდი შეცდომა, რაც დაუშვეს ჩვენთან ს.-დემოკრატებმა და რაც გამომდინარეობდა მათ კოსმოპოლიტიკურ მრწამსით და ცენტრალისტურ მისწრაფებით. ჩვენი ს.-დემოკრატები, რუსის ბელადების ზეგავლენით, იმ თავითვე სასტიკად ამხედრდნენ ქართულ-ეროვნულ შემეცნების და პოლიტიკურ თვითმართველობის, ე. ი. ავტონომიის წინააღმდეგ, რასაც მოჰყვა ხანგრძლივი ბროლა ს.-დემოკრატებისა და იმ პარტიებს შორის, რომელნიც ეროვნულს ნიადაგზე იდგნენ, ხოლო ამ ერთი წლის წინად ს.-დემოკრატებს გამოეყო ერთი ჯგუფი და დაარსდა გაზ. „ალიონი“. ეს ფხიზელი ჯგუფი იმთავითვე დადგა ეროვნულ ნიადაგზე. შეიქმნა ჯერ ავტონომიისა და შემდეგ სრულ სეპარაციის მომხრე (ასეთი ჯგუფი წინადაც იყო).

რუსეთის ამ მეორე რევოლუციის პირველ დღიდანვე საქართველოს ბედ-იღბალი ხელთ იგდეს ჩვენმა სოციალ-დემოკრატებმა („მენშევიკებმა“) და შეიქმნენ ერის მესაჭედ. ისინივე გახდნენ სრულიად ამიერ-კავკასიის ცხოვრების ტონის მიმცემი, ამიერ-კავკასიის კომისარიატის ბელადნი და მესვეურნი. სიმართლე უნდა ვსთქვათ, რომ თავის ენერგიით, ბეჯითობით და ორგანიზაციით ს.-დემოკრატებმა გადააჭარბეს არამც თუ ყველა ქართულ პოლიტიკურ პარტიებს, არამედ სომხებისა და თათრების პარტიებსაც. ს.-დემოკრატების სასახელოთ უნდა აღინიშნოს მათი ბრწყინვალე გამარჯვება სომხებზე ქალაქის არჩევნებში, თბილისის ბატონობისა და პატრონობის ხელში ჩაგდება, მაგრამ იმავე დროს მათი ბნელი მხარეა პარტიული მიკერძოება. ყველა ადგილსა და თანამდებობებზე მხოლოდ თავის კაცების ჩაყენება, იმის მიუხედავად, შესაფერისი არიან თუ არა ეს პირნი იმ ადგილებზე. ასეთ პარტიულ არჩევანს მოჰყვა არასასურველი შედეგი, როგორც ერისთვის, ისე თვით საზოგადოებისათვის.

სახელმწიფო წყობილების მსხვერველაზე აღმოცენილმა რუსეთის რევოლუციამ მალე დაუთმო ადგილი უმეცარ ხალხის აღრევას და ანარქიას, რასაც შედეგად მოჰყვა კულტურულ ეროვნებათა იმთავითვე გამოყოფა და მათ მიერ ცალკე რესპუბლიკების შექმნა. ასე მოიქცნენ ფინეთი, ოსტრეის მხარე, ლატინები, ლიტველები, უკრაინა, ყაზანი და ასე გასინჯეთ, კაზაკები, ბაშკირები და კავკასიონის მთის ხალხებიც კი. ხოლო ასე არ მოიქცნენ ქართველები და ამაში უმთავრესი დანაშაული მიუძღვით ჩვენს ს.-დემოკრატებს, რომლებიც თითქმის დღემდე გახვეულან რუსის ორიენტაციის დამლუპველ ბურანში, ვერ აუღლიათ ცხოვრების ალლო და ვერ დამდგარან იმ სწორ გზაზე, რასაც უკარნახებს ისტორიული სინამდვილე და აუცილებლობა.

რუსეთი, როგორც მთლიანი იმპერია, სახელმწიფო თუ რესპუბლიკა, უკვე 7-8 თვეა, რაც დაიმსხვრა და აღარ არსებობს. ამის ნაცვლად აღორძინდნენ სხვადასხვა ეროვნებათა რესპუბლიკები. მათ გვერდით კი სულს ლაფავს ხულიგნათ და „ბოლშევიკად“ ქცეული ველიკორუსთა ნაფლეთები, – ეს ოდესღაც გაბატონებული ერი.

მიუხედავად ამისა, ჩვენს ს.-დემოკრატთა ბელადებს ელანდებით რუსეთის ძველი დიდება და ოცნებობენ კიდევ მის აღდგენაზე, დღესაც კი ვერ გაუბედიათ მიცვალებულის მკვდრად აღიარება, ზურგის შექცევა და ქართველი ერის ახალი ბედის დამოუკიდებლობის გრდემლზე გამოჭედა.

რას ნიშნავს მონური სული! რას ნიშნავს ისტორიული დამონება და დაძაბუნება!..

ამ რევოლუციის დროს ქართველმა გადადგა წინ ორი ნაბიჯი. პირველი გაბედული ნაბიჯი იყო წარსული წლის მარტში გადადგმული, როდესაც აღიარებულ იქნა საქართველოს ეკლესიის დამოუკიდებლობა (ავტოკეფალია) და აღდგენილი კათალიკოსობა. ეს იყო ქართველი ერის ფრიად გაბედული ნაბიჯი, რაც არ მოუწონეს და დაგმეს ჩვენი ს.-დემოკრატების ფანატიკოსებმა.

ერის მეორე შესანიშნავი ნაბიჯი იყო 19 ნოემბერს მომხდარი ეროვნული ყრილობა და ეროვნული საბჭოს შედგენა, რამაც გამოიწვია კოლხეთ-ივერიის დიდი ზეიმი და აღფრთოვანება. მაგრამ, სამწუხაროდ, ხალხის აღფრთოვანება მოშხამა გაბატონებულმა პარტიამ. ე. ი. ს.-დემოკრატებმა, რომელთაც ვერ გაბედეს საქართველოს თავისუფალ რესპუბლიკად აღიარება და ჩასტოვეს ისევ დამხობილი რუსეთის ორიენტაციაში, რამაც მეტად გააბრაზა ოსმალეთი, მთის ხალხები და ჩვენი მეზობელი ადერბაიჯანელი თათრები, გაახარა კი ორჭოფა პოლიტიკის მანარმოებელი სომხები...


ჩვენმა ეროვნულმა ყრილობამ ს.-დ. ზეგავლენით, ვერ გაბედა და ვერ გამოაცხადა საქართველოს სუვერენობა, დამოუკიდებლობა, ვერ აეწყო იგი ქვეყანას და ვერ შექმნა ეროვნული მთავრობა. ეს იყო და არის ბელადების უდიდესი შეცდომა და დანაშაული ისტორიის წინაშე. ეს იყო უდიდესი მარცხი ქართველი ერის ცხოვრებაში, რასაც მოყვა ამ ბოლო დროს დამღუპველი შედეგები. ჩვენი ეროვნული საბჭო ამის გამო გამოდგა დღენაკლული, უფლებით შეზღუდული და უმოქმედო. ასეთ შეზღუდულ ორგანოსაც კი უბღვერენ ამიერკავკასიის სეიმის დარბაზიდან ჩვენი ს.-დემოკრატები და ცდილობენ მის სრულიად გაუქმებას.

ჩვენი ს.-დემოკრატები ისე გაიტაცა რუსებზე და სომხებზე ზრუნვამ, რომ თითქმის სრულებით დაავინწყდათ თავისი უბედური სამშობლო, რომელიც დღეს ყველაზე მეტად საჭიროებს პატრონობას და დახმარებას.

ქართველი ბუნებით რაინდია, მუდამ იყო და არის სხვისი ქომაგი და დამხმარე, მაგრამ ეს რაინდობა ზოგიერთ ქართველის არსებაში გარდაიქმნა სასაცილო დონ-კიხოტობათ. დაავადებული საქართველო დღეს კენესის და გმინავს, ხალხი გაჭირვებაშია, ირგვლივ აუარებელი მტრები შემოგვხვევია და გვემუქრის განადგურებით. ამ დროს კი ზოგიერთი ჩვენი ძმები, კუდა ხარივით ბუზებს უგერიებენ, ბჭობენ და ზრუნავენ ჰაიკებისა და ველიკორუსების ბედზე, რომელთაც საქართველოსთვის ზიანის მეტი არაფერი მოუტანიათ.

ეს ორი თვეა, რაც გაიხსნა თბილისში ამიერ-კავკასიის ერთა სეიმი (საბჭო), შეადგინეს კიდევ სამინისტრო. ორივე ორგანოში ბელადობენ და ბატონობენ ჩვენი ს.-დემოკრატები.

როგორც სეიმი, ისე სამინისტრო შექმნილია ნაძალადევად. ერთ







უღელში შეაბეს ძალად სხვადასხვა რწმენის, კულტურის და მისწრაფების ხალხები, რომლებიც უნებურად ჩავარდნენ კრილოვის იგავ-არაკის გმირების როლში, რომლებშიც ერთი წყლისკენ მიიწვევდა, მეორე უკან იხევდა, მესამე ჰაერში მიჰქროდა. ნეტა რა საერთო აქვთ სომხებს და აზერბაიჯანელ თათარს, რომლებიც მგლურად უცქერიან ერთმანეთს?! ან რუსსა და აზერს?! ან შესაძლებელია ერთი მთავრობა იქ, სადაც მკვიდრთა ერთი ნაწილი (მუსულმანები) იცქირებიან სამხრეთით, ოსმალეთისკენ და იქეთ იშვერენ ხელებს, მეორე ნაწილი კი, სომხები და ქართველი ს.-დემოკრატები შესტრფიან ჩრდილოეთს, საიდანაც ეფინებათ მხოლოდ ცივი ბორიო?! ამიტომ ამიერკავკასიის სეიმი და მისი სამინისტრო უღლეურია, როგორც ხელოვნურად შექმნილი, რაც იშვიათად ეტყობა სეიმის მუშაობას და მათი დაშლა-დაფუშვა ეკუთვნის მოკლე ვადიან დროს.

ჩვენის ღრმა რწმენით, ამიერ-კავკასიაში შესაძლებელია დაარსდეს სამი სრულიად თავისუფალი და დამოუკიდებელი რესპუბლიკა და სახელმწიფო: 1. საქართველოს რესპუბლიკა; 2. სომხეთის რესპუბლიკა; 3. ადერბაიჯანელ თათრების სახელმწიფო. რამდენად ადრე დაარსდება და ჩამოყალიბდება ეს სამი პოლიტიკური ერთეული, მით უკეთესი. ამას მკაცრად თხოვნილობს ამ, სამ მეზობელ ეროვნებათა ინტერესები და ისტორიის ლოლიკა. დროა დავანებოთ თავი სხვადასხვა მავნე ექსპერიმენტებს და ოცნება-უტოპიის ვარდისფერ სფეროდან დავეშვათ რეალურ ნიადაგზე! დროა მივიხედმოვიხედოთ, ვისარგებლოთ წარსულით, მივილოთ სახეში ევროპის მაგალითები და მით შევიგნოთ ისტორიული სინამდვილე...

თუ არ ვცდები, წასულ დეკემბერში ოსმალეთის მთავრობამ წინადადება მისცა ჩვენს ეროვნულ საბჭოს ზავზე მოლაპარაკების შესახებ, აგრეთვე გერმანია ელოდა ჩვენს დელეგატებს ბრესტ-ლიტოვსკში. ჩვენმა ოპეკუნებმა – ს.-დემოკრატებმა შეუთვალეს: რუსეთის დამფუძნებელ კრებას უნდა შევეკითხოთ, მათ სურვილსა და ბრძანებას უნდა დავემორჩილოთ. ეჭვი არაა, ჩვენი ასეთი პასუხი სიბრაღის ღიმილს მოგვრიდა ნემცებსა და ოსმალებს.

შესდგა პეტროგრადში რუსეთის დამფუძნებელი კრება, მაგრამ იგი ხიშტებით და მათრახებით გარეკეს რუსეთის ბოლშევიკებმა და თვით შეუკრეს ნემცებს სამარცხვინო ზავი, გაჰყიდეს რუსეთი და ამიერ-კავკასია, რომელსაც ადრევე მოაშორეს ჯარები. ჩვენდა დაუკითხავად ოსმალებს ეკუთვნის ბათომის ოლქი, ყარსი და არდაგანი, ე. ი. ამიერკავკასიის ფაქტიური ბატონობა.

ამ ორი თვის წინათ ოსმალეთმა კვლავ მოისურვა ჩვენთან ზავზე მოლაპარაკება. ამიერკავკასიის ახლად გახსნილი სეიმი თანაგრძნობით შეხვდა ამ წინადადებას და გაგზავნა ტრაპიზონს მრავალრიცხოვანი დელეგაცია სამივე ეროვნებიდან შემდგარი. დიდის ზავით და ზეიმით წავიდნენ ამიერ-კავკასიის დელეგატები. რამდენიმე დღის შემდეგ ჩამოვიდნენ ოსმალეთის დელეგატებიც და მოსთხოვეს მანდატი ჩვენს დელეგატებს, რითაც ფრიად უხერხულ მდგომარეობაში ჩააყენეს ეს უკანასკნელნი. ოსმალებს სამართლიანად სურდათ გაეგოთ, თუ ვინ იყვნენ ეს დელეგატები, რომელი სამეფოს ან რესპუბლიკის წარმომადგენელნი, რა დავალებით და უფლებით აღჭურვილნი. სურდათ გაეგოთ, თუ რას წარმოადგენდა

ამიერ-კავკასიის რესპუბლიკა, ცენტრალისტური იყო იგი თუ ფედერალისტური, ვისგან იყო იგი ცნობილი, სუვერენული იყო იგი თუ ვასალური, რა კონსტრუქციის მქონე და სხვა.

ყველა ამ კანონიერ კითხვებზე ოსმალეთის დელეგატებმა მიიღეს მეტად ბუნდოვანი და მიკიბ-მოკიბული პასუხი, რამაც მოჰგვარა მხოლოდ დამცინავი ლიმილი, და ყოველივე ეს გამოიწვია იმ გარემოებამ, რომ ამიერ-კავკასიის სეიმი და ცენტრალურ რესპუბლიკის დაარსება იყო ხელოვნური, მექანიკურად; ამავე დროს სეიმმა ვერ გაბედა და ვერ გამოაცხადა აშკარად ამიერ-კავკასია დამოუკიდებელ რესპუბლიკად და ეს ძირითადი საკითხი გადასცა კომისიას დასამარხავად.

სეიმის ასეთმა ყალბმა პოლიტიკამ გამოიწვია ადერბაიჯანელ თათრების წარმომადგენელთა და ქართველ ეროვნულ-დემოკრატთა სამართლიანი პროტესტი თვით სეიმშივე და შეიქმნა არასასურველი სიტუაცია ტრაპიზონში გაგზავნილ დელეგატებისათვის. მოკლედ რომ ვსთქვათ, ოსმალეთი არ სცნობს ამიერ-კავკასიის რესპუბლიკას, არც ხელსაყრელია მისთვის. მას თავის საკუთრებად მიაჩნია და სურს შემოიერთოს ადერბაიჯანი და სომხეთის ნაწილები. როგორც სჩანს, ამაში დასტურს სცემს გერმანიაც. დარჩა საქართველო, რომელთანაც სურს ოსმალეთს ზავის შეკვრა და მეგობრული ურთიერთობა, მაგრამ საქართველოს სახელით ოსმალეთს არავინ ელაპარაკება; თვით ქართველ დელეგატებს ტურზე აკერიათ მხოლოდ ამიერ-კავკასიისა და სომხების ინტერესების დაცვა. ასეთმა სიყალბემ გამოიწვია ოსმალეთის აგრესიული პოლიტიკა, ჯარებით შემოჭრა ამიერ-კავკასიის საზღვრებში, ზავზე მოლაპარაკების დროს; მას სურს ძალით დაპყრობა ყარსის, არდაგანის და ბათომის ოლქებისა. ამავე დროს ცინიკურად გვეუბნებიან: მოანერეთ ხელი ბრესტ-ლიტოვსკის ხელშეკრულებასაო. ამრიგად ოსმალეები გვიგდებენ მასხარად და ეს მასხარად აგდება სავსებით დავიმსახურეთ ჩვენი შეუგნებელი მოქმედებით.

დღეს ძლიერი ოსმალეთი ემუქრის ამიერ-კავკასიას. მას ჰსურს წაგვართვას სამხრეთით ორი დიდი სიმაგრე და დასავლეთით საუკეთესო ბოლაზი, შავი ზღვის კარები ბათომი. ამ საქმეში ოსმალეთს ხელს უწყობენ თვით ამიერ-კავკასიის ზოგიერთი ერები, რომლებიც არ მალავენ თავის სიმპათიას ოტომანის იმპერიისადმი.

დავრჩით ორი მილიონი ქართველი. შევძლებთ კი ძლიერი მტრის მოგერიებას? გვყავს კი ამისთვის საკმაო ჯარი, აღფრთოვანებული პატრიოტული გრძნობით? გვაქვს საკმაო ფული, სურსათი და სამხედრო მასალა? რისთვის ან ვისთვის უნდა ვიბრძოლოთ ქართველებმა? ვიცით, რომ ოსმალეები ჩვენს წინააღმდეგ არ არიან ამხედრებული; მათი მიზანი სულ სხვაა...

მართალია, ჩვენი ტურფა სამშობლო დღეს დიდ განსაცდელშია ჩავარდნილი, მაგრამ არ გვეშინია. ქართველი ერი მუდამ განთქმული იყო თავის გამირობით და ვაჟკაცობით. იგი არაერთხელ შებმია ათჯერ და ოცჯერ უფრო მრავალრიცხოვან მტერს, მაგრამ საარაკოთ გაუმარჯვნია. ეს გამირული სული დღემდე შერჩენია ქართველ ერს, რაც ნათლად დაამტკიცა ამ მსოფლიო ომის დროს და ახლაც შავი ზღვის ფლოტის ხელში ჩაგდებათ. ოსმალთა შემოტევამ გა-





მოაფხიზლა ქართველი ერი და აღძრა მასში პატრიოტული გრძნობა. განსაკუთრებით დიდი მზადება და აღფრთოვანება ეტყობა დასავლეთ საქართველოს, უმთავრესად კი გურიას. ქართველი თვით არავის ერჩის, სხვას არავის შეესევა, მაგრამ ძვირად დაუსვამს მტერს შემოსევას და ოჯახის ანიოკებას. ამ დროს ქართველი იქცევა ლომად, უძლეველ გმირად და მუდამ ამარცხებს უძლიერეს მტრებსაც კი. ამის მაგალითი კი აურაცხელია ჩვენს წარსულში. ახლაც მწამს, რომ ქართველი ამ დიდი განსაცდელის დროსაც გამოვა გამარჯვებული, მაგრამ თანაც მჯერა, რომ ასე არ გამწვავდება მდგომარეობა და კეთილგონიერი ოსმალეთი მორიგებით გაათავებს საქმეს. ამ კეთილ გონიერებას და პოლიტიკურ შორს ჭვრეტას გამოიჩინენ ჩვენი დელეგატებიც და ამრიგათ ტრაპიზონში მოლაპარაკება მალე დამთავრდება ურთიერთ დათმობით და ურთიერთ ზავით.

ზაზა აბზიანისიძის პუბლიკაცია.



ახალი თარგმანები


ბერნჰარდ შლინკი

შაქრის მუხუღო

როცა თომასმა დაინახა, რეგოლუციას არა და არ ადგება საშვე-ლიო, გაიხსენა 1968 წლამდე არქიტექტურას რომ ეუფლებოდა, სწავლა განაგრძო და დაასრულა კიდეც. ვინრო სპეციალობად სა-სურავების რეკონსტრუქცია აირჩია. ზვერავდა სასურავებს, ეძებდა დაინტერესებულ პირებს და ზრუნავდა დაპროექტებაზე, მშენე-ბლობის ნებართვასა და მიმდინარეობაზე. მანსარდები მოდაში იყო და თომასი კარგად ართმევდა თავს საქმეს. რამდენიმე წლის შემდეგ უფრო მეტი სასურავი და დაინტერესებული პირი დაუგროვდა, ვი-დრე მოერეოდა. თუმცა მობეზრდა ეს საქმიანობა. სასურავები და მეტი არაფერი?

ერთ დღეს განცხადებას წააწყდა გაზეთში. კონკურსი ცხად-დებოდა შპრეეს ხიდზე. ჯერ კიდეც ბავშვობაში ახდენდა მასზე დიდ შთაბეჭდილებას ძველი ხიდი რამსტატში, ღირსებით სავსე რომ დაყრდნობოდა სქელ ბურჯებს მურგის კალაპოტში; ამაყად მდგარი რკინის ხიდი კიოლნში, რომელზედაც გაუთავებლად მიმოდიოდ-ნენ მატარებლები და ზღვაზე მოქანავე მსუბუქი გოლდენ-გატე-ხიდი. რა პატარები ჩანდნენ იქიდან დიდი გემები. წიგნი ხიდებზე, რომელიც კონფირმაციის დღეს მიიღო საჩუქრად და არაერთხელ წაეკითხა, ბიუროში ინახებოდა სხვა წიგნებთან ერთად. დაჯდა და დააპროექტა თვალად მყიფე ხიდი, რომელზედაც ქვეითად მოსია-რულეები შიშით თუ გაბედავდნენ ფეხის შედგმას, მძლოლებს კი, მათდა უნებურად, ნელა და ფრთხილად უნდა ემოძრავათ, რადგან თომასი თვლიდა, რომ არ შეიძლება ერთი ნაპირიდან მეორეზე გა-დასვლა, თითქოს აქ არაფერი იყო, ხიდზე მოსიარულეებსაც არ უნდა მიეღოთ ეს ჩვეულებრივ ამბად.

ყველას გასაოცრად მეორე პრემია დაიმსახურა. გარდა ამისა, ვეზერის ხიდის კონკურსში შესთავაზეს მონაწილეობის მიღება. ვეზერის ხიდის დაპროექტება, სხვა კონკურსებში მონაწილეობა ისე, რომ სასურავებისთვის თავი არ დაენებებინა, მეტისმეტი იყო. ამი-ტომ პარტნიორად იუტა გაიხადა, რომელმაც მის ბიუროში გაიარა პრაქტიკა და ის-ის იყო დიპლომი მიიღო. იუტა სასურავების რეკონ-სტრუქციით იყო დაკავებული, თომასი ხიდებს აგებდა. როცა იუტა დაფეხმძიმდა, დაქორწინდნენ და იმავდროულად მშვენიერ მანსარ-დაში შესახლდნენ, რომელიც მათმა ბიურომ ააშენა. დამკვეთი ავად გახდა და დაკვეთაზე უარი თქვა. ხედი ტერასიდან შპრეეზე და ტირ-გარტენზე იშლებოდა და რაიხსტაგსა და ბრანდერბურგის ჭიშკარს სწვდებოდა. სასურავის ბალიდან დასავლეთით ჩამავალი მზის დან-ახვაც შეიძლებოდა.





შემდეგ ხიდებიც აღარ აკმაყოფილებდა. წარმატება, შემოსავალი, ბიურო და ოჯახი ეზრდებოდა და მაინც რაღაც აკლდა. თავდაპირველად არ იცოდა, რა. ეგონა, პროფესიული გამოწვევა მჭირდებოდა და კიდევ უფრო მეტს მუშაობდა, მაგრამ კიდევ უფრო მეტად ეძალებოდა და უკმაყოფილებლობის გრძნობა. ერთხელ, როცა ზაფხულში შვებულებით იტალიაში მყოფმა ხიდების ნახაზების შექმნის ნაცვლად მათი ხატვა დაიწყო, რაც ძალიან მოეწონა, გააცნობიერა, რომ ხატვა აკლდა. სკოლის და სტუდენტობის წლებში ხატავდა, ხატავდა, სანამ არ გაიფიქრა, არქიტექტურულ პროექტებშიც ვიპოვი სიხარულსო. ასეც იყო. მაგრამ შემდეგ, ისე, რომ ვერ ხვდებოდა, კვლავ მონატრებოდა ხატვა.

ერთბაშად მონესრიგდა სამყარო. რაკი არქიტექტურა მისთვის უკვე ყველაფერს აღარ წარმოადგენდა, შეეძლო უფრო მსუბუქად მოჰკიდებოდა მას. რაკილა მან, როგორც არქიტექტორმა, უკვე მოიპოვა წარმატება, აღარ სჭირდებოდა წარმატება ეძია, როგორც მხატვარს. ჰოდა, არ აღელვებდა მოდა და ტენდენციები. უბრალოდ ხატავდა, ხატავდა იმას, რაც სიამოვნებდა: ხიდებს, წყალს, ქალებს და ფანჯრებიდან დანახულ ხედებს.

\* \* \*

შემთხვევით ჰამბურგელი გალერისტი ქალი გაიცნო. ერთმანეთის გვერდით აღმოჩნდნენ თვითმფრინავში, რომელიც ლაიფციგიდან ჰამბურგში მიფრინავდა. ქალი თავისი ერთ-ერთი ფილიალიდან სახლში ბრუნდებოდა, თვითონ ერთი სამშენებლო ობიექტიდან მეორისაკენ მიეშურებოდა. თომასმა ნახატებზე ჩამოუგდო საუბარი, რამდენიმე კვირის შემდეგ კი თავისი სურათებით ესტუმრა და რამდენიმე იქვე დახატა მისი შეკვეთით. ერთ დღეს, მისდა გასაოცრად და სასიხარულოდ, გალერეაში გამოფენილი იხილა ისინი. ქალმა, იმ საბაბით, რომ გალერეის რეკონსტრუქციას აპირებდა და მისი რჩევა სჭირდებოდა, ჰამბურგში იხმო იგი. ჰამბურგში ჩასულს მისი სურათები დარბაზში ჩამოკიდებული და, რაც მთავარია, ვერნისაჟისათვის განკუთვნილი დაუხვდა. ოთხი საათი იქნებოდა, გალერეაში რომ მივიდა. ხუთზე პირველი სტუმრები გამოჩნდნენ, რვაზე პირველი სურათები გაიყიდა. ცხრა საათისათვის ვერონიკა და თომასი ისე იყვნენ შამპანურით, წარმატებით და ერთმანეთით მთვრალნი, რომ ვერნისაჟის დამთავრებას არ დალოდნენ, ისე გაემგზავრნენ ვერონიკას სახლში. დილით თომასმა იცოდა, რომ იპოვა თავისი ოცნების ქალი.

როცა ღამენათევი და ბედნიერი მატარებლით ბერლინში ბრუნდებოდა, იმ საუბრისათვის ემზადებოდა, იუტასთან რომ ელოდა. ეს არ იქნებოდა ადვილი. თორმეტი ერთად გატარებული წელი. კარგი და ცუდი დღეები. დარდი და ზრუნვა ბავშვებზე, იუტას მძიმე ორსულობა, როცა გოგონაზე იყო ფეხმძიმედ, ბრძოლა პროფესიული წარმატებისათვის, იუტას ერთი სასიყვარულო გატაცება, ორი – თავისი. ყველაფერს გაუძღეს, ყველაფერი დაძლიეს. ეჩვენებოდა, ერთმანეთს შევეზარდეთ, იუტა ჩემი ნაწილია, მე კი – მისიო. ყოვე-

ელთვის გულახდილი იყვნენ ერთმანეთთან. გულახდილი იმის გამოც, რომ სამყარო იცვლება, ურთიერთობები მუდმივ მოძრაობაშია და ურთიერთობებთან ერთად – ადამიანებიც. არც ბავშვებთან დაპირისპირება იქნებოდა იოლი. როგორ შეხვდებოდნენ მამასთან განშორებას, მშობლების განქორწინებას და მამის ახალ ცოლს. მაგრამ იუტა ღირსეულად მოიქცევა, ვერონიკაც იპოვის სწორ მიდგომას, სწორ ტონს ბავშვებთან. ის ხომ არაჩვეულებრივი ქალია.

ბერლინში ბევრი არასასიამოვნო ამბავი დახვდა. ანსბაჰერის ქუჩაზე ახალდამთავრებულ მანსარდაში ღამით ცეცხლი გაჩენილიყო, ქალიშვილი სიცხიანი ინვა, ქალი, რომელიც ოჯახურ საქმეებში ეხმარებოდა და ბავშვებს უვლიდა, ორი კვირით პოლონეთში გაგზავრებულიყო ახლობლების სანახავად. საღამოს ათი საათისთვის იუტა და თომასი ქანცგანყვეტილი ისხდნენ სამზადში და პიცას მირთმევდნენ.

„რალაც მინდა გითხრა“, – უკან მოაბრუნა ცოლი, ვახშმის შემდეგ რომ წამოდგა და საძინებელში დააპირა გასვლა.

„გისმენ“.

„ქალი გავიცანი. მგონი შემეყვარდა“.

იუტა ქმარს მიაჩერდა. სახე ჩაუმუქდა. იქნებ დაღლილობის ბრალი იყო? შემდეგ გაიღიმა და ნაჩქარევად აკოცა ქმარს. „მართლა, ჩემო ძვირფასო? ასე იყო ოთხი წლის წინ“, გამოითვალა, „და უფრო ადრე – რვა წლის წინ“. ერთხანს იდგა და იატაკს დაშტერებოდა. თომასს ვერ გაეგო, რაღაცის თქმა სურდა, თუ ელოდა, ქმარი ეტყოდა რამეს. „ჩაკეტავ რეგულას ოთახში ფანჯარას?“ – ჰკითხა ბოლოს.

თომასმა თავი დაუქნია თანხმობის ნიშნად. გოგონას ჯერ კიდევ ჰქონდა სიცხე. სანამ საბანს უსწორებდა და მძინარეს დასცქეროდა, იუტა ლოგინში შეწვა. თომასს ბავშვურ საქციელად მოეჩვენა ტახტზე დაეძინა საერთო ოთახში, რაც განზრახული ჰქონდა. გაიხადა და საწოლის მისთვის განკუთვნილ მხარეზე დანვა. ნახევრად მძინარე იუტა ქმარს ჩაეხუტა.

„შავგვრემანია ჩემსავით?“

„ჰო!“

„ხვალ მიაბე მასზე“.

\* \* \*

ვერონიკა თომასს არ აჩქარებდა. ესმოდა, რომ იუტასთან განქორწინების დრო არ იყო, სანამ რეგულა ავადმყოფობდა, სანამ ბავშვების მომვლელი ქალი პოლონეთში იმყოფებოდა, სანამ იუტა ხანძრის შედეგების ლიკვიდაციით და ორი ახალი თანამშრომლის სამუშაოში ჩართვით ისე იყო დაკავებული, თავის მოსაფხანად არ ეცალა, სანამ თომასი ჰუძონზე ახალი ხიდის დაპროექტებაზე მუშაობდა. ბოლოს და ბოლოს, ჰამბურგის გალერეა და მისი ფილიალები ლაიფციგსა და ბრიუსელში ვერონიკასაც თავზე საყრელად უჩენდა საქმეს. გარდა ამისა, იმ ქალებსაც არ განეკუთვნებოდა, კალთაზე გამოკერებული რომ სურთ ჰყავდეთ ქმრები. განა საკმარისი არ არის, თომასისა და იუტას ქორწინებიდან გარსის მეტი რომ არაფერი





დარჩა და ისიც ბიუროსა და ბავშვების წყალობით? რომ პირადი ცხოვრებით თომასი მასთან ცხოვრობს და ყოველ თავისუფალ წუთს მასთან ატარებს? არდადეგები თომასმა გაანაწილა. ერთი კვირა იუტასთან და ბავშვებთან ერთად თხილამურებით სრიალში გაატარა, შემდეგ ის და ვერონიკა მიუნხენიდან ფლორიდაში გაფრინდნენ, სადაც გალერისტს ბინა ჰქონდა. ზაფხულში ათდღიან ველოტურში იყო ვაჟებითურთ, ორი კვირით კი ვერონიკას გაჰყვა პელოპონესში სამოგზაუროდ. შობის დღესასწაულს სახლში შეხვდა, ახალ წელს – ჰამბურგში. ვერონიკამ თავის უზარმაზარ ბინაში ატელიე მოუწყო და ისიც ხატავდა. ოჯახი გაგებით ეკიდებოდა იმას, რომ თომასს ხატვისათვის განმარტოება სჭირდებოდა და არავის არ უნდა სცოდნოდა, საითკენ გაუწევდა გული.

გაზაფხულს ზაფხული მოჰყვა, ზაფხულს შემოდგომა, შემოდგომას ზამთარი და 15 იანვარს ერთი წელი შესრულდა ვერონიკასთან. ვერონიკამ მეორე გამოფენა თომასის სურათებით გახსნა. მომდევნო დღეს ისევ მატარებლით დაბრუნდა თომასი ბერლინში, მაგრამ არც ისე ღამენათევი და ბედნიერი, როგორც ერთი წლის წინ. თუმცა მაინც ბედნიერი, მიუხედავად იმისა, რომ სწორად არ მიაჩნდა თავისი გაორებული ყოფა. ასე ცხოვრება არ შეიძლება, არ შეიძლება ასე მოექცე ქალებს, არ შეიძლება ნახევრად ეკუთვნოდე შევილებს. რა მოხდება, ვერონიკას რომ ბავშვი ეყოლოს? ვერონიკას მისთვის არ უთქვამს, მაგრამ შეამჩნია, რომ ქალი თავს აღარ იცავდა. მტკიცედ გადაწყვიტა, იუტას დალაპარაკებოდა, მაგრამ სახლში ყველაფერი ძველებურად დახვდა. არავითარი საფუძველი არ ჰქონდა, სწორედ ახლა ესაუბრა დაცელებასა და განქორწინებაზე. როცა ვახშობისას მრგვალ მაგიდას უსხდნენ, იცოდა, რომ ოჯახის დაკარგვა არ სურდა. უღელა ბიჭები, ცოტათი ველურები, მაგრამ გულღიები და მუდამ მზად მყოფნი, მხარში ამოგიდგნენ; ქალიშვილი – მისი ქერთ-მიანი ანგელოზი და იუტა – გულითადი, დიდსულოვანი, ეფექტური და უცვლელად მიმზიდველი – თომასს უყვარს ისინი და რატომ უნდა დათმოს?

მეორე წელს ვერონიკას ქალიშვილი შეეძინა. თომასი გვერდით ჰყავდა მშობიარობისას და შემდეგაც იმდენჯერ ინახულა, რამდენჯერაც ამის უფლება მისცეს. დანარჩენ დროს ვერონიკას და კლარას საავადმყოფოდან გამოყვანამდე სახლში იჯდა და ხატავდა. ორი კვირით დაემშვიდობა ბერლინს. ორ კვირაში ჰამბურგის ბინა ოჯახად ექცა, მეორე ოჯახად, ისე, რომ ბერლინის ბინას არ შეუწყვეტია მის ოჯახად ყოფნა. მაშ, უკვე იქაც შინ იყო და აქაც.

ყველაფერი უკვე დამლელი ხდებოდა. ვერონიკას ის სჭირდებოდა. ქალის გაღიზიანებული, დაყენებული მომთმენი ტონი ჭკუიდან შლიდა, ხოლო უგულო დამოკიდებულება არა, მაგრამ არასაკმაონდობა, თითქოს მოქმედების ეგოისტური სტატისტი ყოფილიყო მხოლოდ, გულს სტკენდა.

„არ ვიცი, ყოველივე ამას როგორ გავუმკლავდე“, – აყვირდა ვერონიკა ერთ დღეს. „ისიც ვერ გამიგია, ჩემი მდგომარეობა უფრო იოლი და მშვენიერია, თუ შენი ცოლის“. შემდეგ ატირდა. „ამჟამად



მე მაქვს სირთულეები. ვიცი, ასე არ იქნებოდა, მართლა ერთად რომ ვყოფილიყავით. არასდროს გაჩქარებდი, მაგრამ ახლა ვაკეთებ ამას. ჩემი და ჩემი ქალიშვილის გამო. პირველ წლებში განსაკუთრებით სჭირდები მას. შენი შვილები ბერლინში უკვე კარგა ხანია გამოვიდნენ ამ ასაკიდან“

იქ – სახლში, ბერლინში – უტაც აჩქარებდა. მათ არასოდეს გაუყვიათ სარეცელი. არც კლარას დაბადებამდე და არც დაბადების შემდეგ. თომასს ძველებური ვნება დაუბრუნდა. როცა ღონემიხდილნი და დაკმაყოფილებულნი ერთმანეთის გვერდით იწვნენ, იუტა ნიუ-იორკის პროექტებზე ესაუბრებოდა. არ სურს თავად ააგოს ხიდი ჰუდონზე? სიცოცხლეში ერთხელ მაინც თავად უხელმძღვანელოს ხიდის მშენებლობას? ორი ან სამი წლით, რომელიც ხიდის მშენებლობას დასჭირდება, ყველანი ნიუ-იორკში გადასახლდნენ? ბავშვები იქაურ სკოლაში მიაბარონ? პარკთან მდებარე ის მშვენიერი ბინა იქირაონ, უკანასკნელი მოგზაურობისას რომ ნახეს? იუტას ტონი არ იყო მომთხოვნი, მაგრამ თომასი ხვდებოდა, ცოლს აღარ სურდა ამჟამინდელ სიტუაციაში ყოფნა და მის შეცვლას ესწრაფვოდა. ესეც დამლელი იყო.

ამდენი ველარ აიტანა და შემოდგომაზე სკოლისა და სტუდენტობის დროინდელ მეგობართან ერთად რამდენიმე დღიანი გასვლა მოაწყობა ბუნებაში, კერძოდ, ვოგეზენში. ფოთლები ქრელი იყო, მზე – ჯერ კიდევ თბილი და მინა, წინა წვიმიანი კვირის გამო – მძიმე და სურნელოვანი. ბილიკებს გერმანია-საფრანგეთის საზღვრებამდე მიუყვებოდნენ. ღამეს პატარა სასტუმროებში ან ხეობის რომელიმე სოფელში ათევდნენ. მეორე საღამოს სასტუმროში ორ სტუდენტ გოგონას შეხვდნენ. ისინიც გერმანიიდან იყვნენ. ერთი ხელოვნების ისტორიას ეუფლებოდა, მეორე – სტომატოლოგიას. მესამე საღამოს შემთხვევით კვლავ შეხვდნენ ერთმანეთს. ერთად მეტად მხიარულად, ხალისიანად და უდარდელად გრძნობდნენ თავს, როცა თომასის მეგობარმა ხელოვნების ისტორიკოსი თავისთან წაიყვანა, თომასი გოგონების ოთახში მარტო აღმოჩნდა სტომატოლოგთან. ასე უნებურად გაიყვეს ქალები. ქერათმიან ჰელგას არაფერი ჰქონდა საერთო იმ ნაზ, ნერვიულ აგებულებას, დახვეწილ მომხიბლაობასა და ენერჯიასთან, იუტასა და ვერონიკაში რომ გაერთიანებულიყო. იგი იყო დიდი, ისე ქალური, ისე მიმზიდველი, ისე ახარებდა მას და ხარობდა მისით, რომ თომასს ყველა საზრუნავი, დაღლა და გადანყვეტილებები არარად მოეჩვენა.

მომდევნო დღეს ოთხივემ ერთად განაგრძო ლაშქრობა. შემდეგ კი გოგონები სახლში, კასელში, დაბრუნდნენ. დამშვიდობებისას გამოირკვა, რომ ზამთრის სემესტრისათვის ბერლინში უწევდათ ჩამოსვლა. ჰელგამ თომასს თავისი მისამართი მისცა. „შემეხმებიანები?“ თომასმა თანხმობის ნიშნად თავი დაუკრა. როცა ნოემბერში ველარ გაუძლო იუტას გეგმებისა და ვერონიკას საყვედურების მოსმენას, ჰამბურგში ჩვილის ტკბილ სურნელს და ბერლინში ყვინჩილობის ხანაში მყოფი ბიჭების ხმაურს, მეტად ბევრ საქმეს ბიუროში და დროის ნაკლებობას ატელიეში, ჰელგას დაურეკა.





ჰელგასგან ორი ნომერი აკრიფა და ორჯერ იცრუა – სასწრაფოდ ლაიფციგში უნდა გავემგზავროო.

„ორი ცოლი გყავს?“ – სიცილით ჰკითხა ქალმა.

\* \* \*

ჰელგას გარეშე ზამთარს ვერ გადაიტანდა. ქალი შეკითხვებით თავს არ აბეზრებდა, არც ბევრს ლაპარაკობდა. იყო ლამაზი, მგრძობიარე, ხარობდა მისით საწოლში, მასთან მგზავრობით, ტრაპეზით და მისი საჩუქრებით. თომასი, ბედნიერი ამ ურთიერთობით, ანებივრებდა მას და წამლად ჰყავდა, როცა ყველაფერს ერთად ვერ უმკლავდებოდა.

ასე იყო მანამ, სანამ ჰელგას გამოცდის ჩაბარების უამი მოუახლოვდებოდა და პაციენტი დასჭირდებოდა. თომასს სთხოვა პაციენტობა და მანაც ვერ უთხრა უარი, მიუხედავად იმისა, რომ ელოდა განსაკუთრებით მტკივნეულ ნემსებს, განსაკუთრებულად მტანჯველ ბურღს, ცუდ ბჯენებს და უვარგის გვირგვინებს. ფაქტობრივად სულ სხვა რამ მოხდა. არაფერს უკეთებდნენ შეცდომით, არაფერი იყო მტკივნეული ან მტანჯველი. პირიქით, ჰელგას ყოველ ნაბიჯს ვერ ექიმი-ასისტენტი ამოწმებდა, შემდეგ მთავარი ექიმი, თუ მნიშვნელოვან ან რთულ ნაბიჯთან ჰქონდათ საქმე. ასისტენტის და მთავარი ექიმის ლოდინიც არ იყო უსიამოვნო. ჰელგა და მეორე სტუდენტი გოგონა – ისინი ასისტირებას უწევდნენ ერთმანეთს, ესაუბრებოდნენ და ეხუმრებოდნენ. როცა ჰელგა მუშაობისას დაიხრებოდა, მისი მკერდი სახეზე ეხებოდა. მაგრამ ყველაფერი უსასრულოდ გაგრძელდა. თომასი საათობით, მთელი ნახევარი დღე იყო კლინიკაში. თუ ცხრა საათზე ეწყებოდა ვიზიტი, შუადღის ყველა შეხვედრა ეშლებოდა და თუ ორზე, ხუთ საათამდე იქ იჯდა, ვერც მოლაპარაკებაზე მისვლას ახერხებდა, ვერც მშენებლობაზე და ვერც ხელმძღვანელობასთან. იძულებული იყო ყველა შეხვედრა საღამოსთვის გადაეტანა და უფრო მეტი საქმე უქმე დღეებისათვის მოეტოვებინა. ასე რომ, ბერლინისა და ჰამბურგის სტრუქტურა, დიდი ოსტატობით აგებული, შეირყა.

თომასი მიხვდა, რა აუტეხა თავს, რა აუტეხა ჰელგამ და დააპირა ნახევრად შევსებული ფესვებით, ნახევრად გაკეთებული ბჯენებით და გვირგვინებით თავის კბილის ექიმთან მისულიყო და ყველაფერი ორ საათში მოემთავრებინა. როცა ეს ჰელგას გაუმხილა, ქალმა ცივი მრისხანებით უპასუხა – ველარასოდეს იხილავს მას, თუ ახლა მიატოვებს განსაცდელში. მართალია, ვერ არ იცის, რით გადაუხდის ზიანს, მისი წასვლით რომ მიადგება გამოცდას, მაგრამ ისეთ რამეს მოიფიქრებს, არასოდეს დაავინწყდება. თომასს არ სურდა, რაიმე დამუქრებოდა ჰელგას გამოცდას. მან უბრალოდ არ იცოდა, რომ მკურნალობისათვის თავის დანებება ასეთ საფრთხეს შეიცავდა და მაშინვე გამოთქვა მზადყოფნა, გაეგრძელებინა მისი პაციენტობა. ჰელგას ასეთი უხეში რეაქცია, მდგომარებიდან გამოსვლა სრულიად არ იყო საჭირო. მაგრამ ერთი რამ გაცხადდა: ჰელგას მომხიბლავი ქალურობის უკან სიმტკიცე და სისასტიკე იმალებოდა.



როცა ჰელგამ გამოცდა ბრწყინვალედ ჩააბარა, კერძო კლინიკის პროექტზე ალაპარაკდა. ექიმ-ასისტენტად ყოფნის პერიოდში დაიწყებს მის მომზადებას. არ სურს, როგორც არქიტექტორი მისი თანამონაწილე გახდეს? მასთან ერთად დააპროექტოს და აშენოს? როგორც ფარულმა მენილემ მასთან ერთად მიაღწიოს წარმატებას და დატკბეს ამ წარმატებით?

„ვის სჭირდება კერძო სტომატოლოგიური კლინიკა?“

„ვის სჭირდება შენი ბინები? ან შენი ხიდები? ან შენი სურათები?“

ქალი გამომწვევად შესცქეროდა, თითქოს სურდა, ეკითხა, საერთოდ შენ ვის სჭირდებიო.

დუმილი სიცილით დაარღვია თომასმა. რა მებრძოლია ჰელგა. საპროექტო და მენილეობის ხელშეკრულების დადებისას ფრთხილად უნდა იყოს, არ გააცუროს.

ქალი მიხვდა, რომ თომასი მაინცდამაინც სერიოზულად არ მოჰკიდებია მის წინადადებას და შეეცადა, მოთმინებით აეხსნა მისთვის სტომატოლოგიური კლინიკის უპირატესობა კბილის ექიმის პრაქტიკასთან შედარებით.

„შენ ფიქრობ, ჩემი ექიმი ხშირად მგზავნის კლინიკაში, ჩემს სტომატოლოგს კი ჯერ არ გავუგზავნივარო, არა? მაგრამ ბერდები. შენი სტომატოლოგი ყველაფერს ვერ გაგიკეთებს და თუ გაგიკეთებს, ცუდად. კლინიკაში სხვადასხვა სპეციალისტები მოგემსახურებიან, კბილის დაბჯენა დაგჭირდება, პროთეზი თუ პარადონტოზის მკურნალობა“.

ჯერ „საერთოდ, ვის სჭირდები?“ შემდეგ „ბერდები“. თომასი განაწყენდა. მიღებისა და გაცემის განაწილებისას უფრო სიყვარულით მოპყრობა ეკუთვნოდა ჰელგასგან.

ქალმა ეს შეატყო და ენად გაიკრიფა: რა ბედნიერებაა, რომ ის ჰყავს, რომ ის არსებობს მის ცხოვრებაში, როგორი აღფრთოვანებულია მისით, როგორც არქიტექტორით და მხატვრით, რა მამაკაცია, მან აგრძნობინა, რომ ქალია.

მეტის თქმა საჭირო აღარ იყო.

\* \* \*

ზაფხული ენერგიით იყო სავსე. ქალაქს ენერგიულად წაეგრძელებინა ამნე ცისკენ, თხრიდა ხვრელებს მიწაში და ზრდიდა სახლებს. ამინდის ენერგია განტვირთვას ჭექა-ქუხილში პოულობდა. ცხელი დღეები იდგა. შუადღისას ღრუბლები იფანტებოდა, გვიან, ნაშუადღევს კი ცა იქუფრებოდა, ქარი ამოვარდებოდა და მოკიაფე ელვასა და მოგრუხუნე ჭექა-ქუხილის ქვეშ პირველი მძიმე წვეთი ეცემოდა მიწას. ოცი წუთის ან ნახევარი თუ სამი მეოთხედი საათის განმავლობაში კოკისპირულად წამოუშენდა. შემდეგ ქალაქში მტვრისა და წვიმის სუნი დატრიალდებოდა და სიჩუმე ისადგურებდა, სანამ ხალხი, უამინდობას რომ შეერეკა სახლებში, საღამოხანს ქუჩაში არ გამოეფინებოდა. ცოტა ხნით ერთხელ კიდევ დაფერავდა ქალაქს





გვიანი მზის შუქი, ნათელი დაისი უამინდობის სიბნელესა და ღამის სიბნელეს შორის.

თომასი თავს ენერგიულად, მოქნილად, მსუბუქად გრძნობდა. ყველაფერს ახერხებდა, ხიდების დაპროექტებას ჰუდონზე, სურათების სერიის შექმნას, ბიუროში შერბენას. იუტასთან ერთად ორი-სამი წლით ნიუ-იორკში გამგზავრებას გეგმავდა, ვერონიკასთან ერთად – მასთან გადმოსვლას იუტასთან განქორწინების შემდეგ, ჰელგასთან ერთად – იმას, რასაც ქალი თავისი წარმატების ქმნილებას და ნეტარებას უწოდებდა. თომასი ტკბებოდა ჟონგლიორის მაღალი გრძნობებით, ჟონგლიორისა, რომელიც რგოლს რგოლზე უმატებს და ოსტატურად ათამაშებს თითოეულ მათგანს.

შიშთან რა დამოკიდებულებაშია ჟონგლიორი? შიშიც იზრდება რგოლების მატებასთან ერთად? იცის მან, რომ თამაში არ შეიძლება უსასრულოდ გაგრძელდეს, რომ შეიძლება დაიბნეს, რამეს წამოედოს და ყველაფერი ჩაეშალოს? არ იცის ეს? თუ სულერთია მისთვის? თომასი ზაფხულის სიმსუბუქეში თამაშის მსუბუქად დამთავრებას, რგოლების სათითაოდ გვერდზე გადადების შესაძლებლობას ჭვრეტდა. ჰელგას თავაზიანად ეტყვის, რომ ყველაფერმა ჩაიარა, სიამოვნებით დარჩება მის მეგობრად და სიამოვნებით დაეხმარება მას, როგორც მეგობარი, მაგრამ საერთო მშენებლობა, არაოფიციალური მენილეობა არ გამოვა. ვერონიკასთან მშვიდად მოუწევს საუბარი ალიმენტზე, კლარასთან კონტაქტზე, ატელიეში მის წარმომადგენლობაზე. ვერონიკამ იცის მოლაპარაკება, საქმიანი ქალია. თომასის სურათების სარფიანად გაყიდვით იგი ისევეა დაინტერესებული, როგორც თვითონ – ქალიშვილთან კონტაქტით. იუტას აუხსნის, რომ თხუთმეტი წელი საკმარისია პარტნიორებად დარჩენენ ბავშვებთან დამოკიდებულებაში, ბიუროში, მაგრამ სხვა მხრივ უნდა გაათავისუფლონ ერთმანეთი. რა არის ძნელი იმაში, რგოლები კვლავ ამოიღო თამაშიდან? ჯერ ერთი, მერე მეორე?

აგვისტოში 49 წელი უსრულდებოდა. სამივე ქალს უნდოდა მასთან ერთად ეზეიმა ეს თარიღი. ორი ქალის მოცილებას შეჩვეული იყო, როცა მესამესთან უნდოდა ყოფნა. ასეთივე ადვილი აღმოჩნდა სამივესგან თავის დაღწევა.

მარტომ გაატარა ეს დღე. და იგი „შატალოს“ ჰგავდა. ერთ-ერთ ტბაზე გაემგზავრა ქალაქის კარიბჭესთან, იცურავა, ინებივრა მზეზე, დალია წითელი ღვინო, დაიძინა, ისევ გაცურა. საღამოთი ტბის მეორე ბოლოს ტერასიანი რესტორანი იპოვა. შეექცეოდა საჭმელს, წრუპავდა წითელ ღვინოს და შესცქეროდა მზის ჩასვლას. თომასი კმაყოფილი იყო სამყაროთი და საკუთარი თავით.

წითელი ღვინის ბრალია? მშვენიერი დღის და საღამოსი? პროფესიული წარმატებების და იღბალის ქალებში? ერთი წელი კიდევ აქვს დრო, სანამ ორმოცდაათის შესრულდება და ყველაფერს შეაჯამებს. მაგრამ აქამდე ხომ არაფერი შეცვლილა მისი ცხოვრების წიგნში? თითქმის ოცდაათი წლის წინ გააბა კავშირი სამყაროსთან, რათა უკეთესი და უფრო სამართლიანი გაეხადა იგი. რადგან დედამიწაზე ყველასთვის მოიპოვება საკმაო პური, ვარდები, მურტები, სილა-

მაზე, სიხარული და შაქრის მუხუდო. ჰაინეს შაქრის მუხუდომ ის მაშინ განსაკუთრებულად მოხიბლა, უფრო მეტად, ვიდრე მარქსის კომუნისტურმა საზოგადოებამ. თუმცა წარმოდგენა არ ჰქონდა როგორ გამოიყურებოდა, რა გემოსი იყო და როგორ შეეფარებოდა ნორმალურ მუხუდოს. მაგრამ იმაზედაც არ ჰქონდა წარმოდგენა, როგორ გამოიყურებოდა კომუნისტური საზოგადოება, როგორი გემოსი იყო და როგორ შეეფარებოდა ნორმალურ საზოგადოებას. დიახ, შაქრის მუხუდო ყველასთვის, როგორც კი პარკები დასკდება.

კვლავ ჩაებას პოლიტიკაში? მწვანეებს შეუერთდეს, სადაც მისი მაშინდელი მეგობრები იყვნენ, თუ გერმანიის სოციალ-დემოკრატიულ პარტიას, სადაც ახლანდელი მეგობრები ეგულებოდა? ისინი მას პოლიტიკური აქტივობისკენ მოუწოდებდნენ. ადმინისტრაციულად გაერთიანებული აღმოსავლეთ-დასავლეთ ბერლინი პოლიტიკურად და არქიტექტურულადაც უნდა შეეზარდოს ერთმანეთს. ერთი ვერაფერს გააწყობს მეორის გარეშე და ორივე – ვერაფერს ისეთი კაცების გარეშე, როგორც თვითონაა. მამაკაცები – პოლიტიკაში, მას ქალებთან ურთიერთობა ურჩევნია. პოლიტიკურად ანგაჟირებული ქალი, ნიკელისჩარჩოიანი სათვალთ და შინიონით, რომელსაც ხშირი წითელი თმა მხრებზე ეყრება, როცა შინიონს მოიხსნის და რომლის თვალები სათვალის გარეშე მომაჯადოებლად და მაცდუნებლად იცქირებიან.

გაეცინა. ეს წითელი ღვინის ბრალი იყო. მაგრამ მარტო წითელი ღვინის? წითელ ღვინოში განა ღრმა სიბრძნე არ არის დამალული, რომელიც მისთვის გაცხადდება, ვინც მას გახსნის? შაქრის მუხუდოს სიბრძნე? ბედნიერი უნდა იყო, რომ შეძლო სხვა გახადო ბედნიერი. თავად უნდა მიაღწიო წარმატებას, ხარობდეს მისით, რომ სხვას შეუწყო ხელი წარმატების მიღწევაში და თვით მაშინაც კი, როცა მარტო საკუთარ თავს აბედნიერებ – ყოველი წვეთი ბედნიერებით, რომელიც სამყაროში მოედინება, სამყარო ბედნიერ ადგილად იქცევა, როგორც საკუთარი, ისე სხვისი წვეთებით. არავის არ შეიძლება რაიმე ტკივილი მიაყენო. ის არავის არ მიაყენებს რაიმე ტკივილს.

ასე იჯდა თომასი ტერასაზე. მთვარიანი ღამე იყო. რა კარგია, როცა მიზეზი და უფლება გაქვს კმაყოფილი იყო სამყაროთი და საკუთარი თავით.

\* \* \*

სექტემბერში ნიუ-იორკში მოუწია გამგზავრება. მოლაპარაკებები ხიდის მშენებელ კომპანიასთან რამდენიმე კვირა გაგრძელდა. სტილი, რომლითაც ის მიმდინარეობდა, თომასისათვის აუტანელი იყო. აუტანელი იყო ყალბი შინაურული ტონი – შენობით მიმართვა, ცოლ-შვილზე, გატარებულ უქმე დღეებზე საუბარი, თბილი მისალმება დილაობით. აუტანელი იყო ერთი დღის მოლაპარაკების ზეპირად მიღწეული შედეგები მომდევნო დღეს პროექტში წერილობით მხოლოდ ნახევრად რომ აისახებოდა და მეორე ნახევარს ხელახლა სჭირდებოდა მოლაპარაკება. გარდა ამისა, ნიუ-იორკში სამუშაო







დღის დამთავრების შემდეგ ტოკიოში ეწყებოდა სამუშაო დღე. ტოკიოელ პარტნიორთან ტელეფონით დილამდე უწევდა ამა თუ იმ საკითხის განხილვა.

ერთ დღეს მოთმინების ფიალა აევსო. ნიუ-ჯერსისთან არსებობდა პოლიტიკური პრობლემები, რომლის გადაჭრა მხოლოდ გუბერნატორს შეეძლო. როცა ცხადი გახდა, რომ გუბერნატორი იმავ დღეს არ აპირებდა მის მოგვარებას, უაზროდ მიიჩნია სხვებთან ერთად ჯდომა და ლოდინი და ქალაქში გავიდა.

კარგა ხანს იხეტიალა, გაისეირნა პარკში, მუზეუმს სტყორცნა მზერა, ჩაუარა სახლს, რომელშიც იუტა იცხოვრებდა სიამოვნებით, გადაიარა უბანი, სადაც მხოლოდ ესპანური ესმოდა და ბოლოს, დიდი ეკლესიის პირდაპირ იპოვა კაფე, რომელიც მოენონა. ეს არ იყო ელევანტური კაფე, სადაც სწრაფად გემსახურებიან, მაგრამ ასევე სწრაფად გინერენ ანგარიშს, გადაგახდევინებენ ფულს და გაგისტუმრებენ. სტუმრები ისხდნენ, წერდნენ, კითხულობდნენ, როგორც ვენის კაფეებში. თითქოს სიჩქარე არ არსებობდა. ტროტუარზე ყველა მაგიდა დაკავებული იყო და თომასი შიგნით შევიდა.

გზაში სამი ღია ბარათი იყიდა. „საყვარელო ჰელგა, – ჩანერა პირველში, – ქალაქი ცხელია და ხმაურიანი. ვერ გამიგია, რითი იმსახურებს მონონებას. მომბეზრდა მოლაპარაკებები, მომბეზრდნენ ამერიკელები და იაპონელები, მომბეზრდა ჩემი ცხოვრება. ხატვა მენატრება და ყველაზე მეტად შენ მენატრები. როცა დავბრუნდები, ყველაფერი თავიდან დავიწყოთ, კარგი?“ მიყვარხარო, დაამატა და ხელი მოაწერა წერილს. თვალწინ წარმოუდგა ჰელგა – მშვენიერი, მგრძნობიარე და ამავე დროს მკაცრი, ანგარიშიანი, თუმცა გაანგარიშებას დაქვემდებარებული, ხშირად უგულო და მაინც სიყვარულს მონყურებული და სიყვარულისათვის მზადმყოფი. აჰ, მასთან გატარებული ღამეები!

„საყვარელო ვერონიკა“, დაიწყო მეორე ბარათი და აღარ იცოდა, როგორ გაეგრძელებინა. უკანასკნელი შეხვედრისას ჩხუბით დასცილდნენ ერთმანეთს. ვერონიკა უსამართლოდ მოექცა, მაგრამ იცის, რომ სასონარკვეთამ გააკეთებინა ეს. ქალი კართან იდგა და უყვიროდა, ეშმაკსაც ნაუღიხარო. შემდეგ ელოდა, თომასი დაბრუნდება, მომეხვევა და ყურში ჩამჩურჩულებს, ყველაფერი კარგად იქნებაო. „როცა დავბრუნდები, ყველაფერი თავიდან დავიწყოთ, კარგი? მენატრები, ხატვა მენატრება, მაგრამ შენსავით არავინ და არაფერი. მომბეზრდა ასეთი ცხოვრება. მომბეზრდა სამუშაო, მოლაპარაკებები. მომბეზრდნენ ამერიკელები და იაპონელები. ქალაქი მომბეზრდა. ცხელა. ვერ გამიგია, რა მოსწონთ მისი. მიყვარხარ. თომასი“.

მესამე ბარათზეც ბრუკლინის ხიდი იყო გამოსახული ჩამავალი მზის შუქზე. თომასი დიდხანს ფიქრობდა, რა მიეწერა ცოლისთვის. „საყვარელო იუტა, – დაიწყო ბოლოს, – გახსოვს ქალაქი გაზაფხულზე? ახლა აქ ხმაურია და ცხელა, ვერ გამიგია, რით იმსახურებს მონონებას. ამერიკელები და იაპონელები, რომლებთანაც გაუთავებლად ვანარმოებ მოლაპარაკებებს, მომბეზრდნენ. ჩემი ცხოვრებაც

მომბეზრდა, რადგან ხატვისთვის და შენტვის ადგილი აღარ რჩება მასში. მიყვარხარ და მენატრები. როცა დავბრუნდები, თავიდან დავინყოთ ყველაფერი, კარგი?“ იცოდა, როგორ გაიღიმებდა იუტა კითხვისას. გაიღიმებდა განცვიფრებული და ბედნიერი, თუმცა ცოტათი სკეპტიკური. ამ ღიმილზე ოცი წლის წინ იყო შეყვარებული და მას იგი დღესაც აჯადოებდა. მარკები დააკრა ბარათებს. ქურთუკი სკამის ზურგზე გადაკიდა, გაზეთი მაგიდაზე დადო, საფოსტო ყუთისაკენ გაეშურა ქუჩის მეორე მხარეს. ბარათები ჩაყარა და თავის მაგიდასთან დაბრუნდა.

იჯდა და ღია ფანჯრიდან ტროტუარის ფუსფუსს გასცქეროდა. მხოლოდ რამდენიმე მეტრი ამორებდა ფეხით მოსიარულეებს, შეეძლო დაეძახა მათთვის, გამოლაპარაკებოდა მათ, რამდენიმე ნაბიჯი და თავად აღმოჩნდებოდა ერთ-ერთი მათგანი – ფეხით მოსიარულე ტროტუარზე, ან, პირიქით, რამდენიმე ნაბიჯი და ისინი კაფეში შესვლას და მაგიდასთან დასხდომას შეძლებდნენ, იქნებ მის პირდაპირ ან გვერდითაც. აი, ერთმა ტროტუარიდან კაფეში შემოუხვია, დახლთან ნამცხვარი და ყავა შეუკვეთა, დატოვა თავისი სახელი, იპოვა მაგიდა, ამოიღო წიგნი, ქალაღი, ფანქარი და აქეთო, ანიშნა ოფიციანტს, როცა ამ უკანასკნელმა შეკვეთილი ნამცხვარი და ყავა ლანგარზე დადო და მისი სახელი დაიძახა – ტომ. მასაც ტომი რქმევიაო.

ისევ გარეთ იცქირებოდა. ტროტუარზე სიცოცხლე ჩქეფდა, რას აკეთებდნენ ადამიანები? ბუნებრივია, იცოდა მან. აქეთ ორნი ერთმანეთს ეხვეოდნენ, თვალებში შესცივინებდნენ და კოცნიდნენ. იქით – დედ-მამა და ბავშვი სავსე ჩანთებით საყიდლებიდან ბრუნდებოდნენ. გაცვეთილ ტანსაცმელში გახვეული შავკანიანი, მარცხნიდან რომ იჭრებოდა მის თვალთახედვაში, მათხოვრობდა. ჯერ ტურისტებმა ჩაიარეს, შემდეგ მოსწავლეებმა და მიხაკისფერ შარვალსა და ხალათში გამონყობილმა კაცმა, ამანათი რომ მიჰქონდა United Parcel Service-სათვის. მაგრამ რატომ აკეთებდნენ ისინი, რასაც აკეთებდნენ? რატომ შეჩერდა ის მშვენიერი და საყვარელი არსება? იმ უტიფარ დამუნუკებულ სახეს რომ მოხვეოდა? რატომ მოავლინეს მშობლებმა ეს ჭყიპინა სისხლისმწოველი ქვეყნად, რატომ ზრდიან მას და იხარჯებიან მისი საყიდლებისათვის? რატომ არსებობენ თავად ისინი? კაცი, ეტყობა, ხელმოცარული მომეცნიერო ბლენძიაა, ქალი კი უკვე ერთი შვილის გაჩენით ილაჯგანყვეტილი. რას ელოდება მათხოვარი, რამ აფიქრებინა, რომ რაღაცას უნდა ელოდებოდეს და ვინმეს უნდა აინტერესებდეს? ვის დააკლდებიან უსაფუძვლოდ მხიარული ტურისტები, უცბად რომ შთანთქას მიწამ? ან მოსწავლეები, ახლავე რომ განუტევეონ სული? მშობლებს? მაგრამ სულერთი არ არის, დღეს მშობლებს დააკლდები თუ მოგვიანებით შვილებს და კიდევ უფრო გვიან შვილიშვილებს? ნაადრევი სიკვდილის ტრაგიზმი? ის, რომ ნაადრევი სიკვდილის შემდეგ ცხოვრება არ გრძელდება, ისევე ნაკლებად ტრაგიკულად მიაჩნდა თომასს, როგორც ის, რომ დაგვიანებული სიკვდილის შემდეგ არ გრძელდებოდა ან დაბადებამდე არ არსებობდა.

კაცმა, რომელსაც United Parcel Service-სათვის მიჰქონდა ამანა-







თი, ნაიბორძიკა და ტროტუარზე ნაიქცა. რატომ იწყებდებოდა? თუ სიკვდილი ცუდია, უნდა უხაროდეს, რომ ცოცხალია და თუ სიკვდილი მშვენიერია, მისი მარადიულობის წინაშე სულერთი უნდა იყოს მისთვის ანმყო და ამ დაცემის წამი. მშვენიერმა წყვილმა ჩაიარა. ტანწერნეტებმა, მხიარულებმა, ჭკვიანი, ფხიზელი სახეებით. ქალი არ ეხუტებოდა უტიფარ, დამუნუკებულ სახეს და ვაჟი მოხდენილ, საყვარელ შტერუკას. მაგრამ ეს არაფერს ცვლიდა უკეთესობისაკენ. ლაპარაკი იმაზე კი არ იყო, რომ ამოება და უბადრუკობა თვალში საცემია, თომასი მას იქაც ხედავდა, სადაც ის უხილავი იყო, ის მას ყველგან ხედავდა.

თავის თავს ეკითხებოდა, იარაღი რომ ჰქონოდა, ხომ არ დაცხრილავდა ყველა ფეხით მოსიარულეს, როგორც მისი ვაჟები ცხრილავენ მონინალმდეგეს კომპიუტერში. უსიამოვნებას გადაეყრებოდა და არ სურდა უსიამოვნება. მაგრამ უფრო ახლოს, უფრო რეალურად, უფრო ცოცხლად, ვიდრე ფიგურებს ეკრანზე, თომასი ვერ აღიქვამდა ფეხით მოსიარულეებს ფანჯრის მონაკვეთიდან. ის, რომ ისინიც მასავით ადამიანები იყვნენ, მათთან არ აახლოებდა.

გერმანულიდან თარგმნა ბელა სურგულაძემ.

დასასრული შემდეგ ნომერში

შტრიხები პორტრეტისთვის

რენე კალანდია

ღვინისფერი პოეტის სევდა

„შორს რას ეძიებ, ბოლოს მაინც შინ  
დაბრუნდები, შენთვის ნაცნობში აღმოაჩენ  
უღიადესს ან იმის ბადალს, მახლობლებში  
დაინახავ სიტკობებს, ძალას, სიყვარულს;  
ბედნიერებას, სიბრძნეს აქ ჰპოვებ და  
სხვაგან ვერსად, და თან ოდესმე კი არა, ახლა“.  
უილიამ ბატლერ იეიტსი

ზურაბ გორგილაძე...


თითქმის სამი ათეული წელი ვმეგობრობდი ამ საოცრად ღვინისფერ პოეტთან („ღვინისფერი ზღვა“ – **ჰომეროსის** გამოთქმას), რომელიც ჩემთვისაც კარგად ნაცნობი გულისტკივილით წერდა: „საქართველოში ისე ვბერდები, რომ თბილისს ლექსი ვერ წავუკითხე“.

რა არის ეს? – სამართლიანი საყვედური თუ პოეტური სინანულის განცდა?

ალბათ უფრო სინანული და ღვინისფერი სევდაა, რადგანაც სხვა ლექსში პოეტი ამბობს: „და შენს ტაძართან ჩემი ლექსები იღვა აღდგომის მათხოვარივით“. ამ სტრიქონებში ისე მძიმდება პოეტური სიტყვის ლოდი, რომ მისი ზიდავა „ამაოებათა ამაოების“ ბუტბუტს ემსგავსება, დედაქალაქის გამოწვდილი პური ქვად იქცევა და პოეტის ცრემლიც უფრო მლასშეა, ვინემ შავი ზღვის ტალღა. რატომღაც ასე მეჩვენება, რომ ჩემ მიერ ციტირებულ სტრიქონებს სულკურთხეული **ნიკო სამადაშვილიც** მოაწერდა ხელს, ბუსპალტერად აღსრულებული ნიკო, რომელსაც თავისი გულჯავრიანი ლექსების – ამბოხებული სულის ნაფლეთების დაბეჭდვა არ ეღირსა, რადგანაც, ზურაბ გორგილაძის თქმისა არ იყოს, ისიც მთელი თავისი დღე და მოსწრება, მატრებაზების ჯირითს ესწრებოდა და მეტი არაფერი. სულძაღლი ბოლშევიკების მიერ ნაწამები **ერეკლე ტატიშვილისგან** კარგად უწყოდა, თუ რას ნიშნავდა **ფრ. ნიცშეს** ამბოხება-ამოკენესა-ამოძახილი: „მარტოოდენ პოეტი! მარტოოდენ სულელი!“ რადგანაც ქართული ცნობიერება, ოჯახური ყოფა დარღვეული იყო, დედამიწის ერთი მეექვსედი გადაწითლებული და უგუნურთა და უმეცართა ზიზლის მდინარეს **გალაკტიონის** მიხედვით „ცხედრები მოჰქონდა“. ხოლო **ოლია ოკუჯავა** საბჭოთა, თანაც სოციალისტური საკონცენტრაციო ბანაკიდან „ბოლშევიკური მგზნებარებით“ წერდა თავის გენიალურ მეუღლეს, რომ „დანარჩენი მსოფლიოს გაწითლება გარდაუვალია“... ბითური საუკუნე **ტერენტი გრანელს** საგაიუეთში ამწყვდევდა, **მიხეილ ჯავახიშვილისა** და **ტიციან ტაბიძისთვის** ტყვიას ამზადებდა („и пуля отлитая этим рабочим, меня убьет“ – **ნიკოლაი გუმილიოვი**), ხოლო **შოთა ჩანტლაძისთვის** მხოლოდ წყალგარეულ ლუდს თუ იმეტებდა. თუმცა ისიც ცნობილია, რომ ჭეშმარიტი ხელოვანისთვის სანატრელი ანუ ბედნიერი დრო და ეპოქა ოდითგანვე არ არსებულა, არც არსებობს და არა მგონია მომავალშიც დადგეს. დიდი პოეტის ბედნიერი დრო – ილუზიაა, გაფანტული ოცნებები და საპნის ბუშტი, რადგანაც მის შუბლზე მარადისობის ნიშანია



ფოტოზე ზურაბ გორგილაძე



და არა ამბიციური დაფნის გვირგვინი, რომელიც თვით ღვთაებრივი **ფრან-ჩესკო პეტრარკას** შუბლსაც ალაქავებს და სკეპტიციზმის ღრუბელივით ფარფატებს დიდი იტალიელი პოეტის თავზე, რადგანაც ჯერ კიდევ **კატულუსმა** ბრძანა: „ვაი, შენ ჩემო საუკუნევ, ცეტო და კახპავ!“

ჩემს წილხვედრ წუთისოფელში გენიალური წიგნებისა და მებრუვე პოეტების გარდა რა შემხვედრია: პირველებთან – მიოცნებია, სხვებთან – მიქეიფია და სიგიჟეებიც ჩამიდენია, მაგრამ ღვინისფერი პოეტებიდან, ორად ორი პიროვნება შემორჩა ჩემს მენსიერებას: თბილისში **ზაურ ბოლქვაძე** და ბათუმში – ზურაბ გორგილაძე. მათთან ყოველ შეხვედრას, თუნდაც ლექსებსაც, რქაწითელისა და მანავის მოკამკამე ფერი გასდევდა... და რაკი ღმერთის შეწვევის იმედით ამ საწუთროს შემოვრჩი, ძალიან მინდა, თუ დამცალდა, მოგვიანებით ბატონი ზაურის შესახებაც ვთქვა ორიოდ სიტყვა...

სოხუმში ხშირად ჩამოდიოდნენ აჭარელი და იმერელი მწერლები. იმართებოდა პოეტური საღამოები და პურობა. ზურაბ გორგილაძე იმ შეხვედრებიდან დამამახსოვრდა. თბილისშიც ვხვდებოდით ერთმანეთს – საქართველოს მწერალთა ყრილობებზე. ზურაბს ყოველთვის თან ჰქონდა იმ ხანებში დეფიციტური და საკმაოდ ძვირადღირებული ამერიკული „ფილიპ მორისი“ – მაგარ კოლოფში... შესვენებებზე კონიაკს ვწრუპავდით და ჩინებულ სიგარეტს ვაბოლებდით. თბილისურ პრესაში თითქმის არ ვიბეჭდებოდით, მაგრამ ამის გამო „კორვალოლს“ არ ვხმარობდით: დედაქალაქურ იგნორირებას მიჩვეულები ვიყავით და, მორჩა ბაზარი! პოეტური საწუთროს წამიერი ბედნიერების გაელვებაზე თუ უბედობის უსასრულო მელანქოლიაზე საუბარს გაუურბოდით: რა აზრი ჰქონდა?!

რამდენიმე წლით უფროსი იყო ჩემზე და ასაკით **გენოსთან** უფრო ახლობელი. მშვენიერი ლექსები მიუძღვნეს ერთმანეთს და უფრო ხშირად ხვდებოდნენ კიდევ.

აჭარაში პირველად 80-იან წლებში ჩავედი. სოხუმში ჩამოსულ თბილისელ ახ. მწერალთან ვიქეიფეთ და მთხოვა ბათუმში წავყოლოდი. ავიკიდე ახ. მწერალი და მისი ძმა – მაგრამ ნასვამი ვიყავი და უარი ვერ ვუთხარი. გადავფრინდით. ბათუმში ზურაბს დავურეკე. მითხრა, ნახევარ საათში მოვალ. მოვიდა. სანაპიროზე შევხვდით ერთმანეთს. მაშინ გამაცნო **შოთა ზოიძე** და ერთ-ერთი ოპერის მომღერალი, რომლის გვარი, ჩემდა სავალალოდ, არ მახსოვს. ზურაბმა რესტორანში შეგვიყვანა და ჭოროხის კალმახების ფონზე გვაქეიფა. ერთი-ორი წლის შემდეგ იმ ახ. მწერალს ჩემთან ურთიერთობაში რაღაც შეეშალა და სახლიკაცთან მიქარა, თანაც ყურადღების მოსაღწეობად უყვებოდა: „დედაშენის გაკეთებული ელარჯიც მიჭამიაო...“ რაღა უნდა ვთქვა, გარდა იმისა, რომ როგორც ადამიანის გონი, აზროვნება და კეთილშობილებაა უსაზღვრო, უზრდელისა და უვიცის ღვთაებასაც არა აქვს საზღვარი და ამიტომაც საჭიროა გვახსოვდეს: „ნუ დაუყრი მარგალიტაო...“. ისე კი, რადგანაც ის ახ. მწერალი გარდაცვლილია, მე აქ – ჩემს წილხვედრ წუთისოფელში მიპატიებია, მაგრამ იქ – მაღალ ღმერთთან თავის ავკაცურ ცხოვრებასა თუ საქმეს თავად მიხედოს და ა. შ. ბიოგრაფიული მომენტი თუ არალირიკული გადახვევა იმიტომ დამჭირდა, რომ ზურაბთან ასეთი სტრიქონებიც შემხვდა: „ჩემს ტაბლასთან ღრეობდა კახპაცა და ახვარიც...“. სწორედ აღნიშნულმა დეტალმა გამახსენა ჩემი შფოთიანი სიჭაბუკე და ახ. მწერლის ახვრობაც...

ისე მოხდა, რომ ჩემი ბიბლიოთეკა („ჩემი სამოთხე და ჯოჯოხეთი“) სოხუმში, ზუგდიდში და თბილისშია გაბნეულ-გაფანტული. სოხუმში ჩამრჩა ზურაბის ნაჩუქარი წიგნებიც... ამ დღეებში გამომცემლობა „ინტელექტის“ დირექტორმა და „100 ლექსის“ საგამომცემლო პროექტის ავტორმა, ბ-ნმა **კახმეგ კუდავამ**, მაჩუქა ზურაბ გორგილაძის „100 ლექსი“, რომლის წინათქმაში ვკითხულობთ: „ზურაბ გორგილაძე დიდად და გამორჩეულად ზრუნავდა აჭარაში შემორჩენილი ძირძველი ქართული სიტყვების გაცოცხლებისთვის. თავის ლექსებში პოეტმა ამ სიტყვებს მივიწყების საბურველი შემოაცალა და გააცოცხლა ისინი. ამასთან, ყველაფერი ეს ისეთი ოსტატობითა და მაღალმხატვრულობით შეასრულა, რომ ისინი ლიტერატურულ ქართულში ორგანულად ჩააწნა. ეს მისი გამორჩეული წვლილია ქართულ მწერლობაში და ამაში მკითხველი საკუთრივ დარწმუნდება პოეტის 100 ლექსის გაცნობისას“ (**მიხეილ მახარაძე**).



უკეთესად ვერც იტყვი. ხშირად მიფიქრია, რომ ზურაბ გორგილაძის პოეზიისთვის საოცრად ნიშნულია აჭარული დიალექტის ყვავილწუნულის ფერადოვნება-სილამაზე და ქართულ ღვთაებრივ ჩუქურთმათა ხაზების ჩაწულ-ჩანსლართული ერთიანობა, მეტაფორული აზროვნების სიღრმე და ჰაეროვნება (თუნდაც „ტუქუმღვრე ფატმანი“ ან „სამ თვეს წითლად რად დიოდა მაჭახელას წყაღი“ და ა. შ.), პოეტური ენერგია ციდან გადმოვარდნილი ჩანჩქერით ეშვება და ვერცხლისფერ შხეფებს ისვრის ჩვენკენ, პოეტი ბალღით გულმართალია და გულწრფელი, საოცრად სევდიანი და დახვეწილია („დახვეწილობა კი პოეტის საბრძანებელია, მისი ელდორადო“ – **ედიგარ ალან პო**), ადამიანებთან ურთიერთობაშიც, შინაგანი არისტოკრატიზმითა და ჭეშმარიტად ელინურ-ქართული დემოკრატიზმით (არა დღევანდელი ზედაპირულ-მოჩვენებითი) საუბრობს ათასი ვაების მომსწრე და გადამტან ქართველ მკითხველთან. ზურაბ გორგილაძის კრებულში უამრავი დიდებული და დიდი ლექსია, რომელიც მომავლის ქართულ ანთოლოგიებს დაამშვენებდა. მათი ჩამოთვლა ისე შორს წაგვიყვანდა, რომ ესეის ფარგლებში ვერ ჩავეტოდი. რამდენიმე მათგანის სათაურებს დავასახელებ: „\*\*\* ვჭრი მარმარილოს, საჭრეთლის მიყვარს ძგერება“, „გადამაბიჯებს გულზე გონი“, „კოხტა კოლხი“, „მობრძანებულხარ, გელოდი!“, „ხატი-მაძული“, „\*\*\* მარადიდი! მარადიდი!“, „ალსარებასავით“, „\*\*\* გადმოვარდნილს გოდერძით თუ...“, „შენთან გასაგზავნი წერილი“, „ორი რუსთაველი“, „ძველი ტკივილის გამო“, „პიპას“, „მთელი ჩემი სიცოცხლე“, „იქნებ“, „აბოს ფერფლი“, „რა დროის იყო ეს საყვედური?“, „სხალთის ტადარი“, „მიძღვნა“, „მადლობელი“, „ჩაუმქრალი სანთლები“, „ნენემ დამინიშნა ქალი“... ამ და სხვა ლექსებით პოეტმა აჭარულ დიალექტში ნაღვერდალივით შემონახული და მობრძღვიალე ძველქართული სიტყვები ხელახლა გააცოცხლა, როგორც ღირსეულმა შემოქმედმა ადამიანმა სული შთაბერა და პოეტური ხელისგულით ალაღად და უშურველად გამოგვიწოდა. ზურაბ გორგილაძე განსაცვიფრებლად მაღალია და გულმართალი, როდესაც წერს: „წიფლის ცეცხლი ბარბალებს და კვარცხალეებს კარდალი, – ნენი, – ბიჭი კითხულობს – მჭადზე დალი რად არი? დედა ხმამწუხარეა, ზარს და ზემს ჩვეული, – შვილო, მჭადზე ჯვარია ძველი და კურთხეული“ („ბუხართან“).

ზურაბ გორგილაძის მთელი სიცოცხლე, პოეტური ენერგია, ხორუმით დაძაგრულ-დაძაბული და მთრთოლვარე ნერვი, მამულიშვილური გუ-





ლისტიკივილი საუკუნეთა მიჯნაზე შაგრენის ტყავივით დაფლეთილ-დაპატარავებულ თუ შინგამოზრდილ ტურა-მელათა ანუ კვაზიპოლიტიკოსთა („მწიგნობართა და ფარისეველთა“) მიერ გაყიდულ-გასხვისებული საქართველოს ბედის მოზიარე ქართველის მლაშე ცრემლითა და ტკივილითაა გაჟღენთილი: „წუხილს ჩემთვის რომ წუხდა ილია, რომელ ცრემლში და წუხილში გარეე, რა უბედური ხალხის შვილი ვარ, რა უბედური მერგუნა მხარე“. მისი მარადქართული ცნობიერება და მოთქმა-წუხილი სისხლხორცეულია ქართველი მკითხველისთვის, რომელსაც თხუთმეტსაუკუნოვანი მწერლობის ძუძუ უწოვია... შარავანდომოსილი ქართული სიტყვა უხილავს და „ქართლის ცხოვრების“ კითხვაში დასთენებია, ქართული საჟურანტელო ბგერებით – საგალობლებით ღმერთამდე ამაღლებულა და მდაბალი შურით სატანამდე დაცემულა, სულით წაწყმედილა, აღსარება უთქვამს და საქართველოში სიკვდილი უნატრია.

ზურაბ გორგილაძემ ვაჟკაცურად და პოეტურად გაიღო თავისი ზვარაკი. მთელი სიცოცხლე ქართულ სიტყვას ემსახურებოდა და ტიციან ტაბიძის თქმისა არ იყოს: „ერთ საწყალ პოეტს ამაზე მეტი, სინდისით რაღა მოეთხოვება?“

პოეტმა თავისი მართალი პოეზიით პატარა საქართველოს კიდევ უფრო პატარა და ფერადი აჭარის („აჭარა – ჩემი პატარა ნავი“ – **ალექსანდრე საჯავია**) რუკაზე მბორგავი ცხელი გული გამომიწოდა და მე მწამს, რომ გულისხმიერი ქართველი მკითხველი ამ გულს გაუფრთხილდება, აუცილებლად იგრძნობს საოცრად მართალი და ნაღდი პოეტის გულის ფეთქებას, რომელიც გულმართალი იყო ქართულ სიტყვასთან და მამულის სამსახურში დაიფრთხილა: „ნეტარ იყვნენ წმინდანი გულითა, რამეთუ მათ ღმერთი იხილონ“. ამინ!

შესაძლებელია პარტიკულარიზმში ჩამითვალოს მავანმა და მავანმა, მაგრამ, რადგანაც ეს პატარა სამშობლო საქართველო „გვაქვს უთვალავი ფერთა“ და ერთადერთია, აუცილებლად უნდა ვთქვა: **შოთა ნიშნიანიძის** შემდეგ არ შემხვედრია მეორე დიდი ქართველი პოეტი, რომელიც ასე გულწრფელად და ხატოვნად, უანგაროდ და გულდათუთქული მოეფერებოდა ჩემს მშობლიურ კუთხეს – სამეგრელოს: ხუთგზის გადავიღე-გადმოვიღე და თანამედროვე ლექსიკით „დედამოკლულს“, მაგრამ მაინც ცოცხალსა და მოიმედოს. იმედია დამეთანხმებით, რომ დედასამშობლო ჩვენი იმერულ-აჭარულ-მეგრულ და სხვა ძვირფას მხარეთა ორლობებიდან, ქუჩებიდან, შუკებიდან და უბნებიდან იწყება. ღმერთმა ნათელში ამყოფოს ორივე პოეტის სული!

როდესაც ზურაბ გორგილაძე წერს: „დედაო ღმერთო! ჭორფლიან ბუკებს წავსკვნი ყელზე ჭრელი ფაფანაკი, – და შენს ბეთლემში ფეხს იდგამს უკვე ქართული სიტყვის ერთი ზვარაკი“, მე მჯერა ჩემი უფროსი და სულკურთხეული ძმის სიტყვისა! მწამს მის მიერ გაღებული მსხვერპლისა. დარწმუნებული ვარ, რომ სინარულისა და ჭირის ოფლით შექმნილი ზურაბ გორგილაძის პოეზია ღირსეულ მკითხველს იპოვის, რამეთუ თითოეული ჭეშმარიტი პოეტის „სამყარო უსაზღვრო და უსასრულო სფეროა, რომლის ცენტრი ყველგანაა, პერიფერია კი არსად“ (**ბლუზ პასკალი**).

დასასრულს, მკითხველთან ერთი თხოვნაც მექნება და გამგები გაიგებს: ჩემი ძმისა და ღვინისფერი პოეტის სევდა ასე მესმის: ზურაბ გორგილაძის შთამომავლებს მაინც ნუ ათქმევინებთ: „ნუთუ ჩემმა სევდიანმა აჭარლობამ საქართველოს წაუხდინა რამე?!“



უკვდავი სახელები

წმიდა ალექსი შუშანია

საზომი სულიერი თავისუფლებისა

წერილი იონა მეუნარგიასადმი

ღრმად პატივცემულო იონა!

ჩემს უფერულს... სენაკში, რომ შემობრძანდით და თავმდაბლობით ხელზე მემამბორეთ (რაც სირცხვილად მიაჩნიათ განათლებულად წოდებულებს) სიამოვნებით აღივსო ჩემი გული, არა იმისთვის, რომ ვითომ ჩემი პირადობის პატივს ვამაღლებდი, ნუ იყოფინ, არამედ თქვენ მიერ, როგორც მაღალ განათლებულ პირისაგან ზნეობრივად თავმდაბლობამ, ეკლესიის ჩვეულების საპატიო ზნეობრივ მშვენიერების დანახვამ ფრიად სიხარულევან სახე დამიყენა თვალ-წინ და გამახარა. შემდეგ ამისა, უფრო მათვისებდა თქვენს თავს ხასიათის უბრალოება... რასაც იშვიათად შეხებით სწავლა-განათლებულ პირებში, რომლების თავზე რაღაც განათლების დამამცირებელ ამპარტავნების დროშა აღმართულა, თითქოს მინის შვილად არ რაცხენ თავიანთ თავს! ასეთებს ავიწყდებათ თავისი ადამიანობა, რამეთუ ადამიანი რა წრეშიც იყოს და რავდენიც სწავლა-განათლებით ამალდეს, მაინც ადამიანია, მაინც საწყალია და იმ მაღალ საზომის მისაღწევ ძალ-მოსილებისადმი, რომელიც დანიშნულია ადამიანისთვის, ფრიად უძღურია. საზომს ვამბობ: სულიერ თავისუფლებისას, უზნეო ცუდ-ვნებათა არა დამონავებით ნებათა ძლევას, რომელ არს ჭეშმარიტად არსებით მაღალ განათლება და არა ოდენ გარეგანად კლასიკურ აღსავალთა დამთავრება, რომელიც ვერ ახორციელებს ადამიანის, როგორც დიდბუნებოვანი გონიერ არსების

**იონა მეუნარგია** დაიბადა 1852 წლის 26 ნოემბერს ზუგდიდის რაიონის სოფელ ცაიშში. დაწყებითი განათლება მიიღო მარტვილის სამრევლო სკოლაში, შემდეგ დაასრულა ქუთაისის სასულიერო სასწავლებელი და სწავლა განაგრძო თბილისის სასულიერო სემინარიაში. 1877 წელს იგი ცოდნის გასაღრმავებლად პარიზში წავიდა. სამშობლოში დაბრუნებული თანამშრომლობდა ქართულ და რუსულ ჟურნალ-გაზეთებში. ენერგიულად იღვწოდა ქართველთა შორის წერა-კითხვის გამავრცელებელ საზოგადოებაში. 1891-1894 და 1907-1913 წლებში არჩეულ იქნა ფოთის ქალაქის თავის მოადგილედ. 1898-1907 წლებში მომრიგებელ შუამავლად მუშაობდა ზუგდიდის, სენაკისა და ლეჩხუმის მაზრებში. გარდაიცვალა 1919 წლის 15 მაისს. დაკრძალულია ცაიშის ეკლესიის ეზოში.

**წმინდა ალექსი (შუშანია)** დაიბადა 1852 წლის 23 სექტემბერს სენაკის მაზრის სოფელ ნოქალაქევიში. შვიდი წლისა სკოლაში შეიყვანეს. აქ მან დიდი ნიჭიერება გამოიჩინა, მაგრამ მალე მძიმედ დაავადდა და სწავლა ვეღარ განაგრძო. 20 წლის ასაკში ბერად აღიკვეცა. მოღვაწეობდა ათონისა და გელათის მონასტრებში. 1886 წელს დიაკვნად, ხოლო 1888 წელს – მღვდელ-მონაზვნად აკურთხეს. 1890 წლიდან თეკლათის მონასტერშია. 1891 წელს ბერული სენაკის მშენებლობა დაიწყო მენჯში, მთავარანგელოზთა ტაძართან. 1898 წლიდან კი დაწყებული ცხოვრებას შეუდგა. სენაკში ჰქონდა კაცის სიმალის ხის ჯვარი, რომელსაც ლოცვის დროს ზურგით იპყრობდა ხოლმე, რადგანაც ჯვრის ასე პყრობა გოლგოთაზე ამავალ ქრისტეს აგონებდა. ხანგრძლივი მოღვაწეობით დამამკრძალი ბერი 1923 წლის 18 იანვარს მიიცვალა.



**სადა,** უბრალო, ძაძის ანაფორით შემოსილ ბერის ხატად გამოკრთის ალექსი შუშანიას სახება მორწმუნე ქართველის მესიერებიდან, თეთრი წვერი და ქათქათა კულულები მკერდზე. ხის ჭილოფგადაფარებული ტახტი, მცირე მაგიდა უზურგო სკამებით გარემოსილი და პატარა კარადა, რომელზეც ათონის მთიდან წამოღებული ივერიის ღვთისმშობლის ხატი ასვენია... ალექსი ბერის თავგამოდებითა და ქველმოქმედ ქრისტიანთა შემწეობით, მთავარანგელოზთა კუნძულზე დაფუძნებული ეკლესია მრავალთათვის გახდება სულის საკურნებელი სავანე. ბერი პოეტი თანაბრად ინყნარებს მართლმადიდებელსა და შეცთომილს, განსხვავებული მრწამსისა და შეხედულების მონაფეებს, იზიარებს მათ შინაგანცდას, ტკივილს, რჩევით ეხმარება. პოლემიკის გამორჩეული ნიმუშია ალექსი ბერისა და ცნობილი ექიმ-ფსიქოლოგის, ივანე გომართელის მიმონერა, სადაც ურთიერთსანაღმდეგო ცხოვრებისა და მსოფლმხედველობის პიროვნებები დიდი პატივისცემითა და ყურადღებით ეპყრობიან ერთმანეთს, კამათშიც იგრძნობა სამაგალითო ტაქტი და მეგობრული სინაზე. იონა მეუნარგია, როგორც ყველა განათლებული და ევროპულ კულტურას ნაზიარები ადამიანი, ეჭვის თვალთ უყურებს

ფოტოზა ბერი ალექსი შუშანია




ქართველის „ფუნდამენტურ“ მართლმადიდებლობას. მიუხედავად იმისა, რომ სასულიერო პირის ოჯახშია აღზრდილი (მამამისი, მიხეილ მეუნარგია წლების მანძილზე ცაიშის ეკლესიის დეკანოზი იყო), მის გონებაში ქრისტეს შემეტოქებია ძვირფასი სახელები გეტესი, ბერნესი, ჰეინესი, დობროლიუბოვისა, მილლერისა, მილლისა, ბაირონისა, კანტის, კონტის, გუმბოლდტის, ვუნდტისა და ბოკლისა, ყმანვილობის წლებიდან ალუფხულა სპინოზასა და შელინგის, ჰეგელისა და ლეიბნიცის მოძღვრებანი... სასულიერო სემინარიის აუტანელმა პირობებმა – სულით ღარიბი ლექტორებისა და ინსპექტორების ნაცადმა მუშაკობამ – დამარხა მასში ხარებად აღძრული რწმენის თავთავები და ახალი მეცნიერების ბანაკიდან გადმოჰყურებს სანყალ დროებას, აკრიტიკებს ერთფეროვნებას, უიმედობას შეუპყრია.

გაივლის დრო და განსხვავებული ძალისა და მისწრაფების ადამიანთა მცოდნე იონა მეუნარგიას შუშანიების საგანისკენ გამოუწევს გული. იქნებ უბრალო ცნობისნადილია, ლეგენდადქცეული ბერის ნახვას რომ დააშურა, იქნებ ის ანდამატივით მიმზიდველი ძალა – დაკარგულის, დაფინყებულის საპოვნელად.

უჩვეულო გრძნობით შეუყვება აღმართს, უცხო განცდის მოლოდინში...

ფოტოზა იონა მეუნარგია



დანიშნულებას. ვიმეორებ თქვენმა უბრალოებამ... და თუმცა მაღალ განათლებულ, მაგრამ თავ-მდაბლად ზნეობრივ სახებამ დამიტოვა შთაბეჭდილება გულში თქვენდამი სიყვარულისა.

ძმაო იონა! ბევრი რამ ღირს საგნებზე მსურდა თქვენთან მესაუბრა, მაგრამ ერთიც არ მომიხერხდა და რალაც ნახტომ-ნაწყვეტ სიტყვებს ვაკუთვნე საპატიო შემთხვევა.

გიკურთხოს უფალმან დღენი ცხოვრებისა თქვენისანი ერთად საყვარელ მეუღლით და შვილებითურთ ამინ.

ალექსი ბერი 1912 წ. 13 ივნისი

მამობრივ სიყვარულით ვიკითხავ თქვენს მეუღლეს ნინოს.

მოამზადა ნაზი ქორთუამ

ნიგნის პრეზენტაციები

ლიტერატურული ალილობა არტ-კაფე „ქარავანში“

ორი ახალი საბავშვო ნიგნი, ბევრი „სადიდო“ ლექსი – მეგობარი პოეტების – ნინო სადღობელაშვილის, კატო ჯავახიშვილის, ნონა გიორგაძის, ნინო ქოქოსაძის, დავით აკრიანის, მარიამ ხუცურაულის მიერ წაკითხული; რამდენიმე ძველქართული რიტუალი – მაყურებლების თანამონაწილეობით და სიზმრის ელფერით; საშობაო ვარსკვლავი, დედას პური, თაფლი და მთელ-მთელი ნიგნის ლებნები – ეს ყველაფერი ერთად „ლიტერატურული ალილობა“ იყო, რომელიც 11 იანვარს, არტ-კაფე „ქარავანში“ გაიმართა. ალილობის მასპინძელი პოეტი მარიამ ნიკლაური გახლდათ.

მან მკითხველს გამომცემლობა „პეგასთან“ ერთად თავისი ორი ახალი კრებული წარუდგინა: „ნა-ნინები“, რომელსაც თან ერთვის დისკი – ავტორის ხმის ჩანაწერი

– იგი თვითონ კითხულობს თავის ლექსებს (მუსიკალური გაფორმება და მასტერინგი ზურაბ მჟავიას ეკუთვნის, მხატვარია – გია ცხადაია), და „ნატვრისთვალ მზისაო“ – საბავშვო ლექსების კრებული, ნანიკო ბურდულის ილუსტრაციებით.

პერფორმანსი უცხო ხილი აღარაა ქართველი მაყურებლისთვის, თუმცა „ქარავანში“ გამართული საღამო მხოლოდ ამ ჟანრს არ დასჯერებია – ყოველივე, რაც მოწვეულმა სტუმრებმა ნახეს, იყო არა გამონაგონი და შეთხზული, არამედ ნამდვილი და ძირისძირამდე ქართული, ისევე როგორც მარიამ ნიკლაურის მთელი შემოქმედება.

ლიტერატურული ალილობის რეჟისორი მსახიობი იოანე ხუციშვილი იყო, მასში მონაწილეობდნენ თეატრალური უნივერსიტეტის სტუდენტებიც.



პასტერნაკის ლექსები ქართულად

12 იანვარს გამომცემლობა „შემცენებამ“ სერიით „ცა“ გამოცემული ახალი კრებული მკითხველს საქართველოს პარლამენტის ილია ჭავჭავაძის სახელობის ეროვნულ ბიბლიოთეკაში წარუდგინა.

ნიგნის ისტორია ასეთია: გამორჩეული ბედისა და ნიჭიერების ადამიანი, პოეტი, მთარგმნელი ბათუ დანელია მოსკოვში ლიტერატურის უმაღლეს კურსებზე სწავლისას შეხვდა ზორის პასტერნაკის ვაჟს, რომელმაც მამის ორტომეული უსახსოვრა ქართველ პოეტს. იმ დღიდან რუდუნებით მუშაობს „იური ჟივავოს ლექსების“ თარგმანზე, მისთვის ჩვეული მაღალი პოეტური პასუხისმგებლობითა და

სინდისიერებით. მაგრამ რატომღაც ამ ლექსების გამოცემა წლების მანძილზე ვერ მოხერხდა.

ბათუ დანელიამ დანაწილებით აღნიშნა, რომ, სამწუხაროდ, ნიგნი ორენოვანი სახით ახლაც ვერ გამოიცა.

მთარგმნელმა ლექსები თავად წაკითხა.

გივი შაჰნაზარმა, ზაზა აბზიანიძემ, დავით-დეფი გოგიბედაშვილმა, აკაკი ბრეგაძემ, ლევან ბრეგაძემ, ნონა კუპრეიშვილმა, მარიამ ნიკლაურმა, ნონა გიორგაძემ გაიხსენეს პასტერნაკის ცხოვრება და საქართველოსადმი მისი გულითადი დამოკიდებულება, ისაუბრეს ბათუ დანელიას თარგმანის ღირსებებზე.






ნიგნები

„ინტელექტი“ ბთავაზობთ

რომენ როლანი

მიქელანჯელოსა და ბეთჰოვენის ცხოვრება




1915 წლის ნობელიანტი მწერლის – რომენ როლანის ნიგნი „ნობელის პრემიის ლაურეატების“ სერიის ახალი ტომია.

„მიქელანჯელოს ცხოვრება“ რომენ როლანის „გმირულ ცხოვრებათა“ ციკლს განეკუთვნება. მასში აღწერილია შემოქმედებითი ვნებანი კაცისა, ვინც სწორუპოვარი შედეგები დაგვიტოვა ქანდაკების, მხატვრობისა და ხუროთმოძღვრების დარგში. ოსტატი თავის საქმეს რელიგიური მონივნებით ეპყრობოდა. „კარგი ხელოვნება ღმერთს უახლოვდება და მას შეერწყმის. ის ოდენ ასლია ღვთის სრულქმნილების, მისი

ყალმის ჩრდილი, ანარეკლი მისი მუსიკის, მისი მელოდიისა.“

„ბეთჰოვენის ცხოვრების“ წინასიტყვაობაში როლანი წერს: „ჩვენს ირგვლივ ჰაერი დამძიმებულია. მძიმე და გახრწნილ ატმოსფეროში იყინება მოხუცი ევროპა. სიდიადეს მოკლებული მატერიალიზმი მძიმედ აწვება აზრს და ხელს უშლის მთავრობათა და პიროვნებათა საქმიანობას. მსოფლიო თავის მშვიშარა და სულმდაბალ ეგოიზმში იხუტება. მსოფლიო სულს ღაფავს. მაშ, გავალოთ ფანჯრები. შემოვუშვათ სუფთა ჰაერი. ვიგრძნოთ გმირების სუნთქვა“.

ახალგაზრდა პოეტების კრებულები



გამომცემლობა „ინტელექტი“ ერთდროულად ორი ახალგაზრდა პოეტის ნიგნი დაიბეჭდა: ზაზა ბიბილაშვილის „ჩემი მდოგვის მარცვალი“ და ქეთი ნიჟარაძის „ნაუკითხავი ლექსები“. ახალ კრებულებში პოეტების საუკეთესო ლექსები შევიდა.

„ნაუკითხავი ლექსების“ წინასიტყვაობაში, რომელიც რატი ამალლობელს ეკუთვნის, ვკითხულობთ: „პოეტი ენაში მყოფი მხატვარია, რომელიც სამყაროს არა მხოლოდ ლოგიკურად და რაციონალურად, არამედ – პირველყოფ-

ლისა ინტუიტიურად აღიქვამს.

თუ დავუშვებთ, რომ სამყარო მუდმივ დინამიკაში, მუდმივ ქმნადობაშია, მაშინ პოეზიასაც მოვუნახავთ ფუნქციასა და შინაარსს, ის ცდილობს, ამ ქმნადობის შესაძლებლობაში იარსებოს, იარსებოს საკუთარი ინტუიციებით, გააგრძელოს ბუნების დაწყებული საქმე და არამხოლოდ მიბაძოს მას. ქეთიც ამ პროცესშია. წინამდებარე ლექსების კრებულიც სწორედ ამ პროცესის ასახვაა, თითოეული ჩვენგანი კი – ქმნადობის თანამონაწილე.“

100 ლექსის ორი ახალი ტომი

„100 ლექსის“ სერიით ორი ახალი ტომი გამოიცა. **თამაზ ჭილაძის** 100 ლექსის კრებული **ზვიად კვარაცხელიამ** შეადგინა. კრებულში შესულია სხვადასხვა დროს დაწერილი ლექსები, რომლებიც დიდი ხანია შეიყვარა მკითხველმა.

**მედეა კახიძის** 100 ლექსის წინასიტყვაობაში კრებულის შემდგენელი **იოსებ ჭუმბურიძე** წერს: „აღბათ, იშვიათია პო-

ეტი, რომელსაც ასე მკაფიოდ გამოკვეთილი ჰქონდეს მხოლოდ ორი თემა – სამშობლო და სიყვარული. შევეცადეთ, ამ კრებულში თანაბრად და ღირსეულად წარმოგვედგინა პოეტის „ორივე ცა“. 50 ლექსი სიყვარულზეა, 50 – სამშობლოზე.“

სერიას მალე **ესმა ონიანის** 100 ლექსის გამოცემაც შეემატება.



ვანო ჩხიკვაძე

„სადღაც, ნისლევის ბოლოში“

**ვანო ჩხიკვაძის** მინიატურების ახალი კრებული „ინტელექტის“ „მცირე პროზის“ სერიით გამოიცა. წიგნში შესულია მინიატურე-

ბი: „კობტა თამრო“, „მესანთლე“, „ლიზა“, „ბელადს აბანავებენ“, „მდინარე“, „ამბავი – ბელურა“, „მაგიდა“, „უცნობი“ და სხვები.



„არტანუჯი“ ბთავაზობთ

ზვიად კვარაცხელია

„ილია სამეგრელოში“

წიგნი 1885 წელს **ილია ჭავჭავაძის** სამეგრელოში მოგზაურობის შესახებ მოგვითხრობს. ეს პირველი ცდაა დიდი ქართველი მოღვაწის ცხოვრების ერთი ეპიზოდი საზოგადოების ფართო წრისათვის მხატვრულ-დოკუმენტური ხერხით გახდეს ცნობილი.

**ზვიად კვარაცხელიამ**, არსებულ მასალებზე დაყრდნობით, ახალი ფასეულობა შექმნა – თითქოს დოკუმენტური ფილმის კადრები ენაცვლებიან ერთმანეთს.

ილიას სამეგრელოში სტუმრობის წარმოჩენით თავისთავად აღ-

დგება ურთულესი ეპოქა და მდგომარეობა ქვეყანაში. ისტორიულ ფონზე პერსონაჟებიც იმდროინდელი რეალური პირები არიან: სხვადასხვა სფეროს გამორჩეული წარმომადგენლები თუ ჭავჭავაძის უშუალო მასპინძლები.

მხატვრულ-დოკუმენტურ თხზულებას **როსტომ ჩხეიძის** წინასიტყვაობა და **ვასილ კიკნაძის** გამოსხმაურება ერთვის.

რა მისიით ეწვია ილია სამეგრელოს და რა შედეგი მოჰქცვა ამას, წიგნის ნაკითხვის შემდეგ შეიტყობთ.





## საგამომცემლო ჯგუფი

ეთერ ბაიდომვილი  
ვლადიმერ პერანიძე  
ბადრი ტალახაძე  
მართა ნიკლაური  
ალექსანდრე ჯიქურიძე



### გამომცემლობა ინტელექტი

---

0179, თბილისი, ილია ჭავჭავაძის გამზირი №17ბ  
25-05-22, 91-22-83, 8(99) 55-66-54  
ფაქსი: 25-05-22, 91-22-83  
[www.intelekti.ge](http://www.intelekti.ge) [info@intelekti.ge](mailto:info@intelekti.ge)  
რედაქტორი: 8(99) 90-37-22